

欽定續通志



列傳

元二十一

阿珠 阿爾哈雅 姜衛 托克托呼

解和爾

五福圖
書錄
寶

不傳
乃氏圖
書錄

不傳
乃氏圖
書錄

阿珠烏哩特氏都帥烏蘭哈達子也憲宗時從其父征西南夷所向摧陷至平大理克諸部降交趾無不在行世祖即位留典宿衛中統三年從諸王征李璫有功拜征南都元帥治兵于汴至元元年略地兩淮攻取戰獲軍聲大振四年觀兵襄陽遂入南郡取僞人鐵城等柵軍還宋兵邀襲樊間阿珠乃自安陽濟江立虛寨誘敵斬首萬餘級初阿珠過襄陽駐馬虎頭山宿漢東白河口曰若築壘於此襄陽糧道可斷也五年築鹿門新城等堡繼又築漢水中與夾江堡相應自是宋兵援襄者不能進六年大霖雨漢水溢宋將夏貴范文虎相繼來援復分兵出入水岸林谷間阿珠謂諸將曰此張虛形不可與戰宜整舟師備新堡明日宋兵果趨新堡大破之遂治戰船分水軍築圍城以逼襄陽文虎復率舟師來救宋與國又以兵百艘侵百丈山俱敗走之九年破樊城外郭增築重圍以逼之宋裨將張順張貴自上流入襄陽阿珠攻之順死貴僅得入城飛乘船東走阿珠追戰至檀門關擒貴餘衆盡死是年加同平章事先是襄樊兩城漢水出其間宋兵植木江中聯以鐵鎖中設浮梁以通援兵樊恃此為固至是阿珠以鋸斷木以斧斷鎖焚其柵襄兵不能援十年按說吳城及呂文煥出師原傳作九年十二月事誤今據世宗文煥及阿爾哈雅傳修正遂拔樊城襄守將呂文煥懼而出降奉命略淮東抵揚州城下宋以千騎出戰阿珠設伏擒其騎將王都統十一年入朝奏請伐宋帝可其奏詔益兵十萬與丞相巴延參政阿爾哈雅等同伐宋進平章政事師次鄂之鹽山得

欽定續通志

卷四百六十七 列傳

一

俘民言宋沿江九郡精銳盡聚鄂江東西兩城不若取黃家灣堡由東河口拖船入湖轉以下江為便遂舍鄂而去行大澤中忽宋兵千騎突至時從騎僅數十人阿珠奮槊馳驟斬一百餘級生擒其將趙范二統制進攻沙洋新城拔之前次復州守將霍貴迎降時夏貴扼江漢口兩岸備禦堅嚴阿珠用軍將馬福計回舟淪河口從陽羅堡西沙蕪口入江進攻陽羅堡不克乃謂巴延曰若分軍船之半循岸而上伺隙擣虛可以得志從之明日阿珠遙見南岸沙洲率眾趨之與宋將程鵬飛戰於中流鵬飛敗走即抵沙洲步鬪又破之追至鄂東門而還夏貴聞阿珠飛渡引兵先遁餘皆潰走遂拔陽羅堡巴延議師所向阿珠勸取鄂漢于是水陸並進漢陽鄂州相繼皆降十二年黃蘄汀州降阿珠率舟師趨安慶范文虎迎降繼下池州宋丞相賈似道擁重兵拒蕪湖遣宋京來請和巴延商之阿珠阿珠曰今日惟當進兵事若有失罪歸於我師進次丁家洲與宋前鋒孫虎臣對陣夏貴以戰艦橫互江中似道嚴其後阿珠挺身登舟手持柂矢入敵陣諸軍繼進宋兵遂大潰世祖以宋重兵皆駐揚州臨安以之為重命阿珠分兵圍揚州進次真州敗宋兵于珠金沙既抵揚州造戰具于瓜洲漕粟于真州樹柵以斷其糧道宋都統姜才領步騎二萬夾河為陣阿珠擊之堅不能却眾軍伴北才遂之遂奮而回擊才軍不能支擒其副將張林斬首萬八千級宋兩淮鎮將張世傑孫虎臣以舟師萬艘駐焦山東每十船為一柵聯以鐵鎖以示必死阿珠選善射者千人載以巨艦分兩翼夾射阿珠居中合勢進擊繼以火箭燒其蓬檣煙燄張天宋兵爭赴水死後軍散走自是宋人不復能軍矣十月詔拜中書左丞相時諸軍進取臨安阿珠駐兵瓜洲以絕揚州之援巴延遂平宋十三年夏貴舉淮西諸城來附阿珠謂諸將曰今宋已亡獨庭芝未下若絕其聲援塞彼糧道必東走通泰乃柵揚之西北丁村以扼其餽運貯粟海頭堡以備捍禦留屯新城以逼泰州又遣千戶巴延徹爾率甲

馳三百助海頭兵勢且戒之曰庭芝水路既絕必從陸出宜謹備之六月姜才知高郵米運將至果夜犯丁村棚

後漢書云石勒建元元年巴延帶爾來援所將皆阿珠牙下精兵旗幟畫雙赤月泉軍望而呼曰丞相來矣

宋軍識其旗皆遁才脫身走迫殺魏盡李庭芝以朱煥守揚州挾姜才東走阿珠追襲殺步卒千人庭芝僅入秦

州遂築壘守之朱煥以揚州降秦州守將孫良臣宋史作孫開北門納降執李庭芝姜才戮之申禁暴掠兩淮悉

平入見世祖於大明殿陳宋俘第功行賞實封秦興縣二千戶二十三年受命北伐叛王嘗喇穆爾等明年凱旋

繼又西征至哈喇和卓以疾卒追封河南王

阿爾哈雅輝和爾人聰辨有膽略家貧常躬耕舍未嘆曰大丈夫當立功朝廷何至效細民事賦畝乎去求其國

書讀之逾月又棄去事世祖于漕邸世祖卽位漸見擢用由左右司郎中進兼河南行省事至元五年命與元帥

阿珠劉整取襄陽又加參知政事始帝遣諸將命毋攻城但圍之以俟其自降乃築長圍以絕之宋兵入援者皆

敗去然城中糧儲多圍之五年終不下阿爾哈雅以爲宜先攻樊城樊城下則襄陽可不攻而得乃入奏報可會

有西域人伊斯瑪音獻新礮法以其人來軍中十年爲礮攻樊城之先是宋兵爲浮橋以通襄陽之援阿爾哈雅

發水軍焚其橋襄援不至城乃拔遂移攻具以向襄陽礮中譙樓聲如雷雲城中洶洶諸將多踰城降者劉整欲

立碎其城阿爾哈雅不許乃身至城下勸呂文煥降折矢爲誓文煥感而出降帝以文煥爲襄漢大都督阿爾哈

雅行荆湖等路樞密院事鎮襄陽阿爾哈雅奏曰襄陽既克宜乘勝順流長驅宋可必平平章阿珠亦贊其說帝

乃大徵兵拜巴延爲行省左丞相阿珠爲平章阿爾哈雅進行省右丞十一年會師襄陽遂破郢州及沙洋新城

師出沙蕪口宋制置夏貴守諸隘甚固阿爾哈雅磨兵攻陽羅堡原作武陽堡今依巴延貴趨援之阿珠遂西渡

欽定綱目志 卷四百六十七 列傳

青山磯宋都統程鵬飛迎戰敗之江中會貴兵亦敗走廬州知鄂州張晏然以城降鵬飛以水軍降巴延與諸將

會鄂城下遣阿爾哈雅戍鄂而與阿珠將大兵以東阿爾哈雅集鄂民宣上德惠禁將士毋侵掠民大悅遣人徇

壽昌信陽德安諸郡皆下進徇江陵十二年與安撫高世傑兵遇于巴陵世傑敗走追降之遂下岳州至沙市城

不下縱火攻之沙市立破宣撫宋孫孫制置高遵以城降乃入江陵釋係囚囚放戍軍除其徭賦及法令之繁細者

傳檄鄂歸峽常德澧隨辰沅靖復均房施荆門及諸洞無不降者盡委官其所降官以兵守峽籍其戶口財賦來

上帝喜曰巴延兵東阿爾哈雅以孤軍戍鄂朕甚憂之今荆南定東兵無後患矣親作手詔褒之命右丞廉希憲

守江陵促阿爾哈雅還鄂且以沿江新附諸城委之阿爾哈雅至鄂招潭州守臣李芾不聽乃移兵長沙拔湘陰

射書城中以示芾復不答乃決隄水部分諸將以礮攻之破其木堡流矢中胸創甚督戰益急十三年芾力屈及

轉運使鍾璽英都統陳義皆自殺其將劉孝忠以城降諸將欲屠之阿爾哈雅不可復發倉以食飢者遣使徇彬

全道桂陽永衡武岡寶慶袁韶南雄諸郡其守臣皆率其民迎降曰聞丞相所過秋毫無犯民今復見太平矣宋

經略使馬騫守靜江下不使總管俞全招之皆爲所殺會宋主以國降降手詔諭騫復殺之阿爾哈雅乃又爲

書以開壘終不聽因入朝賀平宋拜平章政事使持詔如靜江諭騫焚之斬其使靜江以水爲固乃築堰斷大

陽小溶二江以遏上流決東南隄以涸其隄破其城民聞城破卽縱火焚居室多赴水死騫及總制黃文政總管

張虎俱被執囚悉坑其民斬騫於市分遣萬戶托噶布哈徇賓融柳欽曷慶達齊榮祖徇鬱林貴廉家托里徇

潯容藤梧皆下之特磨王儂士貴南丹州牧莫大秀皆奉表求內附奏官其降官乃還潭既而宋二王稱制海中

覆瓿全永興潭屬縣之民文才喻等咸起兵應之舒黃斬相繼亦起任命討之且略地海外阿爾哈雅既定才喻

等使人諭瓊州安撫趙與珪降不聽遂航海執與珪及冉安國黃之紀皆裂帛之盡定瓊南甯萬安吉陽地降八
番羅甸蠻並置安撫以鎮之十八年奏請徙省鄂州所定州凡五十八峒夷山獠不可勝計大率以口舌降之末
嘗專事殺戮又其取民悉定從輕賦民所在立祠祀之二十三年入朝加湖廣行省左丞相卒封楚國公諡武定
至正八年進封江陵王子和斯哈雅湖廣行中書省左丞察根江西行中書省平章政事孫蘇爾約蘇哈雅自
有傳

姜術國王蘇肯徹爾之子也性弘毅重厚喜延士大夫聽讀經史以故臨大事決大議言必中節至元十一年世
祖命總鴻吉哩等五投下兵從伐宋由正陽取安豐略應克和攻司空平野人原道安慶渡江東下會丞相巴
延兵于潤州分三道並進姜術率左軍參政董文炳為副文炳傳董文炳傳言參政董文炳為左軍宋相部將將校甲
甲約東江陰華亭激浦上海悉望風款附進屯臨官巴延已駐師臨安城下得宋主降姜術乃移兵瓜洲與阿
珠兵合臨揚州都統姜才攻楊子橋率諸將擊敗之十三年入朝授征西都元帥時親王海都叛命領汪繼帥兵
以鎮西土十四年召拜江南諸道行臺御史大夫乃陳便民一十五事帝皆納焉浙東盜起浙西宣慰使錫里伯
縱兵肆掠俘及平民乃遣御史商瑄關治之釋者以數千計遂執錫里伯還治其罪十六年入朝會左丞崔斌等
言平章阿哈瑪特不法事詔命姜術及知樞密院博囉共鞫之阿哈瑪特稱疾不出博囉欲回姜術厲聲曰奉旨
按問敢回奏耶令與疾赴對既引伏有旨釋免仍諭姜術曰朕知卿不惜顏面復命還南行臺十八年左丞范文
虎參政李庭以兵十萬航海征倭遇颶風士卒十喪六帝震怒復命行省左丞相塔爾海征之一時無敢諫者
姜術遣使入奏請當預修戰艦練士卒使彼聞之深自備禦以歲月俟其疲怠乘風疾往可一舉而下也帝遂
欽定續通志 卷四百六十七 列傳

罷其役日本國二十一年又奏阿爾哈雅占降民一千八百戶為奴阿爾哈雅
以為征討所得又自陳其功比巴延當賜養老戶御史滕魯瞻劾之有旨遣使赴行臺逮問姜術曰滕御史何罪
卽馳奏使者竟歸二十年以疾請入覲進護語資治通鑑帝卽以賜東宮經筵講讀拜江淮行省左丞相二十一
年卒于歸州子阿喇卜丹南行臺御史大夫

托克托呼其先春春居伊塔巴爾山因為氏號其國曰欽察其地去中國三萬餘里春生蘇穆蘇穆蘇生
伊納克實世為欽察國主太祖征默爾奇斯其主輝圖奔欽察伊納克實納之太祖命將往討國中亂伊納克
實之子巴拉蘇默遣使自歸於太祖憲宗帥師至和拉蘇默之子巴圖徹爾舉族迎降從征默爾奇斯有功又從
世祖征大理伐宋以強勇稱嘗侍左右掌方向馬畜托克托呼巴圖徹爾子也中統元年父子從世祖北征俱以
功受上賞巴圖徹爾卒乃舅父職備宿衛至元十四年諸王托克托穆爾錫里濟拔托克托呼率兵討敗之珠爾
噶岱搆亂托克托穆爾引兵應之中途遇托克托呼獲其候騎托克托穆爾乃引去遂滅珠爾噶岱托克托穆
爾等至圖喇河尋復敗之十五年大軍北征詔率欽察騎騎千人以從追錫里濟圖金山擒扎哈台等以獻又敗
春春格爾等俘獲其眾還朝帝親慰勞之有旨欽察人為民及隸諸王者皆別籍之以隸托克托呼選其才勇以
備禁衛累遷至樞密院副使二十三年兼都指揮使聽以宗族將吏備官屬海都兵犯金山詔與大將托多爾海
共禦之二十四年宗王納顏叛陰遣使來結額布根錫里哈為托克托呼所執盡得其情以聞尋令錫里哈入朝
將由東道進托克托呼言於北安王曰彼分地在東脫有不虞是縱虎入山林也乃命從西道進既有言額布根
叛者眾欲先聞於朝然後發兵托克托呼曰兵貴神速卽日啟行七晝夜渡圖喇河戰于博恰嶺大敗之世祖時

親征額爾齊斯命托克托呼收其餘黨沿河而下遇叛王特爾格軍擊走之擒叛王哈喇噶等獻俘行在所誅之時成宗以皇孫撫軍於北詔以托克托呼從追納顏餘黨於哈拉套誅叛王烏塔噶噶降其衆二十五年諸王伊奇哩爲叛王哈喇哈斯所攻復從皇孫移師援之敗諸烏爾呼還至哈拉套山敗叛王哈坦噶得達左諸部置東路萬戶府二十六年從皇孫晉王征海都諸軍失利托克托呼直前鏖戰翼晉王而出追騎大至乃選銳設伏以待寇不敢逼世祖巡幸北邊召見慰諭之曰昔太祖與其臣同患難者飲班珠爾河之水以紀功今日之事何愧昔人還至京師論功行賞帝欲先欽察之士托克托呼言蒙古將吏宜先帝曰爾毋節讓蒙古人誠居汝右力戰豈在汝右耶二十九年略地金山麓海都之戶三千餘還至和琳有詔進取奇爾濟蘇三十年師次欠河地屬志冰行數日始至其境盡收其五部之衆屯兵守之海都聞取奇爾濟蘇引兵至欠河復敗之二年諸王附海都者率衆來歸邊民驚擾身至伊噶哈斯界饋餉安集之導諸王永和爾等入朝大德元年拜同知樞密院事欽察親軍都指揮使奉命還北邊至宣德府卒追封延國公諡武毅後加封昇王子八人其第三子曰綽和爾

綽和爾初以大臣子奉詔從太師阿爾賽行軍戰于布達山有功拜左衛親軍都指揮使大德元年襲父職領征北諸軍帥師踰金山攻巴林之地敗其將達爾台於達噶噶河追奔五十里還次達噶噶河與海都所遣援巴林之將博貝軍遇又擊敗之二年北邊諸王都勒幹齊克圖等襲和囉噶圖之地兵據高山綽和爾選勇而善步者持挺刃四面上奮擊盡獲其軍三年入朝拜宣樞密院事欽察親軍都指揮使太僕少卿復還邊是時武宗在潛邸領軍朔方軍事必諮於綽和爾及戰嘗爲先四年叛王圖們俄羅斯等犯邊綽和爾及其未陣薄之敵遁追之踰金山乃還五年海都兵越金山而南止於特濟根山因高以自保綽和爾急引兵敗之復與都勒幹相持于

欽定續通志

卷四百六十七

列傳

四

高爾圖之地以精銳馳其陣左右奮擊都勒幹兵幾盡事聞詔問戰勝功狀咸稱綽和爾功第一七年入朝帝嘉獎之拜樞密院副使九年諸王都勒幹徹伯爾莽齊特穆爾等因與托克托呼及綽和爾屢戰無功遣使請罷兵通好帝許之於是罷兵入朝特爲置驛以通往來十年知樞密院事成宗崩武宗時在察穆蘇之海上綽和爾請急歸定大業武宗納其言即日南還及即位加拜平章政事還邊復封榮國公至大二年入朝加封句容郡王續復敗其將額布根呼圖克特穆爾于齊默根之地追至鐵門關遇其大軍又敗之四年帝念其功而憫其老召入商議中書省事待以宗室親王之禮至治二年卒後累封揚王子子六人雅克特穆爾自有傳

和爾加封句容郡王武宗紀至大三年仁宗紀是延祐元年敗叛王額森布哈等軍于伊特格庫默色之地二年

續三年重載此事本傳作至大二年未詳孰是

來阿巴齊

伊蘇伯爾

阿曠罕

安塔哈

索多 伯嘉努

李恆

來阿巴齊等以父濟蘇和爾歸太祖選居宿衛繼掌膳事憲宗即位大累伐宋攻鈞魚山濟蘇和爾建言請城重慶合州二城之間命將守之與成都舊兵相出入不時擾之以牽制其援師然後水陸東下破忠治萬夔諸小郡出三峽下荆楚與鄂州渡江諸軍合勢則東南一舉可定諸將以其言為狂卒不用于是博選宿衛中材力可任用者以阿巴齊奉命往監元帥搆塔軍過宋人援兵駐重慶下之銅羅峽宋都統甘順派流西上乘舟來攻阿巴齊順流而進宋人力戰不能支退保西岸明日復至阿巴齊率精兵緣崖而下宋人敗走殺傷數千人帝聞而壯之憲宗崩阿巴齊從其父倍道歸燕世祖即位問以川蜀之事阿巴齊歷陳始末誦其父前所言以對世祖撫掌曰當時若從東南其足平乎朕在鄂渚日望上流之聲勢耳至元七年南征襄樊發河南北器械糧儲命阿巴齊督運二日而畢十八年授益都等路宣慰使都元帥發兵開運河阿巴齊往來督視寒暑不輟河既開膠萊海道漕運便二十一年遼左不寧授征東招討使阿巴齊招徠降附遠近帖然二十二年皇子鎮南王征交趾屢湖廣等處行中書省右丞二十四年改湖廣等處行尚書省右丞詔四省按安南國傳四省南所發士馬俾阿巴齊國視領中衛親軍千人翊導皇子至思明州賊阻險拒守于是選精銳戰於女兒關斬馘萬計進至交州陳日烜空其城而遁屢遣使約降欲以緩我師諸將皆信其說久之軍乏食日烜不降擁眾據竹洞安邦海口阿巴齊

欽定續通志

卷四百六十八

列傳

率兵往攻之賊兵敗遁會將士多疫不能進而諸蠻復叛所得關隘皆失守乃議班師選諸軍步騎命先啟行且戰且行賊據高險射毒矢將士裹創以戰諸蠻護皇子出賊境阿巴齊中毒矢遂卒子吉遜平黎蠻有功官雷州路總管

搆塔沙卜珠岱人祖博囉囉為太祖宿衛從太宗平金成河南父丹達爾在憲宗征阿蘇欽察等國有功拜都元帥歲壬子率陝西青海鞏昌諸軍攻宋入蜀癸丑與總帥汪特格立利州甲寅攻岷門黎雅等城乙卯入重慶獲都統制張寶是歲卒搆塔偉貌長身勇力絕人且多謀略常從父軍中丁巳憲宗命將兵萬人略地自利州下白水直抵夔門戊午遣鈞魚山引軍欲會都元帥阿多古等於成都宋制置使蒲擇之遣安撫劉整都統段元鑑等率眾據益江箭灘渡以斷東路搆塔軍至與戰斬首二千餘級遂長驅至成都蒲擇之命楊大淵等守劍門及靈泉山自將兵取成都會阿多古死諸王額布根與諸將托里台等推搆塔為長壽塔率諸將大破宋軍于靈泉山蒲擇之兵潰進圍雲頂山城扼宋軍歸路其主將倉卒失計遂以其眾降城中食盡亦殺其守將以降成都彭漢懷綿等州悉平威茂諸蕃亦來附捷聞即軍中真拜都元帥冬帝進軍至大獲山搆塔發成都遣張威為前鋒水陸並進謀鎮重慶江以絕吳蜀之路縛橋資州之口以濟師于戶温都爾察率舟師而下搆塔將步騎而南鼓譟渡瀘放舟而東蒲擇之以兵分道要遮邁輒敗之搆塔至涪造浮橋駐軍橋南北以杜宋援兵明年朝行在所還討思播二州宋將呂文煥攻浮橋時士馬不耐水土多病死有旨督戰不得已出師大敗文煥軍遂班師文煥以兵與其後搆塔戰却之中統元年搆塔遣梁載立招降黎雅岷門嚴州偏林關諸蠻得漢蕃二萬餘戶未幾招蘇克分四川兵及陝西諸軍屬搆塔鎮秦鞏唐古之地三年宋將劉整以瀘州降呂文煥隨之詔以兵往援文

煥敗走遂徙瀘州民於成都瀘川四年爲劉整所請徵至上都驗問無狀詔釋之還至昌平卒子伊蘇岱爾

伊蘇岱爾勇智類其父至元十年入見世祖以屬行樞密院和塔齊使習兵事從圍嘉定以三千人至三龜九

頂山相地形勢敗宋安撫晉萬壽兵以功授六翼遠瞻鳴齊既而嘉定三龜九頂紫雲諸城皆降從行樞密副使

呼敦率兵徇下流諸城皆望風來附呼敦會東川行樞密院哈達圍重慶歲餘不下帝命副使布哈代將布哈將

兵至城下伊蘇岱爾率二十餘騎攻其門宋都統趙安出戰伊蘇岱爾三入其軍再挾猛士以出大兵四集斬首

五百餘級趙安開門降制置使張珏遁迨至涪州擒之捷聞授四川西道宣慰使加都元帥羅氏鬼國亦奚不薛

叛詔以四川兵會雲南江南兵討之亦奚不薛遣先鋒阿麻阿豆等迎敵伊蘇岱爾馳入其軍斬之亦奚不薛懼

率所部降按紐世大等分兵三元十六年羅氏國亦奚不薛遣其部阿桑等入山背亦奚不薛及同察俱遣伊

蘇岱爾二十年乃納命將異水羅氏國亦奚不薛遣其部阿桑等入山背亦奚不薛及同察俱遣伊蘇岱爾二十年乃納命將異水

之改四川等處行樞密副使烏蒙蠻陰連都掌蠻以叛詔以兵會雲南行院拜達勒進討伊蘇岱爾擒烏蒙蠻進

同知四川等處行樞密院事成宗即位拜四川等處行中書省平章政事武宗時由四川還雲南加左丞相南征

叛蠻感毒還至成都卒長子囊嘉特官至四川行省平章政事孫達寶巴圖爾自有傳

阿曠罕扎拉爾氏祖傳綽氏太祖爲博囉齊數有戰功太祖即位從征隴北陝西身先戰士死焉父伊塔肯從皇

子庫春南征累功拜諸翼軍馬都元帥統大軍攻准東西諸郡戊午戰死揚州阿曠罕襲爲諸翼蒙古軍馬都元

帥已未從世祖渡江至鄂而還世祖即位宗王額塔布格赫兵內向阿曠罕以所部軍擊破之中統三年李璫叛

阿曠罕敗之於老倉口璫伏誅授都元帥至元四年從阿珠伐宋師次安陽灘逆戰宋兵敗之五年大軍圍襄樊

欽定續通志 卷四百六十八 列傳

阿曠罕守百丈山漫河灘兵累交宋不能師十年樊城破襄陽降十一年丞相巴延與阿珠會師襄陽遣阿曠罕

率諸翼軍攻鄂復諸州奪鄂州南門堡巴延阿珠欲取漢口渡江宋人以精兵拒漢口乃遣阿曠罕擊沙蕪堡遂

入江取鄂州阿曠罕壽昌順流東下沿江州郡悉降十二年屯駐建康巴延受詔赴蘭以阿曠罕留治省事拜

參知政事巴延還分軍三道並進阿曠罕由西道趨溧陽攻破樹東壩至護牙山屢豐埽連敗宋軍破建平縣

進攻廣德軍獨關宋廣德守張濡率兵來拒戰敗追斬之十三年宋以國降詔阿曠罕同左丞董文炳率高與

等攻浙東溫台衢婺處明越及閩中諸郡降其運使提刑等五百人追襲宋嗣秀王趙興樾至安福縣宋安福縣

安考宋二王紹宗與開升福州爲福安府溫州爲瑞安府元與樾以軍三萬拒戰阿曠罕渡江鏖戰斬其步帥觀

地理志福州臨有監安縣然則安福縣也與樾宋史作興與樾以軍三萬拒戰阿曠罕渡江鏖戰斬其步帥觀

察使李世達生擒興樾及其將吏百八十人悉斬之泉州蒲壽庚降江南平以參知政事行江東宣慰使十四年

入觀進行中書省左丞俄遷右丞仍宣慰江東十八年召拜中書左丞行中書省事統蒙古軍四十萬征日本行

次慶元卒于軍子員隆襲貝降卒弟伊蘇岱爾襲

安塔哈噶都斯坦人祖塔爾海巴圖爾驍勇善戰嘗從太祖同飲黑河水以功爲千戶父布哈襲職卒安塔哈噶

千戶從大帥烏蘭哈達征雲南身先行陣師遺事世祖于酒邸至元九年命馳驛督諸軍攻襄陽十年襄陽下第

功授鎮國上將軍淮西行樞密院副使十一年築正陽東西城宋將賈貴乘淮水溢來爭正陽安塔哈率眾禦之

賈走追至安豐城下而還拜中書右丞行樞密院事十二年渡江與丞相巴延軍合克池州師次建康宋鎮江

守石祖忠遣使乞降揚州守將李庭芝聞之遣兵突圍出擊安塔哈救之宋兵退走時真泰諸城尙爲宋守鎮江

城壁不固安塔哈乃立木柵以保居民又分兵屯瓜洲以絕揚州之援宋將張世傑孫虎臣帥舟師陳于江中焦

山下其勢甚張安塔哈與平章阿珠督諸軍破之宋殿帥張彥與平江都統蓋師勇義呂城遣萬戶輝圖擊之斬
克克常州降平江嘉興十三年按原傳平江嘉興以前諸事統于至元九年之下次以宋時會兵臨安降詔
與阿珠議淮南事宜淮南平授平章政事行中書省事十五年召赴闕拜行中書省左丞相移治臨安二十年遷
征東行省丞相征日本過風舟壞喪師二十二年行同知沿江樞密院事二十三年行江西中書省事入朝二十
四年屢從征納顏師還奉朝請居京師二十六年卒追封順昌郡王諡武敏子阿里瑪累官江南諸道行御史臺
御史大夫

索多扎拉爾氏驍勇善戰入宿衛從征花馬國有功李璫叛從諸王哈必齊平之還言於朝曰郡縣惡少年多從
間道鬻馬于宋境乞免其罪籍爲兵從之得兵三千人以千人隸索多爲千戶命守蔡州至元五年阿珠等圍襄
陽命索多巡邏奪宋金剛寨寨首甚高青湖寨大洪山歸州洞諸隘嘗猝遇宋兵千餘持羈勒欲竊馬索多戰敗
之六年宋將范文虎率舟師駐驪子灘丞相史天澤命索多拒却之陞總管九年攻樊城索多先登城遂破襄陽
降陞郢復等處招討使十一年移戍鄂州之高港敗宋師從大軍濟江鄂漢降十二年建康降參政達春命索多
入城招集改建康安撫使攻平江嘉興皆下之十三年按巴延傳巴延軍平山乃十三舟師會巴延于阜亭
山宋平詔巴延以宋主入朝留參政董文炳守臨安以索多副之時衛戍諸州皆復起兵文炳使索多鎮嚴州衢
婺徽連兵來攻索多戰却之復婺州敗宋將陳路鈴于梅嶺之下又復龍游縣攻衢州拔之宋丞相留夢炎降攻
處州及建寧府松溪懷安等縣皆下之十四年陞福建宣慰使行征南元帥府事參政達春令取道泉州泛海
會于廣州之富場將行信州守臣來求援曰今御武方聚兵觀釁元帥已往御武兵夕至矣索多乃遣周萬戶等
欽定續通志 卷四百六十八 列傳

往招降之索多趨建寧逼宋兵于崇安擊敗之宋丞相文天祥南劍州都督張清合兵將襲建寧索多夜設伏敗
之轉戰至南劍敗張清奪其城至福州王積翁以城降改興化軍破其城巷戰終日獲知軍陳璫文解以徇至漳
州先遣其子伯嘉努往會達春留攻之知府何清降攻潮州知府馬發不降索多恐失富場之期乃舍之而去十
五年至廣州達春令還攻潮發城守益備二十餘日不能下索多令於衆曰有能先登者拜爵已官者增秩總管
烏蘭噶爾先登諸將繼之宋兵濱湖州平進參知政事行省福州入貝帝陞左丞行省泉州十八年改右丞行省
占城十九年率戰船浮海伐占城占城迎戰斬溺五萬餘人又敗之于大浪湖占城降復伐烏里越里諸小夷皆
下之積穀十五萬以給軍二十一年鎮南王托歡征交趾詔索多帥師來會敗交趾兵于清化府奪義安關托歡
命索多屯天長以就食與大營相距二百餘里二十二年有旨班師托歡引兵還索多不知也交趾使人告之弗
信及至大營則空矣交趾避之于乾滿江力戰死事聞詔襄愍子伯嘉努

伯嘉努至元五年從元帥阿珠攻襄陽築新城數立功七年以質子從郡王哈達敗宋兵于驪子灘八年宋殿帥
范文虎等督促糧道輸之襄陽伯嘉努順流出擊累獲戰功於是河南行省命爲管軍總把後隸丞相巴延麾下
擢爲知印十一年按巴延傳伯嘉努從文郭州破金從攻鄂州深入却敵身被數創攻沙洋及新城登城力戰拔
之巴延以功上聞世祖大悅從國漢陽自沙蕪口原係沙口今屬巴延及曳船入江宋制置夏貴來迎戰伯嘉
努突入擊之宋兵潰遂登江南岸獲其戰船器甲甚多未幾復攻破金牛壩十二年取雞籠洞還遂至瑞昌縣遇
夏貴潰兵復擊敗之是時宗遣兵救瑞昌未至而縣已下矣圍江州宋安撫呂師夔以城降東定池州擊宋平章
實化道及孫虎臣于丁家洲追逐百餘里擒宋統制王文虎因定黃池略地宣州伯嘉努爲前鋒敗敵兵于喃泥

湖子是太平州望風附政丹陽呂城破常州皆有功至蘇州宋守臣王安撫以城降秀州湖州皆不煩兵而下諸軍乘勝趨臨安宋主出降十三年領新附軍守鎮江未幾復從平章博囉罕攻秦壽二州中創遂攻後數日攻泰州新城力疾先登破之復被兩創已而從何珠攻下揚州諸郡得宋制置李庭芝都統姜才以功陞管軍總管鎮高郵白馬湖徇地福建定衛發信等州至新安擊斬宋趙監軍詹知縣擒江通判鼓行而東沈安撫以建寧府降攻陷南劍州張清彞文慶遁去閩懷安一縣傳檄而定至福州諭以威德王安撫率眾出降攻破興化擒陳安撫及白牒都統別擊東華鄉張世傑軍于泉州俄領諸軍乘戰船入海追逐張世傑于甲子門進至答關寨瀨海縣鎮悉招諭下之白望丹王虎陳以戰船三千餘艘來降宋二遣倪宙奉表詣軍門降遂進兵至廣州諸郡縣以次降附明年春振旅還復攻下德勝等寨至蒲仙江彞文慶復敗走攻潮州破之誅馬發等數人廣東遂平引自奉降表來朝未至授管軍萬戶七月朝于上都陸海外諸蕃宣慰使兼福建道長司宣慰使都元帥是時福建多水災伯嘉努出私錢市米以振貧民全活者甚眾二十二年從父案多征交趾案多戰死伯嘉努遂與托歡引兵薄交趾境水陸轉戰戰輒有功二十七年除建康路總管武宗即位遷鎮江路總管至大四年金瘡發卒于家

李恆字德卿其先姓於彌氏唐末賜姓李世為西夏國主太祖經略河西有守烏訥爾城者夏主子也城陷不屈死子惟忠方七歲求從父死主將異之報以獻宗王哈扎爾王留養之及嗣王伊遜克立惟忠從經略中原有功以為達噶噶齊惟忠生恆恆生有異質王妃撫之猶己子中統三年命恆為尙書斷事官恆以讓其兄李璣反璣海恆從其父棄家入告變理怒繫恆闕門獄中璣誅得出世祖嘉其功授滄萊路鄂囉總管至元七年改益都淄欽定續通志卷四百六十八列傳四

萊新軍萬戶從伐宋襄陽守將呂文煥時出拒敵帥范文虎復援之恆築堡萬山絕其陸路文煥等又以瀟舟渡漢水窺伺軍形恆設伏敗之水路亦絕遂進攻樊城十年恆以精兵渡漢自南面先登樊城破襄陽亦降十一年丞相巴延會師襄陽進至鄂州宋以舟師截漢水巴延捨船進攻沙洋新城留恆為後拒敗其追兵至陽羅堡宋制置夏貴遣其子松來逆戰恆先陷陳頌中流矢戰益力卒射松殺之夏貴敗走鄂州漢陽俱下遂從巴延東下十二年宋將高世傑復窺漢河乃遣恆還守鄂州時豪民聚眾侵江陵命恆討之恆諭使降得生口十餘萬悉縱為民仍禁軍毋得虜掠十三年從右丞阿爾哈雅至洞庭生擒世傑下岳州進攻沙市拔之宋制置高達以江陵降留恆鎮守傳檄歸峽辰沅靖潭常德諸州皆下未幾徙鎮常德以扼湖南之衝俄有詔分三道出師以恆為左副都元帥從都元帥蘇都爾台出江西開府江州帥次建昌縣擒都統飛熊飛熊宋紹興中飛熊與此飛熊同遂圍隆興轉運使劉繁請降恆察其詐密為之備繁果以銳兵突至恆擊敗之下撫瑞建昌臨江進攻吉州知州周天驥降遂定贛南安廣東經略徐直諒奉蠟書納其所部十四郡前江西制置黃萬石亦以邵武降隆興帥師誣富民與敵通已誅百三十家恆還審其非罪盡釋之宋丞相陳宜中及其大將張世傑立益王昀於閩中郡縣舉僞爭起兵應之恆遣將破吳淞兵於南豐世傑遣都統張文虎與淞合兵十萬期必復建昌恆復遣將敗之淞走從文天祥於瑞金又破之天祥走汀州遣鎮撫孔遵追之併破趙孟鸞軍取汀州遷江西宣慰使天祥復取汀州兵出興國縣運破諸邑圍贛州尤急或請發天祥祖父墳墓恆不許乃分兵援贛自率精兵濟至興國天祥走追至空坑擒招討使趙時賞降其眾二十萬有旨令與右丞阿里哈左丞董文炳合兵追益王家謂宣慰福建伯曰若諸軍俱在福建彼必竄廣東則梅嶺江西非我有矣宜從廣東夾攻之眾以為然兵至梅嶺果與宋兵遇敗之乃遁走

嶺州十四年拜參知政事行省江西十五年益王昺其樞密張世傑陸秀夫等復立衛王昺守廣東諸郡詔以恆
爲蒙古漢軍都元帥經略之恆進兵取英德府清遠縣敗其制置凌震運使王道夫遂入廣州世傑等移屯崖山
時都元帥張弘範毋師未至恆分遣諸將略定梅循諸州凌震等復抵廣州恆擊敗之十六年弘範至自漳州直
指崖山恆率所部赴之張世傑集海艦千餘艘貫以巨索爲柵以自固恆斷其汲路其勢日迫諭降不可乃擣其
柵索絕世傑猶死戰弘範督諸軍合擊大敗之陸秀夫先沈妻子于海乃抱衛王赴海死從死者十餘萬人是日
黑氣如霧有乘舟南遁者恆以爲衛王追至高化始知衛王已死遁者張世傑也世傑繼亦溺死於海陵港宋世傑傳作平
東山下嶺海悉平功成入覲帝賞勞甚厚十七年拜中書左丞行省荆湖十九年乞解軍職乃命其長子薩滿
達襲爲本軍萬戶二十一年紀補詔從皇子鎮南王征交趾結筏渡海奪天長府交趾遂空其國航海而遁恆
封其宮庭府庫追襲於海洋敗之會軍中疾作霖潦暴漲浸濯營地家議班師恆弗能奪遂遣糧兵追敗後軍王
命恆殿後且戰且行毒矢貫膝至思州毒發卒諡武愍追封滕國公子薩滿達江西行省平章政事彙嘉特章益
都溜萊萬戶蘇都爾台同知湖南宣慰使司事

欽定續通志 卷四百六十八

列傳

欽定續通志卷四百六十八終

徽爾 博果密 鄂勒哲 鄂爾根薩里 五世

徽爾楊珠滿達氏曾祖塔沁爲馬步軍都元帥從太祖定中原以功封徐邳二州因家於徐徽爾幼孤母富察氏教以讀書至元十八年世祖召見悅之俾侍左右時有所咨訪從征東北還因言大軍所過民不勝擄宜加振給帝從之賴以存活者衆擢利用監二十三年奉使江南省風俗訪遺逸時行省理財方急實所在學田以餽輸官徽爾止之二十四年分中書爲尚書省價格爲相引用黨與鈎考天下錢糧凡昔權臣阿哈瑪特積年貢進舉以中書失徵奏誅二參政行省乘風督責尤峻主無所償則責及親戚或逮鄰黨自裁及死獄者以百數中外騷動廷臣莫敢言徽爾乃具呈價格姦貪誤國害民狀帝怒謂其毀詆大臣命左右批其頰徽爾辯愈力帝大悟卽命往籍其家得珍寶如內藏之半價格既誅諸枉繫者始得釋後奉旨往江南籍僧格姻黨江浙省臣烏瑯喇默呼寶都王濟湖廣省臣約蘇穆爾等皆棄市天下快之進拜御史中丞俄陞福建行省平章政事汀漳劇盜歐狗久不平引兵征之所過秋毫無犯有降者則慰遣之他柵閩之悉款附未幾歐狗爲其黨縛致於軍梟首以徇從者不戮一人汀漳平三十一年帝不豫徽爾馳還京師帝崩與諸王大臣共定策迎立成宗大德元年拜江南諸道行臺御史大夫尋改江浙行省平章政事江浙稅糧甲天下平江嘉興湖州三郡當江浙什六七而其地極下水鍾爲澤澤由吳松江入海歲久淤塞泛溢爲患朝廷命疏導之徽爾董其役凡四閱月畢工九年 按帝十年表

欽定續通志 卷四百六十九 列傳

寧王諡正憲子多爾濟江浙省右丞

博果密一名時用字用世爲喀喇喇大人康里卽漢高車國也祖哈哩口嘗事克哈王汗王汗滅卽棄家從騎西北馳去太祖遣使招之去莫知所之子十人皆爲太祖所虜雅克章最幼太祖以賜莊聖皇后憐而育之遣

侍世祖於藩邸長從征伐有功世祖感名曰盛憲宗將伐宋命以居守雅克章曰主上素有疑志今乘輿遠涉危地陛下以皇弟獨處安全可乎世祖然之因請從南征憲宗喜卽分兵命趨鄂州而自將攻蜀之釣魚山合額喀布格居守憲宗崩雅克章統世祖留都覺額喀布格有異志奉皇后稍引而南與世祖會於上都世祖卽位雅克章未及大用而卒博果密其仲子也 按世宗時 命給事裕宗東宮師事太子贊善王恂恂從北征乃受學於國子祭酒許衡日記數千言衡稱以爲有公輔器世祖嘗欲觀國子所書字博果密年十六書真觀政要數十事以進帝知其寓規諫意嘉歎久之至元十三年與同舍生堅通塔塔圖等上疏歷陳前代崇儒興學之效請先於大都弘國學本人倫明物理然後頒立郡縣之學求以化民成俗入帝覽之喜十四年授利用少監十五年

出爲燕南河北道提刑按察副使帝遣通事托克托護送西僧往作佛事遣還眞定筆驛吏幾死詆之按察使不敢問博果密受其狀以僧下獄托克托直欲出僧辭氣倔強博果密令去其冠座下責以不職托克托逃歸以聞帝曰博果密素剛正必爾輩犯法故也繼而燕南奏至帝曰我固知之十九年陞提刑按察使二十一年召參議中書省事時權茶轉運使盧世榮阿附宣政使價格言能用已卽國賦可十倍於舊帝以問博果密對曰自昔聚斂之臣如桑弘羊羊文融之徒操利術以惑時君始者莫不謂之忠及其罪緣惡著國與民俱困離悔何及帝不

月至十月徽爾爲中書平章政事與本傳不符今考姚德所撰補遺再考亦作九年卽年表誤也

行八馬平章政事十月卒追封徐國公諡忠肅至治二年追封武

聽以世榮為右丞博果密遂辭參議不拜二十二年世榮以罪被誅吏部尚書時方籍沒阿哈瑪特家其奴張
織扎爾等罪當死謬言阿哈瑪特家貴隱寄者多如蠶得之可資國用遂向者捕繫連及無辜京師騷動帝命丞
相安圖集六部長武官詢問其事博果密曰是奴為阿哈瑪特心腹爪牙死有餘罪豈可復受誑嫁禍善良耶急
誅此徒則怨謗自息丞相以其言入奏帝悟命博果密鞫之具得其實織扎爾等伏誅捕繫者盡釋之二十三年
改工部尚書遷刑部河東按察使阿哈瑪特以貲財詔媚權貴貸錢於官約償羊馬至則抑取部民所產以輸事
譽遣使接洽皆不伏及博果密往治得其不法事會大同民饑博果密以便宜發倉廩振之阿哈瑪特所善李臣
奏博果密擅發軍儲又鍛鍊阿哈瑪特使自誣服帝曰使行發粟以活吾民乃其職也何罪之有命移其獄至京
師審視阿哈瑪特竟伏誅托克托呼求欽察之為人奴者增益其軍而多取編民中書僉省王遇驗其籍改正之
托克托呼遂奏遇有不臣語帝怒欲斬之博果密諫止遇得不死二十四年僧格奏立尚書省誣殺參政楊居寬
郭佑博果密爭之不得僧格深忌之因其退舍責以不坐曹理務劾加之罪遂以疾免二十七年拜翰林學士承
旨知制誥兼修國史二十八年徹爾等劾奏僧格罪狀帝問博果密具以實對帝大驚乃決意誅之罷尚書省復
以六部歸中書欲用博果密為丞相博果密曰朝廷動舊齒齒居右者尚多今不次用臣無以服眾帝曰然則
孰可對曰太子詹事鄂勒哲可羅薩浚阿哈瑪特家其賂遺近臣皆有簿籍暗無鄂勒哲哲名又嘗言僧格為相必
敗國事今果如其言是以知其可也乃拜鄂勒哲右丞相博果密平章政事王師在交趾失利復謀大舉博果密
曰烏夷詭詐天威臨之寧不震懼蹙蹙則墜勢使之然今其子日煇熒位若遣使諭以禍福彼能悔過則不煩兵
而下矣帝如之於是交趾感懼還其僞昭明王等詣闕謝罪

欽定續通志 卷四百六十九 列傳

丹請復立尚書省專領右三部博果密歷責之事遂寢或勸征琉球及賦江南包銀皆諫止之僧格黨人尼雅斯
拉鼎等既誅帝以實都長於理財欲釋不殺博果密力爭之不從日中凡七奏卒正其罪或言京師蒙古人宜與
漢人間處以制不虞博果密曰新民主遷猶未能居若復紛更必致失業乃圖寫國中貴人宅第已與民居犬牙
相制之狀上之而止有譖鄂勒哲哲私者帝以問博果密對曰鄂勒哲與臣俱待罪中書設如所言豈得專行宜
使面質明示責降言者果屈帝每顧侍臣稱繡珠克展之能博果密問其故帝曰彼事憲宗常陰資朕財用博果
密曰是所謂為人臣懷二心者今有以內府財物私結親王陛下以為若何帝急揮以手曰卿止朕去言三十一
年原文作三十年帝大漸與御史大夫伊喇諾諾延太傅巴延並受遺詔留禁中遂定大策其後發引升耐請諡南

郊皆博果密領之成宗即位躬撫庶政聽斷明果廷議大事多采博果密之言太后亦以博果密先朝舊臣禮貌
甚至河東守臣獻嘉禾大臣欲奏以為瑞博果密曰無益於民何足為瑞遂罷遣之西僧為佛事請釋罪人祈福
犯法者皆賂之以求免有殺主殺夫者西僧請破以帝后御服乘黃犢出宮門釋之云可得福博果密曰人偷者
王政之本風化之厚豈可容其亂法如是帝責丞相曰朕戒汝無使博果密知今聞其言朕甚愧之因使人謂之
卿且休矣朕今從卿言然自是以為故事有奴告主者主被誅詔即以其主所居官與之博果密言若此必大壞
天下之風俗使人情愈薄無復上下之分矣帝悟追廢前命執政奏以為陝西行省平章政事按此通鑑云博果
不合奏以為陝西行省平章政事本傳及鄂勒哲哲俱未載附錄於此太后謂帝曰博果密朝廷正人先皇帝所
付託豈可出之於外帝復留之竟以與同列多異論稱疾不出元貞二年拜昭文館大學士平章軍國重事辭曰
是職也國朝惟史天澤嘗為之臣何功故當此制去重亨大德二年命行中丞寧三年兼領侍儀司事有因父官

受賄賂御史必欲誅非其父博果密曰風紀之司以宣政化勵風俗爲先若使子毖父何以興孝福密受人玉帶賂職不敘御史言罰太輕博果密曰大臣若加管辱非刑不上大夫之義人稱其平恕四年卒武宗特贈魯國公諡文貞子

鄂勒哲圖卜布延氏祖圖薩從太祖起朔方平諸部太宗伐金命大弟睿宗由陝右進師以擊其不備圖薩爲先

鋒破金兵於揚翟金亡從政興元閔利諸州拜都元帥取宋成都斬其將陳隆之賜食邑六百戶父錫津宿衛禁

中掌朝膳諡恭肅神宗元文宗中統初從世祖北征四年拜中書丞相與諸儒臣論定朝制鄂勒哲以大臣子選

爲裕宗王府僚屬裕宗爲皇太子晉禧事長入參謀議出掌環衛甚器重之裕宗薨成宗以皇孫撫軍北方鄂勒

哲兩從入北至元二十八年僧格伏誅世祖召問廷臣特拜中書右丞相既入相革僧格弊政請自中統初積廢

通負之錢悉悉蠲免之民賴其惠三十一年世祖崩鄂勒哲受遺詔合宗戚大臣之議敢皇太后迎成宗卽位詔

諭中外建議加上祖宗尊諡廟號致養皇太后示天下爲人子之禮元貞以來朝廷恪守成憲詔書屢下散財發

粟不惜鉅萬以頒賜百姓大德四年加太傅錄軍國重事位望益崇而處於安靜不急於功利故吏民守職樂業

世稱賢相云七年卒追封興元王諡忠憲

鄂爾根薩里輝和爾人祖阿勒台薩里精佛氏學生畜塔特薩里襲先業通經律論業既成師名之曰萬全至元十二年入爲釋教都總統拜統制使卒子三人鄂爾根薩里其中子也以父字爲全氏幼聰慧受業於國師帕克

斯巴既通其學且解諸國語世祖聞其材傳習中國之學於是經史百家及陰陽歷數圖緯方技之說皆通習之後事裕宗入宿衛深見器重至元二十年有西域僧自言能知天象譯者皆莫能通其說帝詔鄂爾根薩里與論

欽定續通志 卷四百六十九 列傳

難僧大屈服帝悅令宿衛內朝會有江南人言宋宗室反者帝遣使捕至闕下使已發鄂爾根薩里入諫曰若果

反郡縣何以不知言者不由郡縣而言之闕原必其仇也帝悟召使者還械繫言者下刑治之言者立伏果以罰

貸錢不從誣之自是命日侍左右二十一年擢左侍儀奉御勸帝治天下必用儒術帝喜納之遣使求賢置集賢

館以待之命爲集賢學士兼大史院事士之應詔者盡命館穀之凡飲食供帳車服之盛皆喜過望有官於宣徽

院者欲陰敗其事盛陳所給廩餼於內前帝過而問焉對曰此一士之日給也帝怒曰汝欲使朕見而損乎十倍

日盛從之二十四年立尙書省僧格用事詔鄂爾根薩里與同視事固辭不許授尙書右丞繼拜平章政事僧格

爲政暴橫且進其黨與鄂爾根薩里數切諍之久而與乖刺惟以廉正自持僧格奏立徵理官理天下逋欠使者相

望於道所在囹圄皆滿無敢言者會地震北京鄂爾根薩里請罷之以塞天變詔下百姓皆慶未幾僧格敗以連

坐亦籍其產後知其無罪詔還之按實通鑑紀事本末元貞二年正月僧格罷職二月始罷鄂爾根薩里以罪免所以深恥之也二十

八年乞罷政事并免太史院使詔以爲集賢大學士司天劉監丞言其在太史院時數言國家災祥事大不敬請

下吏治帝大怒以爲誹謗大臣當抵罪鄂爾根薩里力爭之乃得釋三十年復領太史院事明年帝崩成宗在邊

裕宗太后命爲書趣成宗入正大位又命率翰林集賢禮官備禮册明年加守司徒集賢院使領太史院事初

裕宗卽位世祖欲定皇太子以問鄂爾根薩里卽以成宗對成宗及裕宗皇后皆莫之知也數召鄂爾根薩里不

往成宗撫軍北邊帝遣奉皇太子寶於成宗乃一至其邸及卽位語鄂爾根薩里曰朕在潛邸誰不願事朕者惟

卿雖召不至今乃知卿真得大臣體自是召對不名賜坐視諸侯王等大德三年復拜中書平章政事十一年卒

延祐四年退封趙國公謚文定祖阿勒台薩里謚端愿父奇塔特薩里謚通敏追封趙國公子三人長岳柱
岳柱字止所一字兼山幼穎悟有遠識既長日記千言年十八從丞相達實密備宿衛出入禁中至大元年授集
賢學士卽以薦賢舉能爲事皇慶元年陞湖廣道宣慰使日接見儒生詢求民瘼至順二年累遷至江西等處行
中書省平章政事時有誣告富民貢永寧王官幣者中書遣使諸路徵之使至江西岳柱曰事涉誣罔不可奉命
倣佐重違宰臣意岳柱曰民惟邦本以斂怨亦非宰相福也令使者以此意復命時雅克特穆爾爲丞相聞
言感悟命刑部請治得誣罔狀桂陽州民張思進等嘯聚二千餘衆州縣不能治廣東宣慰司請發兵捕之岳柱
堅持不可遣千戶王莢往諭以禍福賊曰致我爲非者兩巡檢司耳我等何敢有異心諭其衆皆使復業一方以
寧三年遷河南江北等處行中書省平章政事旋以軍事至揚州得疾明年冬卒岳柱嗜經史自天文醫藥之書
無不究極度量弘擴有欺之者恬不爲意子三人長布達次額森次仁壽皆以仕顯

欽定續通志

卷四百六十九

列傳

四



蘇克 囊嘉特 蒙古台 鄂囉齊 鄂勒哲圖 拜特穆爾 輝圖 伊克默色 貝降 博爾歡

蘇克蒙古人父呼魯古爾國王穆呼哩摩下卒也後更隸塔海特爾格軍有口辯慎重不泄奏白機務往返未嘗失期太宗以為才賜名棟格建憲宗時卒蘇克以壯勇居軍中歲甲寅命從都元帥特爾格和爾齊等入蜀乙卯萬戶劉齊格阿爾曼阿里與宗兵戰巴州陷敵中蘇克馳入其軍奪劉齊格等以歸戊午戊午歲此傳統載乙卯歲今據增從都元帥擄塔敗宋將劉整破雲頂山城擄塔受詔會涪州至馬湖江蘇克夜渡江行在所陳道梗失期帝遣之未幾復自涪州入奏事遇宋軍於三曹山眾僅百餘奮兵疾戰敗之己未宋兵攻涪州浮橋部將和尼齊戰陷蘇克破圍出之又以自事諸王穆格所復敗宋軍於三曹山還至石羊與劉整遇復擊敗之中統二年命隸擄塔軍至元三年從行院塔齊戰九頂山四年行省伊蘇岱爾署為本軍總管從取瀘州七年從伊蘇岱爾敗宋軍於馬湖江用平章政事書魯德齊薦遷行尚書省員外郎九年建都贊巴詔諸王鄂囉齊及伊蘇岱爾討之蘇克為先鋒破黎州水尼碧攻連雲關克之軍至建都戰於東山斬其酋布庫所過城邑皆下十年討

朮機諸蠻毀破連環城還敗宋軍於七盤山授新軍萬戶十一年真授管軍萬戶領成都高烏格等六翼及京兆新軍教習水戰伊蘇岱爾進國嘉定蘇克率舟師會平康城修築懷遠等守其要害十二年行樞密副使呼敦等軍至與伊蘇岱爾會於紅崖道蘇克守龍壩城中大震宋將陳邦統鮮于國練率舟師逼蘇克追擊溺死者不

欽定續通志 卷四百七十 列傳

可勝計遂與中使沈達罕徇下流諸城紫雲瀛箴皆降進國重慶蘇克以所部兵鎮白水馬湖江口十三年分兵五道水陸並進攻之宋軍不利唯蘇克獲戰艦三百艘涪州守將遣書納降蘇克往察其情偽至涪果降遂入其城重慶守臣張萬榮來謁蘇克凡與十八戰斬首三百餘級萬敗走未幾復至又戰敗之十四年瀘州復叛蘇克從大軍討平之重慶受國久其守將趙安出降制置使張珪遁蘇克追破之以功授成都水軍萬戶尋改重慶夔府等路宣撫招討兩司軍民達瞻曠齊十六年除四川南道宣慰使鎮重慶夔施黔忠萬雲涪瀘州十九年亦實布希蠻叛以蘇克為宣慰使經理諸蠻二十四年降八番金竹百餘等蕃悉以其地為郡縣二十九年入朝加都元帥改河東陝西等處萬戶府達瞻曠齊三十一年僉書四川行樞密院事詔開土番道土番叛以兵圍茂州蘇克率師敗之元貞元年行院罷蘇克家居數歲卒子蘇布特齊襲河東陝西等處萬戶府達瞻曠齊

囊嘉特素曼人曾祖巴勒巴在其國位臺臣之右祖哈扎爾管帳前軍兼統國政仕至太師太祖平素曼父穆徹來歸太祖命總管蒙古漢軍從世祖伐宋破頤輝布格於質默圖從諸王噶必齊及庫庫岱平李璿皆有功後以子貴贈大傅追封梁國公諡桓武囊嘉特幼從穆徹習戰陳有謀略從阿珠下襄陽長漢陽千戶從丞相巴延攻復州敗宋師於風波湖渡江後巴延攻鄂州阿珠攻漢陽囊嘉特與張弘範等焚其營衝三千艘兩城大恐皆出降巴延兵次安慶賈似道遣宋京來請和軍至池州遣囊嘉特借宋京報似道復遣阮思聰經世大典作思聰嘉特軍中仍請議和時暑雨方漲世祖遣使令緩師巴延阿珠與諸將議乘勢徑前遂進軍丁家洲似道師潰大軍次建康帝聞囊嘉特親與賈似道語召赴闕具陳其說遣還諭巴延勿輕入敵境而大軍已入平江矣宋仲柳岳夏士林呂師孟劉錫等踵至皆命囊嘉特同往報之師逼臨安復遣囊嘉特入取降表玉璽徵宋將相文武百

官出迎王師宋主乃遣賈餘慶等同龔嘉特以降表玉璽至皋亭山巴延遣令馳獻世祖遺傳密旨還宋君臣北
上授安撫司達噶噴齊與阿噶罕董文炳等取台溫福州尋領蒙古軍副都萬戶江東道宣慰使尋擇爲都元帥
管領通事軍馬東征日本未至而還詔守建康改拜雲南行省參知政事計金齒緬甸得疾召還京師授南京等
路宣慰使改河南道宣慰使特旨命襲父職爲蒙古軍都萬戶武宗在濟邸囊嘉特嘗從北征屢與海都戰皆有
功尋以疾歸成宗崩昭聖元獻太后與仁宗在懷州太后召囊嘉特布琳滿達托音布哈巴爾斯台等諭之曰今
宮車墨駕皇后欲立安西王阿南達等當毋忘世宗裕宗在天之靈盡力奉二皇子囊嘉特頓首曰臣等願效死
力既至京師內外洶洶猶冀敢決囊嘉特獨贊諸王圖測定計先發歸白仁宗曰事貴速成後將受制於人矣
太后與仁宗意乃決按武宗紀和琳克贊之先仁宗等用而逆丞相哈刺哈斯謀武宗卽位拜同知樞密事以旌定
策之功尋以老病乞骸骨不允仁宗卽位以其家河南特授河南江北平章政事終其身封浚都王子嘉理濟爾
噶台孫托卜嘉世襲有位

蒙古台蒙古塔塔爾氏祖塔斯和爾齊從太祖定中原有功爲東平路達噶噴齊位在嚴實上蒙古台事世祖至
元八年改鄧州新軍蒙古萬戶治水軍於萬山南岸以兵攻樊拔古城繼敗宋軍於安陽灘轉戰八十里擒其將
鄭高大軍攻樊分軍爲五道蒙古台當其一奪西南角入城命都將據倉粟功在諸將右十一年從丞相巴延平
章阿珠南征命與萬戶實格會臨山嶺遇宋兵蒙古台突陣諸軍繼進敗之自鄂州萬家原盪舟入湖直抵新城
鏖戰大敗之宋復州守將翟貴以城降乃率舟師至沙步巴延及阿珠等口入江遇宋兵來拒進擊走之次陽羅堡
今從元史水師傳條修改宋將夏實堅守不下平章阿珠率蒙古台囊格等雪夜泝流西上黎明至青山磯北岸宋

欽定續通志 卷四百七十一 列傳

將程鵬飛逃走夏奔黃州遂拔陽羅堡斬守將王達巴延進次鄂州遣蒙古台諭降宋守臣張晏然及程鵬飛
等乃留軍鎮鄂漢奈諸將水陸東下十二年蒙古台諭斬蕪安慶池州諸郡皆下之次丁家洲宋賈似道孫虎臣
來拒蒙古台擊之奪虎臣所乘巨舟與宋降將范文虎以兵五百諭降和州及無爲鎮巢二軍攻常州拔其木城
宋降將趙汝玠於溧陽巴延命蒙古台擊之戰於豐登莊大捷行省第其功承制授行兩浙大都督府事十四年
改闕廣大都督行都元帥府事時宋二王逃遁入海蒙古台奉旨率諸軍與江西右丞條錄達春會兵攻之次
漳州諭降宋守將何清十五年師還福州拜參知政事詔與索多等行省于福鎮撫瀕海八郡召赴闕陸左丞十
六年沙縣盜起詔蒙古台復行省事討平之初蒙古台北還左丞索多行省福建中書言其麾下擾民致南建等
路往往殺長吏叛命蒙古台往招來七十二寨建寧漳州稍獲安集十八年轉右丞時宣慰使王剛中以土人
饒贊順擅作威福蒙古台慮其有變奏移之他道二十一年拜江淮行省平章政事初宋降將陳義贊助張弘範
擒史天祥助鄂勒哲圖討陳大舉又助安塔哈征日本俱有功至是福建省臣言其有反側意請除之帝使蒙古
台察之蒙古台擒義入朝保其無事且乞罷以官爵丞相亦以爲言乃授義同知廣東道宣慰司事二十二年以
義召赴闕封其家貲按驗無狀未幾拜行省左丞相還鎮江浙時浙西大饑乃弛河泊禁發府庫官貨抵其直贖
粟以振之二十三年奏以振鬻私鹽者皆海島民今征日本可募爲水工從之二十五年詔江淮管内並聽蒙古
台節制二十六年朝廷以中原民轉徙江南令有司遣還蒙古台言其不可遂止聞越盜并詔與博囉默色哈雅
等合兵討之御史大夫伊蘇特穆爾察宜撰將帝曰蒙古台已往無慮也未幾悉平之虜以病乞骸骨乃召還二
十七年特命爲丞相兼樞密院事出鎮江西威德並著在官四十日卒蒙古台在江浙專復自用又易置戍兵平

章布琳濟達言其變更巴延阿珠成法帝每戒之既死臺臣劾郎中張斯立罪狀而蒙古台追死劉宣及屯田無狀事始聞于帝云子三人特穆爾布哈布噶齊裏萬戶伊拉齊中書參知政事

鄂囉齊扎拉台人會祖鴻和徹爾喀果善騎射太祖出征每為前驅祖舒爾罕有膽力嘗被寇不許入見一日俟駕出趨前曰臣果有罪速殺臣不然誠臣願得自效帝笑而復用之辛未與金人戰於野狐嶺中流矢戰愈力克之還拔矢血出昏眩竟不起帝悲悼曰舒爾罕朕之一臂今亡矣父特穆爾台從太宗征喀喇部俘部長以獻從

征西夏有功特命行省事領魯噶莽果等五部軍平河南以功賜戶二千河南土人德之皆為立祠鄂囉齊性朴魯智勇過人早事憲宗特見親任戊午廬駕征蜀攻釣魚山至元五年攻襄陽授蒙古軍萬戶明年駕父職領蒙古軍四萬戶十一年詔丞相巴延伐宋以所部從渡江圍鄂宋兵固守鄂囉齊白丞相遣許千戶同所獲宋將諭

防守臣張晏然諸郡望風而靡十二年傳巴延分兵出獨松關宋將堅守鄂囉齊令益樹旗幟於山上率精騎突之守兵驚潰關走十三年宋主降分討未下州郡詔行中書省參知政事未幾以參知政事行湖北道宣慰使兼領蒙古軍時州郡初附戍以重兵民驚懼往往逃匿山澤間鄂囉齊上侵暴恠軍弱號令嚴明民悉復業俄徵

詣闕陸中書左丞行宣慰使十八年詔移行省于鄂宣慰于潭時湖南劇賊周龍張虎聚黨行劫隨宜招捕梁二賊首餘悉縱遣復召入見拜行省右丞二十三年拜湖廣等處行中書省平章政事命佐鎮南王征交趾啟王分

軍為三因險制變壅不能支置臣海島餘寇扼師歸路鄂囉齊戰以出改江西行省平章政事二十六年以疾求退不允授同知湖廣等處行樞密院事大德元年卒追封鄂國公諡忠宣子拜珠蒙古侍衛親軍副都指揮使托歡布哈蒙古軍都萬戶

欽定續通志 卷四百七十 列傳

鄂勒哲圖原姓鄂勒哲巴圖爾與此略同蓋原姓鄂察氏其先彰德人今據後傳增收父哈喇和卓從憲宗征討有功鄂勒哲圖驍勇而樂善歲丙辰以材武從軍己未從攻鄂州先登受賞中統三年從諸王噶必齊討李

璦于濟南凡兩戰皆有功至元四年從萬戶穆呼哩略地荆南還至襄陽西安陽灘遇宋軍敗之既而從平章阿珠圍襄樊水陸大戰者四勇敢出諸軍右十一年授彰德南京新軍千戶從丞相巴延南征攻沙洋新城領丞相帳前噶必齊軍十二年與宋將孫虎臣戰于丁家洲大捷攻秦州楊場子橋戰焦山破常州十三年入臨安下揚

皆有功江南平入見賜名曰巴圖爾授管軍總管高郵軍遠噶噶齊十六年遷管軍萬戶漳州陳兵聚黨數萬劫掠汀漳諸路十七年命鄂勒哲圖討之加福建等處征蠻都元帥率兵以往時黃華聚黨擾建寧號頭陀軍鄂勒哲圖先引兵壓其境懼而納款乃聞于朝請與俱討賊朝廷從之制授鄂征蠻副元帥按世大興元年二十

五年與遂為前驅至賊所破其五寨十九年追陳兵眼至千壁嶺擒之斬首漳州其餘黨悉平軍還授管軍萬戶高郵路總管府達噶噶齊有虎為害鄂勒哲圖射殺之二十二年拜江浙行省左丞遷陞江西等處行樞密院事使成宗即位授江浙行省平章政事大德二年卒追封林國公諡武宣子十四人皆仕而特默圖奎蘇伯勒格圖尤

顯孫二十四人仕者亦多云

拜特穆爾欽察人也至元中充哈喇齊入備宿衛以忠謹授僉左衛親軍都指揮使司事二十四年征叛王緡頰

隸御史大夫伊蘇特穆爾麾下敗納顏兵擒其黨金嘉努二十五年哈坦王叛從諸王奈瑪岱討之連敗其黨阿爾圖巴喇噶齊軍轉戰至特默哈必爾噶又敗之進至明安鄂倫哈坦迎戰敗走追至特爾勒圖挺身陷陣身中

三十餘箭而還軍駕親征哈坦拒王師拜特穆爾首級卻之獲其黨騎馬阿嘎罕二十六名師還復遣戍伊律大

王之境海都謀邊命拜特穆爾以其軍先來行至吉魯爾河值布雅坂卽移兵致討擒其黨巴延以獻陸上黃戶二十七年哈坦復入高麗命偕徹爾特穆爾進討二十八年至鴨綠江與哈坦子羅丹戰失利帝命索瑪魯色撤肯等征之仍命拜特穆爾爲先鋒前合攻哈坦敗之拜特穆爾將百騎追獲其妻孥哈坦尙有八騎拜特穆爾止餘三騎再戰兩騎士皆重傷不能進拜特穆爾單騎追之至一大山日暮遂失哈坦所在二十九年聞叛王伊奇哩尙在浩里倉拜特穆爾率兵進擊追至陳河伊奇哩脫身走遂定其地成宗卽位俾仍其官車駕幸上京徵其兵千人從歲以爲常云

輝圖謬嚙台氏祖額斯倫與太祖同飲黑河水從征遼東女真諸部復帥師討西夏大戰于哈喇哈扎爾擒夏主繼總南伐攻拔信安下宿泗等州諸王塔齊爾以額斯倫年老使其子布哈襲職中統二年布哈卒子幼兄子輝圖繼領其職李璵叛詔輝圖從親王噶必齊討之圍瑯嶳南瓊夜出衝突輝圖直前奮擊瓊退入城輝圖晝夜勦兵與戰破濟南誅瓊噶必齊策其功居最詔領蒙古漢軍攻海州略淮南廬州至元三年充邳州監戰萬戶四年領山東路統軍司從主帥南征至襄陽西渡漢江宋遣水軍絕歸路輝圖選士卒浮水殺宋軍六次淮南天長至五河口與宋兵戰敗之七年詔守鹿門山曰河口一字城九年攻樊之古城堡奪之勦宋將韓撥發擒蔡路鈞十年

世宗紀及襄陽降帥屯蔡息出巡淮安還城正陽路地安豐十一年宋將夏貴來攻正陽輝圖逆戰退之十二年北渡至柵江堡值宋軍與戰敗之復南渡江駐兵鎮江諜報宋平江兵出常州遂領兵至無錫與宋兵戰殲其衆權樞密院事守鎮江宋殿帥張彥彥無錫帥勇攻宣城輝圖與萬戶呼喇珠特穆爾追戰至常州擒張殿帥范總管從右丞相塔哈攻常州宋宋都統自蘇州赴援輝圖遇于橫林店擊破之進取蘇州徇秀州

欽定續通志 卷四百七十一 列傳

仍撫治臨安進東新附軍民十三年同元帥色塔默特穆爾張弘範徇温州福建所至州郡迎降十四年授浙東宣慰使討台廢叛者戰于黃善嶺又戰于温州白塔屯寨轉戰于漳泉興化平之十六年詔至闕下授行省參知政事至處州以疾卒子巴噶魯爾官浙東道宣慰使都元帥平浙東建寧盜賊數有功布哈子呼圖克魯爾既長分襲蒙古軍千戶從平宋有功累遷平章政事

伊克默色輝和爾人至元二年入備宿衛九年秦世祖命使海外八羅字國十一年偕其國人以珍裘表來朝十二年再使其國與其國師以名藥來獻十四年授兵部侍郎十八年拜荆湖古城等處行中書參知政事招諭占城二十一年召還二十二年復以參知政事管鎮南王府事與平章阿爾哈雅右丞索多征占城戰失利索多死焉伊克默色言於鎮南王請屯兵大浪湖觀霧而後動竟全軍而歸

按經世大典及衆多傳續南王衍二十四年使萬八兒國浮海阻風行一年乃至得其良醫善藥遂與其國人來貢二十九年議征卓幹立福建行省伊克默色與史弼高興並爲平章詔軍事付嗣海道事付伊克默色仍諭之曰汝等至卓幹當遣使來報其餘小國可招徠之軍次占城先遣郝成淵淵諭降南巫里速木都刺不魯不都八刺刺諸小國三十年攻萬耶國降其主合只葛嘗又遣鄭廷招諭木由來諸小國皆來降卓幹主增土罕必闕耶既降歸國復拔諸將班師伊克默色欲俟帝旨遣使入奏爾與異不從

從史記高典二傳時土罕必闕耶既降時路馬隆表與伊克遂引兵還以所俘及諸小國降人入見帝罪其與爾繼土罕必闕耶沒家貲三之一尋復還之以平章政事爲集賢院使告老家居仁宗念其屢使絕域詔封吳國公卒

貝降北庭人父呼圖克武勇過人由宿衛爲南宿州鎮將分守开輝後從世祖南征年幾七十每身先士卒戰功

居多徙居大名路清豐縣封漁陽郡侯呼圖克卒貝降生甫數月母徐氏曰吾惟一子不可使不知學願縣僻無
良師友遂遣從師大名城中郡守每朔望入學貝降容止講解大異羣兒共愛獎之比弱冠儀表甚偉承相阿
珠南征攻襄陽江陵諸郡以偏裨隸麾下軍行至安陽灘宋騎直前突陣貝降引弓斃數人宋騎稍却復率眾戰
敗之至元五年圍襄陽戰有功十一年從阿珠渡江水陸遇敵先登陷陣勇冠一軍宋平以功授江浙省理問官
時事方草創省臣有所建白及事須奏聞者以貝降善敷奏數令馳驛往咨于朝及引見世祖遙識之喜曰黑髯
使臣復來耶其見器重如此二十七年遷江西行尚書省都鎮武適舊獲邊從丞相魯古台計定之二十九年
遷慶元路治中歲大饑狀累上行省不報貝降即躬詣行省力請得發粟四萬石貝降全活元貞間兩浙鹽運使
同知范某陰賊爲姦侵暴細民人咸側目貝降至官遂置范於刑時論多高夫德元子遷浙東廉訪副使令行禁
止豪強懼伏同寅有貪穢者卽抗章劾免之後陞工部尚書有能聲至大二年仁宗爲皇太子奉皇太后游暑五
臺貝降供給道路無有闕遺比至都改資國院使母徐氏卒遂奔喪於杭州酒禁方嚴帝特命以酒十罌官給傳
致墓所以備奠禮初徐氏盛年守節教子甚嚴比貝降貴特旌其門貝降居喪盡禮延祐二年卒于家贈江浙左
丞諡貞惠

博爾歡鄂約達勒之曾孫也年十六爲本部斷事官從世祖討額呼布格數有功中統三年李璫叛命帥恭果一
軍圍濟南分兵掠益都萊州悉平之詔錄燕南獄諫決明允皇子雲南王阿雅噶齊爲其臣保赫鼎毒死事覺
將治其獄丞相錫津請以博爾歡往徵以年少帝乃以吏部尚書拜特穆爾輔其行未至保赫鼎密以金餽勿勿
究博爾歡陽諾之至則竟其獄誅毒王者而歸其金子省陞見帝謂錫津曰卿舉得其人矣授右衛親軍都指揮

欽定續通志 卷四百七十一 列傳

使會伐宋授金吾衛上將軍中書右丞詔分大軍爲二右軍受巴延阿珠節度左軍受博爾歡節度俄兼淮東都
元帥罷山東經略司而以其軍隸高軍于下邳博爾歡頓大兵爲疑兵以輕騎偕道駕海州東海石秋三城皆下
清河亦降進軍拔淮安南侵戰白馬湖及寶應掠高郵自西小河及漕河抵灣頭斷泰援兵遂下揚州淮東平
益封桂陽德慶二萬一千戶至元十四年原元世宗時討叛巨珠爾噶岱於德昌平之拜中書右丞行省北京
未幾召還時江南新招聚民能者從討使自爲一軍聽節度於其長博爾歡奏曰今疆土寔廣勝兵百萬何假
此無稽之徒彼一踐南土則肆行俘掠恐叛者愈眾奏上帝大悟盡罷所募軍十六年以海拉蘇布爾噶蘇鄂喇
昆諸部不相統命博爾歡監之十八年以中書右丞行省甘肅二十年拜御史大夫行御史臺事以疾歸二十四
年世宗詔王納顏叛帝將親征博爾歡曰徵莽果等五諸侯之兵足以當之何至上煩乘輿哉臣請事東征帝
乃命督五諸侯兵與納顏戰敗之按世宗從帝親征本傳敘次恐有脫誤其黨塔布岱以兵來拒轉戰二日身
中三矢大破之斬其駙馬和倫適太師伊噶楚延大軍來會遂平納顏擒塔布岱既而其黨哈坦復叛詔與諸王
柰璠台討之哈坦死斬其子羅丹於陣凱旋授河南宣慰使改行中書省拜平章政事時汴南諸州茶爲巨浸博
爾歡躬行決口督有司繕完之成宗立遷陝西行中書省平章政事未行留鎮河南近臣奏伐宋功益封高郵五
百戶大德元年叛王永和爾烏魯斯布哈來歸博爾歡遣使馳奏請其前惡以勸未至帝深以爲然命以平章
政事行省湖廣會并福建行省入江浙拜江浙等處行中書省平章政事居歲餘卒加封泰安王諡武穆子昆都
巴圖額森特穆爾博囉

巴圖額森特穆爾博囉

大夫延祐元年拜甘肅行省平章政事甘州氣寒地瘠少稔歲民饑則發粟振之春闕糧則貸之於是兵饑既足
民食亦給四年移江湖行省平章政事入爲太子賓客上書陳正心修身之道帝嘉納之遷江南行臺御史大夫
皇太后謂東宮官不宜使外止其行遂以疾辭去高郵英宗卽位陞見以疾固辭命以平章之祿歸養于家巴
圖以所給祿歸有司奉定元年遷京師卒朝廷知其貧仍遷所辭祿妻鴻吉哩氏弗受曰始巴圖仕于朝不敢虛
受夙祿今歿矣苟受是祿非其意也卒辭之子多爾濟將作院判官

欽定續通志



卷四百七十

列傳



六

徹辰巴圖爾 奇奇哩 蒙古 塔本哲爾 塔爾巴哈台 尼古爾 阿爾布魯 阿爾斯蘭 哈瑪爾圖

一阿穆爾 博囉哈達 約幹實 摩哩 特默齊 巴圖爾

徹辰巴圖爾欽察人初事太宗繼較馬從攻鳳翔戰遠關皆有功後從大將蘇布特攻汴京拔金人木柵於河南師還金將高都尉邀于路徹辰巴圖爾迎擊斬其首以贖從攻蔡州前鋒搭搭爾與金將戰金將掉其鬚徹辰巴圖爾遙斫金將蔡州破金將守立城上以鐵椎擊殺之帝嘉其命從皇子攻葉陽繼從宗王昆布哈攻光州一日五戰光州下陞百戶從攻滁州與宋兵大戰至暮追殺之世祖伐宋募能先絕江者徹辰巴圖爾首應命率眾逼南岸詔與托歡同宋使諭鄂州使降鄂州將殺使者來鸞擊大破之中統三年授蔡州蒙古漢軍萬戶宋人犯西平徹辰巴圖爾逐北踰淮至元二年由安慶入廬州闕宋兵至亟設伏于竹林擊殺之五年從元帥阿珠圍襄陽擊奪宋將夏貴米丹阿珠以其有功俾與扎拉爾引軍南下略地淮東十一年遣招鄂州十二年招滁州誅王安撫改管軍千戶十三年復略地淮東獲其總管二人以獻遷滁州總管府遠噶齊宋都統姜才率軍取糧高郵從史萬戶奪其馬及糧粟二萬 按宋史姜才與萬戶名籍亦見 十四年從討叛人珠爾噶丹于和囉海圖改滁州路總管府遠噶齊十七年率其子托歡孫茂入見帝命以托歡為管軍總管茂為滁州路總管府遠噶齊其後托歡以征倭及征卓幹功累陞鎮守無為滁州萬戶府遠噶齊

欽定續通志 卷四百七十一 列傳

奇奇哩 幹略氏太宗南伐以千戶從庫騰攻安豐壽州又從諸王塔齊爾攻荆山破之與萬戶鼎衛台以兵守沂鄆略漣海又從元帥輝圖攻襄陽卒子桑噶蘇從丞相阿珠攻襄樊又從達春築正陽堡蓋軍乘艦來窺壁壘桑噶蘇率征騎逆之夾淮水而軍射死者甚眾至元十二年從御史大夫博囉罕平漣海秋九月從丞相巴延攻淮安南門破之又從元帥博囉罕築灣頭堡權領蒙古女真漢人三萬戶十三年 原文於十二月有脫誤今據世宗 夏五月宋揚州都統姜才引兵來侵從丞相阿珠襲制置使李庭芝及姜才于泰州皆殺之十四年加管軍總管累陞蒙古侍衛親軍副指揮使司事子尼古爾岱元貞元年為蒙古侍衛親軍百戶大德六年襲父職延祐四年陞左翊蒙古侍衛親軍都指揮使

塔本哲爾蘇爾嘉氏太宗時以招討使將兵出征破信安河南以功授行萬戶歲甲寅卒子塔爾齊襲已未率兵渡江破十字寨子重喜與敵兵戰于洋隘口奪戰艦一流矢中左足勇氣愈倍世祖親勞之及塔齊爾卒以重喜襲職 原由別立並詳今刪本傳中統三年從征李璣有功至元二年築十字路城以備守禦重喜率兵南巡為遊擊軍四年從招布哈出征至泗州北古城時蔡千戶為敵兵所圍重喜奮戰救出之十一年宋兵圍正陽從戰敗之十二年從下連海諸城俄命率五千人從出征與宋將李提轄等戰大敗之遂駐兵瓜洲十三年宋都統姜才圍城堡敗之從兵襲擊李庭芝等子秦州十四年進娶州路總管府遠噶齊未幾卒子慶孫襲初授管軍總管二十四年領諸翼軍鎮太湖教習水戰征行上萬戶皇慶二年卒子布呼齊襲

尼古爾憲宗時與額哩白烏蘇三十人來歸後從征釣魚山討李璣皆有功子阿都齊世祖時圍襄陽下江南敗實喇及在納顏皆以功受賞後事成宗武宗為札達固遜仁宗時感官至左阿蘇衛千戶卒子嘉理初為舒庫爾

齊繼襲父職平心里克圖天歷元年從丞相雅克特穆爾戰居庸北有功遷章佩卿子濟延布哈初事仁宗爲舒庫爾齊天歷元年迎文宗于河南命爲伊勒都齊住居庸關料敵道逢二軍謂特默齊曰今北兵且至其避之濟延布哈恐搖衆心卽拔所佩刀斬之進兵部尙書領軍六百人迎敵通州會丞相雅克特穆爾至檀子山與圖門岱爾戰敗之遷天司農丞

阿爾斯蘭阿蘇特氏初憲宗國其城阿爾斯蘭借其子額森展迎謁軍門帝賜手詔命專領阿蘇特人以額森展置左右道遇實呼格拔軍額森展力戰死之帝遣使裹屍還葬之阿爾斯蘭復以次子尼古爾獻帝命從烏蘇哈達征哈喇章有功又從伐宋中流矢死子呼爾敦岱爾充管軍百戶世祖命從博囉諾延使哈喇茂之地以疾卒子呼圖克特穆爾武宗濟邸時從征海都至大元年授左衛阿蘇親軍副都指揮使四年卒

哈瑪爾圖蘇頁氏憲宗時從攻釣魚山又從親王塔齊爾北征充千戶所都鎮撫後從托倫伐宋沒于陣子察罕從塔察攻樊城西門領揚州等處遊擊軍與宋兵戰有功至元十一年從呼圖克特穆爾攻江陵東南城堡又從阿魯罕敗宋兵于陽羅堡之南十二年分隸托克托總管與宋兵戰敗之又從攻獨松千秋撥出等關及諸山寨其降民悉綏撫之十三年授瑞安縣達嚕噶齊始至招集逃移民十萬餘戶十四年陞管軍總把併領新附軍五百人從官慰唐古特戰于司空山有功命以其職兼都鎮撫累陞至左翼屯田萬戶府副萬戶大德五年卒子塔納襲

阿穆爾巴圖都喀喇氏初從蘇布特諾延征欽察攻河西城收西關破河南繼從定宗略地阿努皆有功又從四太子南伐命充齊哩克昆阿都齊博克遜又從兵渡江攻鄂以疾卒于軍子伊蘇岱爾從討阿勒達爾璋塔哈征

欽定續通志 卷四百七十一 列傳

李璣伐宋累功授管軍總把至元十四年從攻福建興化招古田等處民五千餘戶以功授千戶又招手號親軍二千五百餘人陞總管二十年從攻重慶以功遷征行元帥二十一年命統蒙古特默齊軍從征金齒蠻平之都元帥蒙古岱征羅必甸博囉哈達率遊兵先行江水暴溢率衆泗水而渡諸軍會城下先登拔其城遂屠之又從征八百媳婦國語王庫庫命博囉哈達往招之不聽進兵攻之毀其北門木遂入其寨其地悉平授雲南萬戶府達嚕噶齊卒子孟克布哈襲管軍千戶約幹實阿蘇特人父伊塔巴圖爾從其國主來歸太宗命充宿衛從憲宗征蜀數有功嘗出獵遇虎于隘下馬搏虎挾其舌刺殺之帝壯其勇別立阿蘇軍使領之從世祖征額呼布格又從親王噶必齊征李璣俱有功授本軍千戶從下襄陽又從沿江諸城宋洪安撫既降復叛誘其入城宴乘醉殺之長子伊蘇岱爾代領其軍從攻揚州中流矢卒約幹實襲爲阿蘇軍千戶從丞相巴延平宋賜策縣二千餘戶珠爾噶岱叛斃之斬其將其衆悉平諸王和琳及實喇等叛從皇子北安王征日本進萬戶遞遷欽察親軍都

指揮使二十四年從征納顏有功明年卒追封成武郡公諡顯敬

博囉哈達蒙古鴻吉哩氏祖安珠努太祖時率蒙古軍千人從諸王察罕台征河西攻下定會階文諸州以功爲元帥駐軍漢陽禮店戍守西和階文南界及西蕃邊境爰徵爾襲職從都元帥壽將攻成都宋將劉整以重兵守雲頂山徵爾擊敗之進拔其城攻重慶徵爾將兵千人爲先鋒破城以敗宋兵于馬老山諸軍還屯灰山宋兵夜來擊營徵爾擊敗之世祖卽位爲鄂囉元帥徵行元帥至元二年以老疾不任事諸王阿濟格命博囉哈

達代領其事八年成德世祖紀制授管軍千戶宋將魯萬壽攻成都會省嚴忠憲遣博囉哈達將兵禦之流矢中頰戰愈力大敗其軍十一年行院汪良臣原任汪特格改以兵圍嘉定博囉哈達率衆攻九頂山破之嘉

定降進攻重慶宋軍突圍出博囉哈達追之斬首二百級濶州叛還軍討之破寶子寨歲餘不下乃遣雲梯先登急擊破之殺虜殆盡十六年取重慶以功遷武略將軍征行元帥二十一年命統蒙古特默齊軍千人從征金齒蠻平之都元帥孟古代征羅必向博囉哈達率游兵先行江水暴溢率眾涸水而渡去城三百步而營居七日諸軍會城下乃進攻之博囉哈達登拔其城遂屠之又從征八百媳婦國至車厘車厘者其酋長所居也諸王庫車命博囉哈達將游騎三百往招之降不聽進兵攻之都鎮撫侯正死焉博囉哈達毀其北門遂入其寨其地悉平賜金虎符授懷遠大將軍雲南萬戶府達噶噶齊卒子孟古布哈襲

約幹實阿蘇特人父伊塔巴圖爾從其國王來歸太宗充宿衛從憲宗征蜀數有功嘗出獵遇虎於隘挾其舌刺殺之帝壯其勇使領阿蘇軍從世祖征額特布格又從親王哈必齊征李璉俱有功授本軍千戶從下襄陽又下沿江諸城宋洪安撫既降後叛誘入城宴乘醉殺之長子伊蘇魯代領其軍從攻揚州中矢而卒約幹實襲爲阿蘇軍千戶從巴延平宋賜粟縣二千餘戶珠爾噶岱叛擊之悉平諸王和琳及實剛等叛從皇子北安王討之北安王戰失利陷敵陣中約幹實追至金山王乃得脫進前衛親軍都指揮使諸王納顏叛世祖親征約幹實爲前鋒屢敗之擒納顏納餘黨塔布岱金嘉努聚兵茂諾海從大軍討平之既而哈坦復叛追擊其軍渡河而遁又與海都將巴林特爾格岱必理齊等戰屢捷成宗時在潛邸帝以海都連年犯邊命出鎮金山約幹實率所部在行從皇子庫庫楚丞相托多爾海擊海都軍突陣而入大破之復從諸王永和爾丞相托多爾海擊海都將巴林敗之海都復以圖古木領精兵三萬據險來襲約幹實率善射者三百人守其隘注矢以射全軍而歸武宗鎮北邊海都復入寇約幹實敗之時扎爾古齊博囉特穆爾所將兵爲海都困於小谷約幹實援出之武宗南還命欽定續通志卷四百七十一列傳

年卒子伊奇爾台襲

摩哩綽克台氏祖實里濟諾延從太祖與王汗戰同飲班珠爾河水以功授千戶領徹爾台部征討諸國卒于河西父穆魯職從太宗定中原以疾卒摩哩職從定宗略定欽察阿蘇俄羅斯諸國從憲宗伐宋有功世祖即位諸王呼哩叛摩哩與其弟僧格達喇率所部擊之一月八戰奪其所掠諸部民以還已而僧格達喇爲呼哩所殺帝聞而憐之遣使者迎至摩哩賜號曰達爾罕葬卒子圖古勒

特默齊圖魯卜台人從諸王穆爾齊征蜀後以兵從塔海幹布和爾齊擣塔諸大帥歲戊午擣塔攻涪州還軍至馬湖江宋兵連艦絕江不得進特默齊率精兵擊之奪其舟以濟又于橫江嘉定宣化三縣造浮橋以達成都耨塔以爲能命從萬戶錫勒塔克略地開門黎雅土蕃錫勒塔克死行院塔齊以特默齊爲萬戶領其軍中統四年授蒙古漢軍萬戶至元九年從行省伊蘇魯爾征建都戰于梅子嶺大敗之復與左丞奇爾濟蘇乘勝進擊建都勢盛請降十一年又從行院汪良臣原注汪良臣特穆魯今原注汪良臣特穆魯今呼敦等攻嘉定重慶瀘敘諸州以功兼崇慶府達噶噶齊

十九年卒子巴延襲蒙古軍萬戶戌甘州

巴圖爾阿蘇特氏世居上都宣興憲宗在潛邸與兄阿索勒布爾罕及瑪達喇蘇帥衆來歸瑪達喇蘇從征穆克爾蘇城爲前鋒時身中二矢奮戰拔其城又從征蜀至釣魚山斃于軍巴圖爾從征李璉圍濟南身二十餘戰世祖嘉其能命領阿蘇軍常居左右後從塔布岱南征與敵軍戰于金剛臺師還命充博克遜兼領阿蘇軍至元二十三年授後衛親軍副都指揮使明年從征納顏擒金嘉努塔布岱以歸大德元年卒子巴濟拉襲至大四年河

東陝西鞏昌等地諸翼衛爭草地訟者二百餘起命往究之悉正其罪致和元年從丞相雅克特穆爾擒押爾蘇
黨額卜德呼勒等領諸衛軍守居庸關及諸要害地按本紀奉定帝致和元年即文宗天德元年也蓋額卜天德
元年復從丞相擊旺沁兵敗之尋以疾辭子伊塔圖襲

此卷第六葉第六行至十一行考元史阿穆爾傳並無此文其十二行至下葉二行則係八葉約翰寶傳誤衍
重出

欽定續通志 卷四百七十一 列傳



欽定續通志卷四百七十一終

昂吉爾 哈喇岱 沙全 特穆爾布哈 薩奇蘇 額訥格爾 實保 特哩 阿錫百 庫庫 圖古勒

昂吉爾張掖人姓額下氏世為西夏將家歲辛巳父額下幹布率所部歸太祖以其軍隸蒙古舊籍按原史別立國號昂吉爾官屬及其子昂哈從穆呼哩出征病卒昂吉爾領其父軍從征諸國有功至元六年授本軍千戶略地淮南所向無前時宋輸糧金剛臺意將深入昂吉爾將兵馳往斷其輪道因上言請城信陽以扼宋得旨令率河西軍一千三百人城之城成九年加信陽軍萬戶丞相巴延渡江留阿珠定淮南東道其西道則屬之昂吉爾

駐兵和州宋准西制置夏貴遣侯都統將兵四萬來攻有謀內應者悉誅之潛兵出千秋壩塞其歸路因出城奮擊大敗之鎗巢軍降阿蘇軍戍之人不堪其橫都統洪福壽殺戍者以叛昂吉爾攻拔其城擒福及董統制遂攻廬州宋亡夏真舉所部納款按宋史洪福壽傳及魏志並云洪福壽夏貴家值也知福壽軍攻既降使其從子相福之叛均吳宗福昂吉爾入廬州民安堵無所犯遷淮西宣慰使宋丞相文天祥後起兵海道舒民張德興應之樊破興國德安諸郡還據司空山詔昂吉爾攻之二戰而定江左初平官制草創檮臣阿哈瑪特納路魯爾江南官

倭冗濫為甚昂吉爾入朝具為帝言之即奉命偕平章赫伯左丞督斌等滅汰之選曹以清時兩淮兵革之餘荆榛撤野昂吉爾請立屯田以給軍餉帝從之累遷行尚書省右丞兼淮西宣慰使都元帥日本不庭帝命安塔哈欽定續通志 卷四百七十二 列傳

等征之昂吉爾上疏請罷兵息民不從既而師果無功昂吉爾屢為直言臺臣慮其難制以雅伊密實為本道按察使以察之雅伊密實時搆搆昂吉爾細故以聞及廷辨帝察其無他輒遷其官後竟以微過罪之按當元朝時英肅王昂吉爾開道二十年後諫昂吉爾帝以師中與本條並出恐誤失其實實元貞元年卒子昂哈圖充舒庫爾齊至元二十四年從征緬顏有功代其父職二十六年授廬州蒙古漢軍萬戶府遣哈喇齊大德六年領兵討宋隆濟等還鎮廬州以私財築室居軍士之貧者事聞除其秩泰定四年卒

哈喇齊哈魯氏初從軍攻襄樊蒙古四萬戶府辟為水軍鎮撫至元十一年從丞相巴延渡江改管軍百戶十二年從丞相阿珠與宋兵戰焦山敗之進攻江陰許浦金山上海崇明金浦皆下之遂成澈浦海口十二年宋將張世傑舟師至慶元胸山東門海界哈喇齊追之守定海港口兩退宋兵復引兵至温州青嶼門遇宋兵遣使諭守臣家之柄以城降至福州擒毛監丞等十四年授沿海招討副使鎮守沿海上下南至福寧北距許浦督造海船千艘從右丞達春攻廣南進沿海招討使時宋處州兵復温州哈喇齊率兵復取之進至潮陽縣宋都統陳懿等兄弟以倉兵七千人降達春攻廣州踰月未下哈喇齊繼至諭宋安撫張鎮孫侍郎譚應斗以城降從攻張世傑

于大洋諭南恩州宋閣門官贊舍人梁國傑以倉軍萬人降十五年入覲擢沿海左副都元帥慶元路總管府達哈喇齊將所部軍屯海口十六年海賊賀文達顧潤等寇掠海島哈喇齊諭降之十八年從征日本值颶風舟回按日本傳至元十八年征日本至平盤島颶風破舟明年還成慶元二十五年拜中書左丞行浙東道宣慰使大德五年徵入見擢雲南行省右丞借劉深征八百媳婦國至順元土官宋隆濟等叛按原史隆濟等叛按成宗紀宋隆濟叛在大德五年

按日本傳至元十八年征日本至平盤島颶風破舟明年還成慶元二十五年拜中書左丞行浙東道宣慰使大德五年徵入見擢雲南行省右丞借劉深征八百媳婦國至順元土官宋隆濟等叛按原史隆濟等叛按成宗紀宋隆濟叛在大德五年

慶元年擢國公諡武惠子哈喇布哈噶爾海萬戶府達噶噶齊

沙舍哈喇妻氏父沙迪世居沙漠從太祖平金伐河南柳泉因家焉全初名綽爾齊甫五歲為宋軍所虜年十八留劉整密下宋人以其父名沙迪使以沙為姓而名曰全中統二年整以瀘州來歸全與之同行授管軍百戶至元三年整出兵雲頂山與宋將夏竦兵遇全擊殺甚眾五年整領都元帥事國襄樊以全為鎮撫清攻仙人山陳家洞諸寨破之隕千戶敗宋將張貴拔樊城與劉整軍會修正陽城引兵渡淮與宋將陳安撫戰敗之十二年從丞相阿珠與宋將張世傑孫虎巨大戰于焦山水陸並進宋人不能支敗走進攻常州克之乘勝下沿海諸城至華亭戒士卒毋殺掠遂傾城出降以功授華亭軍民達噶噶齊時有未附隨徒聚眾劫掠全擊破之籍其名請于行省遣屯田于淮之芍陂行省以邑人新附時有反側欲屠其城全言鹽卒多非其土人若屠之枉死者眾以死保其不叛遂止尋陞華亭為府以全為達噶噶齊招降盜賊境內得安改松江萬戶府達噶噶齊專領軍政十二年召見選陞萬戶府達噶噶齊得請復舊名曰綽爾齊未幾帝以松江海重地復命鎮之卒于官

特穆爾布哈塔塔爾魯人父珍齊歲乙未按太宗紀六年甲午遣塔塔爾布罕同都元帥珍齊海幹布將兵入蜀攻下興元成都諸郡中統二年授西川便宜都元帥俄進行樞密院率諸軍略定西川未下郡邑至元元年遷益都等路統軍使死軍中特穆爾布哈中統初入備宿衛至元七年授瀋水軍萬戶赴襄陽與宋將范文虎戰于瀋子灘大敗之十一年授益都瀋萊新軍萬戶從丞相巴延伐宋敗其大將夏竦于陽羅堡大軍渡江論功最多又從下鄂斬黃江建康常秀蘇杭諸郡從參知政事阿護罕略定紹興溫台福建諸郡授台州路總管府達噶噶齊遷廣東宣慰使十六年加都元帥追索將張世傑于香山島世傑死降其眾廣東諸郡及海島盡平入見授中

欽定續通志 卷四百七十一 列傳

書左丞行省江西二十四年拜四川等處行尚書省平章政事兼總軍務改行中書省平章政事其兄特穆爾托噶特穆爾托噶初以蒙古軍千戶從伐蜀有功授萬戶從大軍攻重慶重慶降收其眾徇下流諸城留鎮夔門兼本路安撫司達噶噶齊遞陞諸蠻夷都宣慰使加都元帥伊實布希蠻蠻與雅爾哈會兵討平之改征緬都元帥

死于軍

薩奇蘇回鶻人其國阿達都督托果斯之次子也初為太祖弟烏珍罕且齊領王傅烏珍薨長子濟伯格番世嫡孫塔齊爾幼庶兄托迪欲廢嫡自立薩奇蘇與和爾果斯馳白皇后乃授塔齊爾以皇太弟寶襲爵為王以功分治黑山以南之地從憲宗攻釣魚山建言乘勢定江南帝嘉納焉憲宗崩額呼布格爭立諸王多附之薩奇蘇馳昇塔齊爾力言宜協戴世祖塔齊爾從之及世祖即位授北京宣撫使劄剌押羅遠東以靈會高麗有異志帝遣使究治副委罪于其臣洪察呼城送京師道遼東薩奇蘇訪知洪察呼以直諫注意即奏疏為直其事帝命釋之李璫叛命帥從宗王哈必齊討之璫伏誅哈必齊欲屠城薩奇蘇力爭止之眾大悅授山東行省都督遷經略統軍二使按世宗紀云分益都平取木條二翼兼益都路達噶噶齊時兵疲後民乏牛具為之上聞驗民丁力官給之統軍超布哈田遊無度害稼病民元帥伊蘇魯爾據民田為牧地薩奇蘇隨時表聞有旨杖超布哈令伊蘇魯爾還其田璫欲將毛璋欲率諸部謀執薩奇蘇以歸宋璋黨上變乃璫斬之薩奇蘇嘗慕古人舉親畢讎之義

叛帥故卒待與子姓參用公論多之山東歲屢歉為請粟賑卹又奏蠲其田租山東人刻石頌德卒諡襄惠額納格爾字正卿其先屬古特部徙居臨洮之狄道金略地盡室遷遼東曾祖特穆爾英格在金為馬步軍指揮使官名有馬因以為馬氏祖傳索瑪伊爾徙淨州陝州文州志淨州今改正之天山宣宗遷汴艾質喇齊蘇

爲鳳翔府兵馬判官死國事額訥格爾好學負氣會國兵破汴時母北行聞鋒鏑中北口憲宗命贊布札爾爲斷事官以燕故城爲治所額訥格爾慨然以治道自任政苛修舉廢壬子料民丁于中原凡業儒者試過一經卽不同竈口著爲令甲儒人免丁寶額訥格爾始之也嘗建言立常平倉舉賢士楊春卿張老純輩分布諸郡號稱得人又羅致名士敬鼎臣授業館下薦引馬文玉牛應之輩爲參佐後皆位至卿相己未世祖以親王南征從行至汗合喜餉饋及世祖卽位將親征額呼布格額訥格爾市馬以助軍帝厚贍其家拜禮部尙書四年南寧不靖建言光類等處立榷場歲得鐵以鑄農器易粟輸官不惟官民兩便因可以鎮服南方詎以本職兼領煽冷未行以疾卒贈梁菴侯諡忠懿子孫登仕籍者甚眾會孫祖常自有傳

寶保輝和爾人父奇凌貝鄂齊爾智勇過人領兵來歸太祖從征回國數立功將重賞之自請爲本國古魯城達嚕噶齊從之卒寶保事世祖潛邸名長且齊中統元年爲戶部尙書宗正府札爾古齊額呼布格之叛帝命寶保詣河西督糧至西北兩萬戶阿竇克特穆爾將從額呼布格寶保矯制召其軍赴行在委曲諭之且以西京錢糧給其軍遂率見帝帝曰戰陣之間得一夫之助猶爲有濟寶保以二萬軍至其功豈少哉海都叛世祖將討之先命寶保傳旨往諭海都聽命既退軍官驛使世時理傳云使至海都欲何其誠謀而示相安圖軍先已克和爾爾和大王部曲海都謂寶保曰我不難于殺汝念我父嘗受書于汝姑遣汝歸以安國之事爾非我罪也寶保以聞命爲中書右丞商議政事妻以宗王之女博囉章公主明年復使海都諭之來歸海都辭以畏死不致寶保奏使奔走三年時年已七十矣命爲翰林承旨給全俸養老後卒子烏嚕斯哈美至元二十三年授浙東宣慰使浙東盜起鑄印璽僭稱天降大王烏嚕斯哈美討平之移鎮廣西嗣繼羅天佑作亂招降之卒子耀珠宗正府札爾欽定續通志卷四百七十一列傳

古齊

特哩奈曼人居絳州祖拜布哈爲宗王巴圖傳特哩有謀略早歲宿衛王府巴圖分地平陽以特哩監隰州中統初調平陽馬步站達嚕噶齊至元初宗王海都叛廷議欲伐之世祖以宗室之情欲擇謹密者往使焉左右以特哩對遂召見帝嘉其辯慧曰此事非汝不可然必先詣巴圖蒙古特穆爾王所相與計事而後行使二人副之特哩既奉命欲直造海都境則者弗從以上命不可特哩曰親承密旨汝輩違則當誅副者懼而從之既至海都日召宗親宴飲將伺其隙謀害之與前傳特哩厲聲曰且食勿語望語言脫口相誣爲罪耶夏久海都曰直哉因厚贈以行既至巴圖蒙古特穆爾王所具告以故王曰祖宗有訓叛者人得誅之如通好不從奉師以行天罰我卽外應剿絕不難矣特哩還悉以事聞後屢使巴圖王所道過海都遊兵副者前行遇害特哩後至曰我爲天子使可以非禮祀耶遊兵語屈乃釋之遂獨得還帝嘗謂侍臣曰有特哩則朕之宗族將不失和矣海都覘伺巴圖王爲備已嚴意乃怏然特哩始終凡四往返歷十四年帝謂曰在朝官之要重者惟汝所擇對曰臣母在絳州老且病得侍朝夕幸也詔從其請授絳州達嚕噶齊十五年平陽李二謀亂特哩捕問盡得其狀十八年病卒于官子達蘭台嗣官

阿錫賈西域佛琳人通西域諸部語工星歷醫藥初事定宗直言敢諫時世祖在藩邸器之中統四年命掌西域星歷醫藥二司事後改廣惠司仍命領之世祖嘗詔都城大作佛事集教坊妓樂及儀仗以迎導阿錫賈奏曰高麗新附山東初定江南未下天下疲弊此無益之費甚無謂也帝嘉納之至元五年從獵保定日且久乃于帝前語供給之民曰得無妨爾耕乎帝爲罷獵十三年丞相巴延平江南還奏臣以飛語譴之阿錫賈叩頭諫得解

時取其五以補遺命按之無驗遂復其任
崇福使遷翰林學士承旨兼修國史大德元年授平章政事成宗崩內旨索星歷祕文阿錫百厲色折之仁宗時
封秦國公卒追封佛琳忠獻王子阿里雅秦國公崇福使遣罕翰林學士承旨哈斯光祿卿奇爾濟蘇同知泉府
院事老哈廣惠司提舉

庫庫字子清本黠爾齊斯氏族世居布爾罕呼爾敦之地其俗驍勇善騎射諸族頗憚之國初舉族內附世祖
居潛邸選庫庫爲近侍歲甲辰世祖聞王鶚賢徵至問以治道命庫庫與廉希憲皆師事之庫庫每旦起盛飾其
冠服賜之庫庫悔悟明日純素以進鶚乃悅壬子奉命僉諸路軍籍所至無擾人皆德之及還命領燕京匠局
世祖卽位特授中書左丞未幾遷大名路宣撫使卒子堅通字永叔少孤甫十歲卽從王鶚游旣長奉命入國學
復從許衡遊弱冠入侍禁廷累官御史臺侍御史至元二十四年扈從東征屢戰有功遷燕南河北道肅政廉訪
使遂拜河南行省平章政事驛召赴闕未拜以疾卒

圖古勒字親臣喀喇伊朥之孫雅爾達實第九子也自幼侍世祖命與額森特穆爾博果密從許衡遊帝問其所
學圖古勒對曰三代治平之法也帝喜除蒙古學士答省使進兵部郎中遷僉太史院嘗燕見世祖屢陳古今治
亂政要多所裨益至元二十年遷中書右司郎中未幾大宗正色徹肯薦掌其府判署閩諸獄文案嘗暮歸愀然
曰今日所議死案子心有疑未得所以活之他日歸喜曰我得之矣子法當流徙邊地遷吏部尙書時哈喇哈斯
爲湖廣平章嘗與圖古勒同在大宗正素知其賢舉以自輔遂授湖廣右丞時湖南北多盜圖古勒擒殺盜首喬
大使戶諸市羣盜頓息湖南宣慰張國紀創徵夏稅民弗堪圖古勒屢請罷之二事見哈喇哈斯傳二十九年辰

欽定續通志 卷四百七十二 列傳

四

州蠻叛副樞劉國傑僉院蘇瑪拉移文索辰禮沅問弩士哈喇哈斯以民弗習戰弗許圖古勒曰因蠻攻蠻古所
利遂與之果以此獲勝成宗卽位遷江浙右丞適歲旱方至而雨民心大悅未幾召遷樞密副使大德七年卒
贈趙國公諡文肅子舒蘇晉密路總管

達春 巴延 伊克德濟 額森羅爾 托里實克 呼喇珠 丹珠爾 托歡 錫里巴 布哈齊 齊喇 安巴 伊蘇岱爾 實都爾

達春蒙古扎拉爾氏父扎拉台憲事太祖憲宗歲甲寅奉命伐高麗破之擧國遁入海島已未高麗遂內附扎拉台之功居多達春以勳臣子累遷東京等路行中書省右丞改授遼東道宣慰使達春探知納顏謀叛馳驛上聞有旨命與皇子阿雅噶齊同力備禦女真碩達勒達官兵與納顏連結達春遂棄妻子與麾下十二騎直抵建州與納顏營遙逼巴圖爾等合戰兩中流矢繼知其黨欲襲皇子阿雅噶齊遂扈從皇子渡遼水納顏軍來襲達春轉鬪而前射其酋特古斯岱噶馬死追兵乃退遂軍懿州州人羅拜泣曰非宣慰公吾屬無道種矣至遼西小龍泊得叛酋史托里台廬全等納款書期而不至遣將討擒之又獲其黨王色克復與齊達勒大王等戰破之泊納顏餘黨北至金山二十八九年充蒙古軍萬戶是歲復領軍討哈坦迺改建州逐阿哈投江死明年哈坦涉海南襲高麗達春復進兵討之入朝拜遼陽等處行中書省平章政事卒于位子達蘭特穆爾

巴延 河西人父胡土克圖以質子從太祖征河西太祖立質子軍號圖魯格遂以胡土克圖為百戶憲宗朝都元帥壽塔承制以為千戶從征西川呼圖克叛于臨洮世祖命胡土克圖等從大軍往討之尋卒巴延襲至元九年授征行千戶十年宋師侵成都迎擊大敗之又從行省伊蘇岱爾攻嘉定從行院呼敦取瀘敘攻重慶數有戰功欽定續通志 卷四百七十二 列傳

十二年為東西兩川蒙古漢軍萬戶總帥汪良臣今原文作汪良臣特穆爾改用兵忠州命巴延將兵二千往涪州策應宋人以舟師邀于清江巴延引兵馳赴擒其部將李春等十七人十三年瀘州復叛行院遣巴延領兵趨珍珠堡敗其將王世昌移戍暗溪若宋合州兵來援復生擒百餘人戮之遂克瀘州行院副使布哈進圍重慶遣巴延將兵遊擊重慶降制授蒙古漢軍總管十九年陞管軍萬戶卒子塔齊爾嗣

伊克德濟實喇斐人祖實達爾摩哩歸太祖從征回國諸國又從睿宗及備伯爾諭降河西諸城後從攻臨洮死焉父密喇卜和卓從太宗滅金又從憲宗攻蜀為萬戶府達噶噶齊殁于軍中統二年伊克德濟為千戶數有戰功下五花石城白馬等砦至元七年宋兵入成都伊克德濟以兵四百人相拒四日宋兵退追擊破之授蒙古實喇斐河西漢軍萬戶戍眉州從圍嘉定懷德遠若以守其要害宋兵出戰輒敗十二年入朝加上萬戶會圍重慶盡督馬湖江兩岸水陸軍馬十四年從圍瀘州先登拔之從攻重慶屯佛圖關屢戰有功移屯倭子頭宋守將趙安開門降重慶既平略地思州進四川宣慰使都元帥十七年征鄂端拜雲南行省參知政事二十一年與世大

軒與右丞台布諸王桑阿克達爾分道征緬攻江頭城拔之命都元帥袁世安守之圖其地形勢遣使詣關具陳所以攻守之方遣哈迪爾楊林等諭緬使降不報遂督軍水陸並進擊破之建都金齒等十二城皆降命都元帥哈達萬戶布都瑪勒等戍之二十八年改四川行樞密副使卒子和尼齊德濟雲南都元帥額塔蘇襲蒙古軍萬戶

額森羅爾輝和兩人父都沁哈雅從太祖太宗平金及西夏俱有功額森羅爾幼事世祖于潛藩從征土蕃雲南常為前驅歲已未伐宋至鄂州先登奪其外城中統元年從征嶺南布格與其黨遇大呼喇擊之其眾駭潰明年

討李璣以功授西道都元帥士蕃宣慰使頗蘇彝爾素夷情恩威兼著頑虜悅服歷二十四年遷雲南行省平章政事尋改江西行省平章政事巨盜鍾明亭積年爲害頗蘇彝爾討擒之成勞卽位右遷改陝西行省平章政事謝事歸隴右十年卒贈蒙國公諡王折 諡通考載元貞初謝敏忠子鄂勒哲中書平章政事

托里實克輝和兩人祖巴爾斯呼圖克托噶阿古齊國初以兵從攻四川歿于軍父特爾格齊托噶阿古齊憲宗命具哈爾爾及察遜諸宗藩之地輝塔哈阿勒達爾叛執特爾格齊械繫之破械脫走入觀世祖賜令襲父職命率所部兵就征之又徵諸王鄂囉齊討建都陸羅羅斯副都元帥同知宣慰司事至西蕃境上蕃酋遮道不得進特爾格齊戰卻之遣遂遇卒于官托里實克克襲職所部有產金戶叛服不常托里實克討平之定昌路總管古納

拔與其千戶阿夷謀率眾渡巴斯哩河托里實克引兵戰擒阿夷殺之德平路落來民叛又討平之亦奚不薛地未附民多立寨依險自保詔從左丞愛魯克往討之托里實克先至拔其寨愛魯克命率兵攻羅羽及怯兒地皆破之遂平亦奚不薛又與行省參政阿哈巴兒克攻蠻子童降其寨進管軍副萬戶蠻細狗折興等及威龍州判官阿遜皆遇險爲亂托里實克夜入據其寨賊散走遣兵搜獲阿遜斬之籍其民爲農入觀授羅羅斯宣慰使兼

管軍萬戶託還昌州蘇兀巴魯等作亂雲南王命討降之徙其眾于昌州平川鎮守千戶任世祿乘間遁去元里實克據其要路扼之世祿降復入覲卒于京師子索諾木巴勒官至鎮國上將軍

呼喇珠蒙古氏曾祖鄂齊爾事太祖爲博囉齊都爾從太祖征欽察喀喇回回等國有功又收河南關西諸路得民戶四萬餘爲涿州達噶噶齊按原同別立部俱屬都魯木伯伯父哈拉珠襲職以功稍遷益都路蒙

古萬戶孛于軍呼喇珠襲職至元十二年改宋大安軍行省命領諸軍戰艦遇宋軍敗之軍次安慶又敗宋孫承

欽定續通志 卷四百七十三 列傳

臣于丁家洲戰于朱金沙又敗之戰于焦山江中時丞相阿珠督戰呼喇珠與董文炳冒矢石沿流鏖戰身被數傷裏創力戰勝之宋張殿帥攻呂城呼喇珠與萬戶輝圖生擒之從下常州略地蘇湖秀州至長橋大敗宋軍十三年傳至臨安巴延命呼喇珠守浙江亭及北門敗揚州軍于揚子橋又敗真州軍追李庭芝至通州海口

盡降淮東諸州江南遷湖州路達噶噶齊十四年進淮南宣慰使奉旨屯守上都累遷江淮行省除右丞拜江浙行省平章政事卒

丹珠爾蒙古達勒達岱人至元七年從征蜀敗宋兵于馬湖江九年從征建都蠻十一年從攻嘉定敗宋兵于夾江又從下瀟叙諸州進圍重慶敗宋將張萬瀟州叛諸軍將攻瀘丹珠爾先將其寨據紅米灣與宋兵戰敗之進至安樂山連敗宋軍破石礮寨十四年抵瀘州奪其戰艦五艘還至安樂山復敗宋兵從諸軍拔瀘州張萬礮兵

欲向合州丹珠爾以銳卒邀擊于龍坎萬引卻授管軍千戶從征鄂端至甘州陸總管十九年從諸王赫伯元帥蒙古岱軍至鄂端與叛王約羅等戰勝之二十年諸王巴拜叛丹珠爾獨破之進圍萬戶遣戍長寧軍宋好止寨

以兵來襲擊走之二十六年授平陽等路萬戶達噶噶齊卒子濟延圖布哈襲

托歡把拉爾台氏父托多爲萬戶從皇子庫春呼圖克圖略汴宋睢宿等州歲癸丑鎮蔡州托多卒子布哈襲布哈卒弟阿勒達爾襲阿勒達爾卒弟長壽襲並爲千戶守蔡長壽卒托歡襲至元十一年從丞相阿珠攻陽羅堡

累有戰功渡江攻鄂漢諸州下之十二年按世祖和同珠傳攻陽羅堡至元十一年會會宋軍于丁家洲托歡

突入奮戰艦數艘攻建康太平等郡下之宋都統姜才攻揚子橋堡托歡連敗之會萬戶實喇罕入朝道滁州爲宋兵所遮托歡擊敗宋兵出實喇罕從攻揚州至泥湖遇宋軍奪三十餘艘遂進兵蘇州與宋軍戰擒柳泰使

十三年右丞相遣托歡接高郵軍擊宋高郵都統敗之十四年授太平路總管府達噶齊齊珠爾噶岱寇北邊
帝命托歡往討之有功十五年從親王烏爾古岱丞相博囉西征有功加福州路總管府達噶齊齊平閩盜改武
昌路卒

錫里巴蒙古人祖齊呼勒圖從太祖經略西夏有功又隸諸王卓沁台領博囉齊與金人戰歿于陣父瑪拉噶嗣
從征阿勒達爾亦有功錫里巴世其職由樞密院斷事官爲河南行中書省斷事官至元七年引水軍四萬攻襄
陽八年宋將范文虎來援錫里巴敗其軍進圍樊城先登戰于鹿門擒其將張貴十年遷管軍萬戶領襄陽諸路
新軍十二年德和加從丞相巴延等渡江破獨松關下長興取湖州行安撫司事十四年授湖州總管進淮西道
宣慰使十八年卒子達喇齊曲靖等路宣慰使

布喀齊鴻吉哩氏世居應昌祖孟克以后族備太祖宿衛父婁實克狀貌魁偉有謀善騎射太祖嘗問以軍旅之
事應對稱旨卽命爲千戶尋以爲齊王府司馬後從睿宗伐金有功詔還宿衛以疾卒布喀齊英邁有父風幼孤
能自刻厲暇日習弓馬夜則讀書承母訓期以成父之志從軍有功襲父官爲齊王司馬世祖親征納顏以齊王
兵從布喀齊躍馬陷陣所向披靡納顏遁走世祖大悅授信州路達噶噶齊時江南初布宣上意與民更始期
年郡大治俄以疾卒追封范陽郡侯子托音布哈郴州路達噶噶齊

齊喇西域人世居太原由中書譯史從平章政事賽音諾德齊經略川陝至元二十一年百官志立雲南行省署
爲幕官諸洞蠻夷酋長款附齊喇功居多十五年分省大理會緬人入寇齊喇卽以戰具資軍士討平之授行中
書省左右司員外郎十八年平章尼雅斯拉鼎遣詣關數奏邊事世祖愛其聰辨練達拜鎮西平緬今原文脫平字
欽定續通志 卷四百七十三 列傳

補麓川等路宣撫司達噶噶齊兼管軍招討使成都烏蒙諸驛阻絕齊喇市馬給傳往來便之俄被召問以征緬
事宜奏對稱旨諸王桑阿克達爾右丞相布征緬命率兵船爲鄉導拔其江頭城後從雲南王入緬招徠其黨由
是復業者衆後入覲僉細中行中書省擢頒詔于緬宣布威德緬王稽顙稱謝遣世子信合八按信合八
係信合八
係經世大入

與事在德和加入納年累遷雲南路行中書省左丞大德四年卒
安巴唐古人祖森濟圖迎太祖于布琳塔爾哈納之地太祖嘉其效順命爲圖爾哈筆且齊兼克呼穆爾齊父圖
煥齊兼職事憲宗累官至文州禮店元帥府達噶噶齊安巴弱冠入宿衛性嚴重剛果有大志嘗親迎于嫩煌阻
兵不得歸乃客居於于蘭宗王阿勒呼木之所世祖遣色徹肯等使阿勒呼木以通好阿勒呼木留使者數年弟
遣安巴悉以已馬駝驢之令逃去色徹肯等得脫歸具以白世祖世祖稱嘆久之既而命元帥布哈特穆爾等征

于蘭安巴乘間至行營布哈特穆爾承命充樞密院客省使俄有旨護送其妻子來京師未幾宗王納顏拔世
祖親征安巴在行間屢捷命爲克爾豐布爾噶博勒卓等處萬戶諸王哈魯等叛安巴率所部兵與戰身中七創
糜戰愈力生擒哈魯以獻世祖嘉其功命長唐古衛兼倉樞密院事歷同僉副樞同知至知樞密院事卒于位贈
宣慰使公諡忠遂子阿齊拉知樞密院事琳沁巴勒自有傳

伊蘇岱爾喀喇人父阿勒巴巴勒呼太祖時率衆來歸從南征力戰而死伊蘇岱爾世其官從丞相巴延經略襄
樊攻百丈山灌子灘功居最及樊襄圍合卽被甲先登明年破復州殺其將以功陞百戶尋加千戶晉五路招討
至元十六年改管軍總管江南平錄功進管軍萬戶領江淮戰艦數百艘東征日本全軍而還特賜養老一百戶
二十二年移鎮蘇州時籍民丁爲兵得萬人以伊蘇岱爾爲欽察親軍指揮使統之大德三年卒

寶都爾欽察氏父托蘇隸蒙古軍籍中統三年從丞相巴延討李璫以功授百戶至元十年告老以寶都爾代之
十一年從大軍南征攻取襄陽唐鄧申裕鈞許等州累功授管軍總把將其父軍十四年從諸王拜穆爾追擊珠
爾噶魯雅布薩爾等平之十七年陞侍衛軍百戶時亡宋猶有未附城邑寶都爾願自舉兵下之諸城聞風而附
二十四年進漢洞右江萬戶府達噶齊從鎮南王征交趾駐兵萬劫右丞阿巴齊按阿巴齊係至元二十四年
且脫去齊字置增改命進兵拔其一守城明年大兵進逼僞興道王居與交人戰于塔兒山臂中毒矢灑血奮戰
射死交人二十餘仍督諸軍乘勝繼進大敗之遂入其都城又戰于韓村堡擒其將黃澤既而鎮南王引兵還以
寶都爾爲前軍行次陷泥關作內備關戰數十合交人卻遂還迎鎮南王于女兒關交人四萬餘安南國傳作截
三十餘萬
其要道時我軍乏食且疲于戰將佐相顧失色寶都爾率勇士奮戈衝擊之交人卻遂全師而還二十六年授砲
手軍匠萬戶府達噶齊大德二年卒子額森特穆爾襲

欽定續通志

卷四百七十三

列傳

唐仁祖 多爾濟 和尚善諾 劉容 嘉魯克羅達寶 奇爾濟蘇 巴勒丹 烏魯斯 多羅台 額

森布哈 伊奇哩 鄭温

唐仁祖字壽卿雍和爾人祖曰唐古直子孫因以唐為氏父驥豪爽好射獵世祖即位命為裕宗濟邸筆且齊陞達順噶齊仁祖少穎悟爰授母教之讀書通諸方語言尤聲音律中統初詔諸貴胄為質帝親閱之見仁祖曰是唐古直孫耶聰明無疑也俾習國字至元六年選充蒙古掾十六年錄囚平陽平反冤滯免死者十七人十八年授翰林直學士時真定保定兩路錢穀遺負屢歲不決遣仁祖往閱其牘皆中統舊案亟還奏罷之拜參議尚書省事時丞相價格乘政威焰方熾仁祖屢忤之遷工部尚書價格以曹務煩劇困之仁祖慮之甚安尋出使雲中價格考工部織課稍緩怒遣驛騎追還遽命直吏拘往督工且促其期曰違期必致汝于法左右皆為之懼仁祖退召諸署長從容論之曰丞相怒在我汝等勿懼宜力加勉衆皆感激晝夜倍加工期未及而辦乃罷已而價格繫獄有旨命仁祖籍其家明日價格以左右之援得釋衆駭然悉踰垣以竄仁祖獨不為之動價格竟敗二十八年除翰林學士承旨遼陽鐵峯旨借近侍蘇克左丞實都住賑實都欲如戶籍口數大小給之仁祖曰昔之小口今已大矣可皆以大口給之俄除將作院使大德五年再授翰林學士承旨知制誥兼修國史以疾卒追封涇國公諡文貞子恕

欽定續通志 卷四百七十四 列傳

多爾濟字道明西夏靈州人父旺扎勒結世掌其國史初守西涼率父老以城降太祖有旨副賽音達呼為中興路管民官世祖即位旺扎勒結卒遺奏請謹名節節用帝嘉納焉多爾濟年十五通古注論語孟子尚書帝召見于香閣奏對稱旨因問欲何仕多爾濟以西夏營田十未墾一若以南軍子弟之成丁者別編入籍以實屯力則地利多而兵有餘矣請為其總管以盡措書帝可之乃授中興路新民總管至官三載賦額增倍就轉營田使秩滿入覲陞潼川府尹時公府無祿田多爾濟乃以官曠地給民視秩分畝而薄其稅潼川仕者有祿自此始未幾臺臣奏為雲南廉訪副使時雲南諸蠻叛僚佐悉稱故去多爾濟獨守居又八月省臣大懼歸符印欲遁多爾濟乃白于梁王得檄而後出還山南廉訪副使復調雲南廉訪使會行省丞相特們德爾倉暴擅誅殺羅織安撫使布格將丹將置于極刑多爾濟力爭之竟獲免尋復其官後卒子仁通為雲南省理問天曆二年雲南諸王與萬戶布呼等叛仁通率官兵捕之沒于陳

和尚裕勒巴拉巴約特氏祖哈喇喇微爾率所部歸太祖父古都斯舊力過人歲壬辰從睿宗破金將哈達軍於三峯山以功賜號巴圖爾金之授管軍百戶從攻宋唐鄧穎蔡等州屢立戰功乙卯從攻漢上鐵城寨於子軍體沈國公證武愷和尚襲父職己未從世祖攻鄂州中統三年李璫叛從國兵討之戰老僧口勦獲甚衆陞阿曠罕萬戶府經歷至元五年攻襄陽軍擊繁劇贊書有方十一年從丞相巴延渡江與宋軍戰于柳子魯泐新灘沌口有功十二年平章阿爾哈雅攻拔岳州取沙市至江陵諭降宋安撫使高達以功陞行省郎中從國兵圍潭州十三年城破諸將欲屠其城和尚止之由是湖南諸郡聞風皆下改行省斷事官徇地廣西督前軍攻破靜江遂兼行宣撫事廣西平授管德路達噶噶齊以治最聞擢權南廣西道提刑按察使時阿爾哈雅恃功驕恣和尚劾奏

不少貸遷江南浙西道提刑按察使浙西宋故都民眾事繁在職惟務鎮靜人服其知大體卒於官追封沅國公諡莊肅子齊諾

齊諾以御史大夫伊噶諾延薦入見大安閣世祖卽位以其父官授之拜江南浙西道提刑按察使二十六年遷

淮西江北道提刑按察使時價格秉政擅權人莫敢言齊諾入朝極陳其罪狀帝爲之改容及價格誅又言其黨

獨布中外宜早處分三十一年遷江東道肅政廉訪使時東平大名諸路有諸王牧馬草地與民田相間互相侵

冒連歲爭訟不能定命齊諾治之訟遂息大德二年奉詔使准東西兩國民疾苦察官吏能否還軍民便宜三十

事多見採用歷江西湖東江南湖北兩道廉訪使時中書平章巴延等固位日久黨與衆盛所任之人徇情弄法

齊諾據其實上于憲臺以關巴延等皆被黜七年授大都路總管兼大興府尹取更治民有方俄同僉樞密院事

上疏言蒙古軍在山東河南者往戌甘肅跋涉艱苦請以近甘肅之兵戍之而免山東河南諸軍詔從之未幾遷

參議中書省事雙決機務精練明敏成宗崩迎仁宗于潛叩表武宗卽位拜平章政事商議樞密院事左翼萬戶

府達噶噶齊提調屯田事延祐五年致事給半俸終其身家居七年卒追封衛國公諡景憲子倫布監察御史

通洪澤屯萬戶布齊齊南臺御史觀音保製洪澤屯萬戶巴延呼圖克翰林國史院經歷

劉容字仲寬其先西寧青海人高祖阿勒華西夏主尙食西夏平徙西寧民於雲京容父海川在徙中後遂爲雲

京人容幼穎悟稍長喜讀書善騎射中統初入侍皇太子於東宮命專掌庫藏每退卽詣國子祭酒許衡衡亦

與進之至元七年世祖問容知更事命樞中書省按事以忠直稱十五年奉旨使江西撫慰新附之民或勸其受

遣以賂權貴容曰剝民利己吾心何安使懼懼載書籍數車獻之皇太子忌嫉者從而譏之由是稍疏容容亦終

欽定續通志 卷四百七十四 列傳

不辭會立詹事院容上言曰太子天下本苟不得端人正士左右輔翼之使傾邪側媚之徒進必有損令德聞者

是之俄命爲太子司議政秘書監未幾出爲廣平路總管以疾卒於官

嘉魯克孛達寶輝和爾人通天竺教及諸國語世祖召入朝命從國師習其法及言與字期年皆通以輝和爾字

譯西天番經論西南小國星噶爾德威二十餘種來朝嘉魯克孛達寶輝於帝前敷奏其表章諸國體服朝議興

兵討暹羅國斛馬八兒俱藍蘇木都刺諸國嘉魯克孛達寶輝遣使諭以福福不服而後攻之帝納其言命使往

降者二十餘國至元二十四年擢翰林學士承旨遣侍成宗於潛邸且俾以節飲致戒成宗卽位遷大司徒仁宗

卽位加開府儀同三司是年

奇爾濟蘇蒙古阿齊台會祖巴爾斯布哈從攻奈曼欽察俄羅斯滿濟勒噶回回諸國常爲先鋒破斂太祖嘉
之及論除豐州雲州權充宣撫使吐呼雅克和斯襲聯改河中府達噶噶齊平父伊寶摩建康路達噶噶齊致仕
奇爾濟蘇初以宿衛克博囉齊至元二十五年擢司農少卿累陞行湖廣平章討平海南生黎諸峒寨大德三年
按地理志某行會立子大德 改行東省平章政事高麗刑政無節官冗民稀因悉加裁正以聞有旨徵入見俾
三年原文作二年卽改正 條析便民事宜五年復拜湖廣平章踰年改陝西以目疾還京師加官至雲南諸路行省左丞相卒子鄂勒哲湖
廣右丞征廣西賊卒於軍

巴勒丹輝和爾人 按原史書作蘇爾約和爾和琳傳而多父蘇爾約蘇圖和琳太祖時來歸從征回國還事宗
宗於潛邸以爲真定路斷事官巴勒丹事世祖爲博囉齊虜房萬戶從征哈喇章及額略布格俱有功後從裕宗
北征至托哈尼瞻奏命歸守真定未幾改隄興府達噶噶齊授中書右丞居三年海都叛奉旨從曠瑪拉太子

往征之師率喇司徒阿里實登德服阿薩爾琳俱以佐顯

烏魯斯喀喇氏曾祖哈斯巴延爲莊聖太后宮牧官祖海都從憲宗征釣魚山歿於陣父莽特穆爾世宗時爲
筆且齊烏魯斯以內府筆且齊至元中拜監察御史遷雲南行省理問後以忤僧格被譴籍其家唯金玉帶各一
黃金五十兩皆帝所賜者乃獲免二十六年置八番羅甸宣慰司進官慰使時諸蠻叛服不常烏魯斯平之乃立
安撫等司以守焉經世大典卷九元地理志並世宗元十六年二十八年平楊都要等累官至四川行省平章政事至大

二年召還皇慶二年卒贈益國公子博囉布哈初直宿衛至大元年爲翰林侍講學士以疾歸侍延祐四年復
入侍至治二年授河南府同知子察罕布哈隆禧總管副達噶噶齊

多羅台唐古氏祖蘇爾楚太祖時以業弓進賜名齊勒烏爾命爲弓匠百戶卒父塔爾呼台襲職額略布格拔從
戰於蘇瑪勒圖之地死之多羅台從萬戶伊蘇岱爾伊囉齊等累戰有功授前衛親軍百戶積官尙破屯田千

戶所達噶噶齊後以疾退弟庫庫楚亦業弓嘗獻所造弓帝稱善問知爲塔爾呼台之子因試之射命爲近侍明
年武備寺臣復以其弓獻且奏用之擢爲大同路廣勝庫達噶噶齊廣勝者貯兵器之所時總管唐古哈雅以庫

庫庫楚實其入文書領去憲副色塔默合毋入文書庫庫楚不從事聞帝命色塔默之累官大密路總管卒
于官多羅台之子托觀初直宿衛官至四川廉訪司僉事樞密院都事陞斷事官嘗上疏請停罷修寺及省減

供佛飯僧之費又請富商大賈宜與軍民一體應役回回諸色人等不許寶寶中賣以虛圖用其辭懇切當時稱
之

欽定續通志 卷四百七十四 列傳 三

額森布哈蒙古齊喇氏祖實喇阿古爾兄弟四人長圖卜布哈次齊哩克季哈喇阿古爾方太祖徵時齊哩克已
深自結納皆兄弟率屬來歸太祖遇之特異他族命爲筆且齊長實喇阿古爾早世其子博爾歡寧宗入宿衛

寧宗卽位與蒙古薩勒密謀譏拜中書右丞相遂專國政至元年以黨附額略布格論罪伏誅子四人額森
布哈初世其職爲筆且齊長裕宗封燕王世祖命爲之傳且謂之曰額森布哈舊臣子孫聞習典故爾每事問之

必不使爾爲不習也二十三年拜雲南諸路行中書省平章政事時阿孫可馬丁諸蠻夷爲變討平之遂立登雲
等路府州縣六十餘所官其酋長定其貢稅邊境以寧大德二年遷湖廣行省平章爲政明決會汴梁行省有妖

獄飛語連湖廣平章政事劉漢傑右丞燕公楠朝廷詔二人入二人與額森布哈嘗有違言至是急遣使附奏明
其無他二人皆得釋八年遷平章河南行省河決落黎堤督有司備之汴以無患按河渠志大德九年黃河決

成可立興木橋九年進拜湖廣等處行省左丞相至大二年卒天曆二年贈愍陽王諡文貞子五人曰額琳沁
曰圖噶曰塔斯曰齊喇曰阿勒坦事成宗襲長宿衛有旨給傳往侍其父以孝行聞拜海北海南道宣慰使都元

帥時海島生黎叛服不常阿勒坦咸望素著夷人帖服皆願輸貢稅至大二年奔父喪于武昌以哀毀致疾卒天
曆二年追封特進趙壁公中書左丞相諡貞孝

伊奇哩女真人幼穎悟及長以孝友聞事世祖濼邸得備宿衛中統初命參議陝西行院事未幾改行省斷事官
復入宿衛李璵平朝敵選宿衛之事監漢軍伊奇哩監軍於毗陽至元七年命爲監戰以所領軍圍襄陽築一字

堡以張軍勢一時名將案多剽國傑李庭等皆隸麾下攻樊城率其軍先登破之所受賜悉分將士十一年從丞
相巴延次鄧州時糧儲不繼伊奇哩攻江陵龍濟堡得粟萬石衆賴以濟大軍東下宋將夏竦迎戰於陽灤泚

巴延等傳 巴延未至衆欲少俛之伊奇哩曰兵貴神速機不可失宜及其未定而擊之遂直前衝貴軍獲戰船百餘貴敗走十二年攻常州伊奇哩造雲梯繩橋以登遂克之徇下安吉諸州十三年宋降巴延命伊奇哩監守其宮號令嚴肅秋毫無犯入朝錄功遷浙江宣慰使鎮守紹興十九年卒子齊拉莪江東廉訪使托克托淮東宣慰使

鍾溫真定靈壽人初從中書鈺祜祿納罕南征授千戶憲宗征西川溫四月不解甲史天澤言其功帝曰朕所親見也賜名伊克巴圖遷至蘭州奉旨分軍守邏天澤命統四千人警邏釣魚山中統三年李璫叛詔溫以軍討至濟南大軍圍其城賊將乘夜斫營溫力戰卻之至元六年進右衛副都指揮使九年詔統蒙古漢人女真高麗諸步軍渡海征耽羅平之欽定四庫全書 十二年率三衛軍從攻岳州江州皆有功十八年遷江淮行省參知政事統民糴出米二十萬石羅之俄賜常州官田三十頃二十三年陞江浙左丞命以新附漢軍於淮安雲山泉塘立屯田二十八年卒子欽利用監丞釭權茶都運使銓右衛親軍千戶備袁州路判官

欽定續通志

卷四百七十四

列傳

四

王馨 王鵬 高鳴 李冶 李昶 劉肅 王思廉 李謙 徐世隆 孟祺 閔復

王馨字文炳廣平永年人父禧金末入射佐軍興補進義副尉國兵破永年將屠其城禧復馨家貴以助軍費蒙賴以免金人遷汴乃舉家南渡河居汝之魯山馨年方冠從麻九疇學于鄆城正大四年擢經義進士第授歸德府錦州判官不赴及河南被兵避難轉入淮襄間襄陽兵變乃北歸至洛會楊惟中被旨招集儒士得馨深禮遇之遂寓河內東平總管嚴實興學養士迎馨為師受業者常數百人中統元年即拜益都等路宣撫副使頃之以疾免李瓊素重馨以禮延致馨亦樂青州風土乃買田河河上題其居曰鹿庵有終焉之意及瓊謀不軌馨覺之脫身入京師因侍臣以聞世祖即日召見嘉其誠節撫勞甚厚瓊據濟南大軍討之帝命馨參議行臺事瓊平召拜翰林直學士同修國史

世宗錄天爵文類王舒以金有天下凡九帝共一百二十年其守成之善若莫如大德治臨本傳 出為真定順德等路宣慰使時蝗起真定朝廷遣使者督捕役夫四萬人以為不足欲牒鄰道助之馨曰四萬人多矣何煩他郡使者怒責馨狀期三日盡捕蝗蟲不為動親率役夫走田間設法捕之三日而蝗盡滅使者驚以為神復入翰林為學士入謁宰相首言方今害民之吏轉運司為甚至稅人白骨宜罷去之以蘇民力由是運司遂罷阿哈瑪特諷大臣請合中書尚書兩省為一拜右丞相安圖為三公陰欲奪其政柄有詔會議警言合兩省為一而以右丞相總之實便不然則宜仍舊三公既不預政事虛設何為議遂沮

按阿哈瑪特傳

欽定續通志 卷四百七十五 列傳

書者以阿哈瑪特平李倫會事九年併尚書省入中書省以阿哈瑪特為中書省平李致選太常少卿時宮闕未建朝儀未立凡遇稱賀臣庶雜至殿殿前直擾不能禁馨上疏曰按舊制天子宮門不應入而入者謂之闕入闕入之罪由第一門至第三門輕重有差宜令官徵院籍百官姓名各依班序聽通事舍人傳呼贊引然後進其越次者殿中司糾察定罰不應入而入者準闕入罪庶朝廷之禮漸可整肅於是儀制始定曲阜孔子廟歷代給民百戶以供灑掃復其家至是尚書省以括戶之故盡收為民警言林廟戶百家歲賦鈔不過六百貫僅比六品官終年俸耳聖朝號宇萬里財賦歲億萬計豈愛一大品官俸不以待孔子哉且於府庫所益無多其損國體甚大時論避之馨嘗於會議之際數言前代用人二十從政七十致仕所以資其財力閱其衰老養其廉恥之心也今入仕者不限年而老病者不能退彼既不自知恥朝廷亦不以為非甚不可也至是引年乞致仕帝遣使諭之曰卿年雖老非任劇務何以辭為馨不得已復起時方伐宋凡帷幄謀議有未決而遣使問之所陳每稱上意帝將用兵日本問以便宜警言方伐宋當用吾全力庶可一舉取之若復分兵島夷恐曠日持久功卒難成江南既下馨上疏言宜發禁軍士選擇官吏賞功罰罪推廣恩信所以撫安新附銷弭寇盜其言要切皆見施行朝議

汰冗官權近以按察司不便併省之馨奏曰各路州郡去京師遠違貪官汙吏侵害小民無所控告惟賴按察司為之申理若指為冗官一例罷去則小民寃死而無所訴矣由是按察司得不罷朝廷錄平宋功遷至宰相執政者二十餘人因議更定官制馨奏曰歷代制度有官品有爵號有職位官爵所以示榮寵職位所以委事權臣下有功有勞隨其大小酬以官爵有才有能稱其所堪處以職位此人君御下之術也臣以為有功者宜加擢散官或賜五等爵號不宜任以職位日本之役師行有期馨入諫曰日本小東海道險遠勝之則不武不勝則損威

臣以爲勿伐使帝震怒謂非所宜言且曰此在吾國法言者不赦汝豈有他心耶對曰臣赤心爲國故敢言且臣年已八十無子他心欲何爲耶明日帝遣侍臣溫言慰撫譬以年老累乞骸骨詔致仕仍給半俸終身其婿著作郎李穉賓爲東平判官以便養鑿資性剛方不妄言笑每奏對必以正不肯阿順帝嘗以古直稱之阿哈瑪特方得權欲重幣求碑文對弗與所薦士皆爲名臣年九十二卒封洛國公諡文忠

王鵬字百一曹州東明人金正天元年中進士第一授應奉翰林文字金主遷蔡詔尙書省移書恆山公武仙進兵金主覽書問誰爲之省承以鵬對曰朕即位時狀元耶召見惜擢用之晚授尙書省右司郎中蔡昭將被殺萬戶張柔聞其名救之歸館于保州世祖在藩邸訪求遺逸士遣使聘之及至使者數輩迎勞召對進講孝經書易及齊家治國之道世祖曰我雖未能削行汝言安知異日不能行之耶歲餘乞還仍命近侍庫庫等五人從之學繼命徙居大都嘗因問諸曰天兵克蔡金主自經其奉御經寶焚汝水之傍禮爲舊君有服願往葬蔡世祖義而許之庚申世祖即位首授翰林學士承旨制誥典章皆所裁定至元年奏言自古帝王得失興廢可考者以有史在也國家以神武定四方天戈所臨無不臣服皆出太祖皇帝廟謨雄斷所致若不乘時紀錄竊恐久而遺亡宜置局纂就實錄附修遼金二史又言唐太宗始定天下置弘文館學士十八人宋太宗承開創之後設內外學士院史册爛然統稱文治堂堂國朝豈無英才如唐宋者乎皆從之由是始立翰林學士院鵬遂薦李冶李昉王鵬徐世隆高鳴爲學士治李璣名臣言行錄云錫勳克坦公偉器學煥學士楊元壽學士楊紹元學士朱及召而卒學士張道元及當時鴻儒孟詵劉復劉岳所爲載本傳前錄復奏立十道提舉學校官有言事者謂字執非其人詔儒臣廷議可任宰相者時阿哈瑪特巧佞欲乘隙取相位衆知其非莫敢言鵬奮然擲筆曰吾以衰老之年無可報國卽欲

欽定續通志 卷四百七十五 列傳

舉任此人爲相吾不能插驢尾矣振袖而起奏計爲之中止五年乞致仕詔有司歲給廩祿有大事則遣使就問之十年卒諡文康鵬性樂易爲文章不事雕飾嘗曰學者當以窮理爲先分章析句乃經生墨子之業非爲己之學也著論語集義一卷汝南遺事二卷詩文四十卷名曰應物集

高鳴字雄飛真定人少以文學知名諸王錫里庫將征西域聞其賢遣使者三輩召之鳴乃起爲王陳西征二十餘策王數稱善薦爲彰德路總管世祖即位授翰林學士兼太常少卿至元五年立御史臺以鳴爲侍御史風紀條章多所裁定天下初定中書樞密事多壅滯言者請置督事官各二人鳴曰官得人自無滯政臣職在奉憲願舉察之母爲員外置人也七年議立三省鳴上封事曰臣聞三省設自近古其法由中書出政移門下議不合則有駁正或封還詔書議合則還移中書中書移尙書尙書乃下六部郡國方今天下大於古而事益繁取決一省猶曰有壅況三省乎且多置官者求免失政也但使賢倭萃於一堂連署參決自免失政豈必別官異坐乎不如一省便世祖深然之議遂罷川陝盜起省臣患之請專戮其尤者以止盜朝議將從之鳴諫曰制今天下上死囚必待論報所以重用刑惜民生也今從其請是閉天下擅殺之路害仁政甚大世祖令速止之鳴每以政言被上知嘗入內值大風雪帝謂御史大夫塔齊爾曰高學士年老後有大政就問可也九年遷吏禮部尙書十一年病卒年六十六諡文獻

李冶字仁卿真定樂城人登進士第辟知鈞州事命亡治微服北渡流落忻州問世祖在澤邨聞其賢遣使召之既至問河南居官者孰賢對曰險夷一節惟完顏仲德耳又問魏徵曹彬何如對曰徵忠言讜論知無不言以唐神臣魏之徵爲第一彬伐江南未嘗妄殺一人擬之方叔召虎可也又問今之臣有如魏徵者乎對曰今以側媚

成風欲求發微之實賢難其人又問今之人材賢否對曰天下未嘗乏材求則得之理勢然也今儒生如魏璠王
鵬李獻卿蘭光庭趙復郝經王博文輩皆有用之才又皆賢王所嘗聘問者舉而用之何所不可但恐用之不盡
耳又問天下當何以治之對曰爲治之道立法度正紀綱而已紀綱者上下相維持法度者賞罰示懲勸今則大
官小吏下至編氓皆自縱恣以私害公是無法度也有功未必賞有罪未必罰甚則有功者或被辱有罪者反獲
寵是無法度也法度廢紀綱壞天下不變亂已爲幸矣又問昨地震何如對曰天裂爲陽不足地震爲陰有餘夫
地道陰也陰太盛則變常今之地震或姦邪在側或女謁盛行或讒惡交至或刑罰失中或征伐驟舉五者必有
一於此矣夫天之愛君如愛子故示此以警之苟能上當天心下協人意則可轉咎爲休矣世祖嘉納之治晚家
元氏賈田封龍山下及世祖即位復聘之欲處以清要治以老病懇還山至元二年再以學士召就職尋辭去卒
于家所著有敬齋文集四十卷壁書彙削十二卷泛說四十卷古今難四十卷測圓鏡海十二卷益古衍疑三十

卷
李昶字士都東平須城人父世嗣從外家受孫明復春秋得其宗旨年十六已能爲程文興定二年廷試父子
同以春秋中進士第褒貶各異時人比之向歆昶釋褐授孟州溫縣丞國兵下河南奉親還鄉里行臺嚴實辟爲
都事實卒子忠濟嗣還昶爲經歷時朝廷裁抑諸侯法制寢密忠濟繕修自昶以親老求解不許俄以父憂去
官杜門教授一時名士李謙馬紹吳衍輩皆出其門世祖伐宋次濮州聞昶名召見問治國用兵之要昶上疏論
治國則以用賢立法務本清源爲對論用兵則以伐罪救民不嗜殺爲對世祖嘉納之及即位召至開平訪以國
事昶知無不言時需煩重行省科稅賦雖逋戶不貸昶移書時相曰百姓困於弊政久矣聖上龍飛首頒明詔
欽定續通志 卷四百七十五 列傳

天下之人如獲更生拭目傾耳以俟太平半年之間人漸失望良以渴仰之心太切興除之政未孚故也側聞欲
據丁巳月籍科徵租稅比之見戶或加多十六七比驗見戶應輸猶恐不逮復令包補逃故必致艱難苟不以撫
字安集爲心惟事倣儗則諸人皆能之豈聖上擢賢更化之意哉於是省府爲蠲逋戶之賦中統二年內難平昶
上表贊因進諷諫曰患難所以存戒微禍亂將以開聖明伏願日新其德雖休勿休安不忘危治不忘亂恆以北
征宵旰之勤永爲南面逸豫之戒帝稱善久之會嚴忠濟罷以其弟忠範代忠範表請昶帥事之特授翰林侍講
學士行東平路總管軍民同議官昶修十二事剷除宿弊按嚴天醫名臣事略云朝議令老疾輪賦上書曰聖
所以示信也元此稱謂條十二事此其一歟至元元年遷轉之制行減併路府州縣官員於是謝事家居五年
起爲吏禮部尚書品格條式選舉禮文之事多所裁定凡議大政宰相延置上座傾聽其說六年姦臣阿哈瑪特
議陞制國用使司爲尚書省昶請老以歸八年授山東東西道提刑按察使務持大體不事苛細未幾致仕二十
六年卒昶嘗集春秋諸家之說折衷之曰春秋左氏遺意二十卷取孟子新舊說矛盾者參考歸一附以己見爲
孟子權衡遺說五卷

劉肅字才卿威州洛水人金興定二年詞賦進士嘗爲尚書省令史調新蔡令先時縣賦民以牛多寡爲差民匿
不耕肅至命樹畜繁者不加賦民遂殷富瀕淮民有竄入宋境籍爲兵而優其糧問有歸者頗艱於衣食時出怨
言曰不如渡淮告者以謀叛論肅曰淮限宋境一水耳果欲叛不難往也口雖言而心無實準律當杖八十奏可
繼擢戶部主事金亡依東平嚴實辟行尚書省左司員外郎東平歲賦絲銀復輸絹十萬兩色絹萬疋民不能堪
肅贊資奏罷之世祖居潛邸以肅爲邢州安撫使肅興鐵冶及行楮幣公私賴焉中統元年擢眞定宣撫使時中

統新鈔行罷銀不用公私竊然莫知所措肅建三策一曰仍用舊鈔二曰新舊兼用三曰官以新鈔如數易舊鈔中書從其第三策遂鈔鈔五十萬貫二年授左三部尚書官曹典憲多所議定未幾兼商議中書省事以年老致仕四年卒肅性舒緩有執守嘗集諸家易說曰讀易備忘追贈刑國公諡文獻子憲禮部侍郎彞

王思廉字仲常真定獲鹿人幼師太原元好問既冠張德輝

原非張德輝傳改正宣撫河東辟掌書記復謝歸至元十年董文忠薦之世祖問曰汝何由知王思廉賢對曰鄉人之善者稱之也召見授符寶局掌書十四年遷翰林待制嘗進讀通鑑至唐太宗有殺魏徵語及長孫皇后進諫事命內官引至皇后閣講衍其說每待讀必命諸大臣咸聽授為帝嘗御延春閣大賚羣臣俾十人爲列以進思廉偶在衛士之列帝責董文忠曰思廉儒臣豈宜列衛士十九年帝幸白海時千戶王著矯殺奸臣阿哈瑪特於大都避連樞密副使張易帝召思廉至行殿屏左右

問曰張易反若知之乎對曰未也帝曰反已反已何未也思廉徐奏曰僭號改元謂之反亡入他國謂之叛羣聚山林賊害民物謂之亂張易之事臣實未之詳也帝曰朕往者有問於寶默其應如響蓋心口不相違故不思而得朕今有問汝能然乎且張易所爲張仲謙知之否思廉即對曰仲謙不知帝曰何以明之對曰二人不相安臣故知其不知也思廉以儒素進帝嘗注優渥裕宗居東宮思廉進曰殿下中宜建學官俾左右近侍嘗親正學必能裨輔明德裕宗然之二十三年改同知大都留守藩王納顏叛帝親征思廉謂留守段貞曰藩王反側地大故也漢鼂錯削地之策實爲良圖貞帝以聞帝曰汝何能出是言貞以思廉對帝嘉之大德元年遷翰林學士以病歸三年起爲工部尚書拜征東行省參政十一年授太子賓客旋以翰林學士承旨致仕延祐七年卒封恆欽定續通志卷四百七十五列傳四

山郡公諡文恭

李謙字受益郡之東阿人始歲學日記數千言爲賦有聲與徐世隆孟祺閻復齊名教授東平時教授無俸郡斂儒戶銀百兩備束修謙辭曰家幸非其貧豈可聚貨以自殖乎翰林學士王磐以謙名聞召爲應奉翰林文字至元十八年陞太子左諭德待裕宗於東宮陳十事曰正心陸親崇儉幾諫戡兵親賢尚文定律正名革弊裕宗薨又命傅成宗於潛邸所至以謙自隨轉侍讀學士二十六年以足疾辭歸大德六年召爲翰林承旨尋引年致仕仁宗即位召十六人謙居其首按綱目載至大四年召先朝舊臣知政略者老臣程瑄飛置士選李謙張律與人詔與同議庶政詳前文至行在疏言九事曰正心術以正百官崇孝治以先天下選賢能以居輔相之位廣視聽以通上下之情恤貧乏以重邦家之本課農桑以豐衣食之源興學校以廣人材之路頒律令使民不犯練士卒居安慮危至於振綱紀綱糾察內外臺憲之官尤當選素著清望深明治體不事苛細者爲之帝嘉納焉選集賢大學士歸卒于家謙文章醇厚有古風不尚浮巧學者宗之號野齋先生子偏官至大名路總管

徐世隆字威卿陳州西華人金正大四進士辟爲令其父戒之曰汝年少學未至毋急仕進俟三十八入官未晚也世隆遂辭官益篤于學明習前代典故尤精律令父歿奉母北渡河嚴買招致東平蔡府傅寧書記世隆勸實

收養寒素一時名士多歸之世祖在潛邸召見于日月山時方圖征雲南以問世隆對曰君人者不嗜殺人天下

可定況冀爾之西南夷乎世祖曰誠如卿言吾事濟矣實時得金太常登歌樂世祖遣使取觀世隆典領以行

徐世隆字威卿陳州西華人金正大四進士辟爲令其父戒之曰汝年少學未至毋急仕進俟三十八入官未晚也世隆遂辭官益篤于學明習前代典故尤精律令父歿奉母北渡河嚴買招致東平蔡府傅寧書記世隆勸實收養寒素一時名士多歸之世祖在潛邸召見于日月山時方圖征雲南以問世隆對曰君人者不嗜殺人天下可定況冀爾之西南夷乎世祖曰誠如卿言吾事濟矣實時得金太常登歌樂世祖遣使取觀世隆典領以行

老中統元年擢燕京等路宣撫使中書省檄諸路養蒸衛馮馬以萬計吏白軍需實重宜先戒備世隆曰國馬牧

樂志載宗二年命東平萬戶嚴忠立局肆買五月召太常禮樂人赴日月山學士既見世祖勸留之辭以母

於北方往年無餉於南者上新臨天下京畿根本地煩擾之事必不爲之馬將不來遂弗爲備馬果不至三年官撫司罷世隆還東平請增宮縣大樂文武一舞令蓄工教習以備大祀可除世隆太常卿以肇之禮樂志作勳太常少卿王

降進讀朕將敬聽之書成帝命翰林譚寫以進至元年潮翰林侍講學士兼太常卿朝廷大政諮詢而後行世隆奏事之大者首惟祭祀必有廟因以圖上乞教有司以時興建從之踰年而廟成遂迎祖宗神御奉安太室

行大饗禮帝悅俄兼戶部侍郎承詔議立三省遂定內外官制又奏定百官朝會儀七年遷吏部尚書撰選曹八議九年乞補外授東昌路總管至郡事務以德率下不事鉅吏不忍欺民亦化服十四年爲山東提刑按察使

時有妖言獄逮捕數百人世隆剖析誣誤者十八九悉縱遣之尋移淮東有告宋將許璉匿官庫財物有司追繫其妻世隆曰瓊所匿者故宋之物豈得與今盜官財者同論抗章辯白行臺是之釋不問十七年召爲翰林學士以疾辭二十二年安圖再入相言世隆雖老尙可用遣使徵之不至附奏便宜九事尋卒有瀛洲集百卷文集

若干卷

孟祺字德卿宿州符離人幼敏悟早知問學侍父徙居東平時嚴實修學校招生徒立考試法祺就試登上選辟掌書記廉希憲宋子貞皆器遇之以聞于朝擢國史院編修官遷應奉翰林文字至元七年持節使高麗還稱旨

十二年丞相巴延伐宋詔選宿望博學可贊書大計者與俱行遂授祺行省諮議時軍書填塞祺劾割決略無凝滯及戰焦山宋軍下流祺曰不若乘勢速進以奪彼氣如其言遂大破之巴延喜曰不意書生乃知兵若是諸將利劫掠爭趨臨安巴延問計祺對曰若以兵相迫彼必竄聞一旦盜起臨安三百年之積焚蕩無遺矣莫若以

欽定續通志 卷四百七十五 列傳 五

計安之令彼不懼正如取果稍待時日耳巴延然其言乃草書遣人至臨安以安輯之宋乃不復議遷闕歐宋史

三夜夜三鼓議未決祺正色曰國勢至此夫復何待遂定議書成宋謝太后內批用寶搗之以出復啟太后於內殿取國璽十二枚出巴延將親封之祺止之曰管鑰自有主者非所宜親一有不謹恐異時姦人妄相染汗終不可白遂止江南平巴延奏祺前後功多且言祺可在重臣授嘉興路總管祺至首以興學爲務創立規制在官未

久以疾歸東平十八年卒贈魯郡公諡文襄子二人遵遁

閻復字子靖其先平陽和州人祖衍仕金歿王事父忠避兵山東之高唐遂家焉復弱冠入東平學師事名儒康煜時嚴實領東平行臺招諸生肄進士業迎元好問校試其文預選者四人復爲首辟掌書記至元八年王磐薦

爲翰林應奉以才選充會同館副使扈駕上京賦應制詩寓規諷意世祖顧和爾果斯曰有才如此何可不用十四年出兗河北河南道提刑按察司事十六年入爲翰林學士以州郡校官多不職建議定銓選之法二十八年

尚書省罷復立中書省帝急於擇相一日召入便殿諭之曰朕欲命卿執政何如復謝不足勝任帝謂侍臣曰書生識義理存謙讓是也勿強乃改授浙西道肅政廉訪使先是僧格嘗國管有旨命翰林撰僧格碑僧格既

定釋莫雅樂又言曲阜守塚戶不宜聽有司併入民籍其後詔賜孔林灑掃二十八戶祀田五千畝皆復之請也三年因星變又上疏言定律令頒封贈增俸給通調內外官且曰古者刑不上大夫今郡守以微租受杖非所以

厲廉隔江南公田租重宜減以貸貧民後多采用大德四皇帝召復至榻前密諭之曰中書庶務繁重互相難其

人卿爲朕舉所知以哈喇哈斯對帝大喜卽命入相按哈喇哈斯傳入相在二年本傳載在四年五月哈復亦拜翰林學士承旨復首陳三事曰惜名器明賞罰擇人材言皆剴切未幾遙授平章政事復力辭不許上疏乞骸骨從之皇慶元年卒諡文康有靖軒集五十卷

欽定續通志

卷四百七十五

列傳

六

楊大淵 字安 李呼喇濟 李庭 史弼 高興 劉國傑

楊大淵天水人與兄大全弟大楮皆在宋大淵總兵守蘭州歲戊午憲宗兵至蘭州之大獲山遣宋降臣王仲入招大淵大淵殺之憲宗怒督諸軍力攻大淵懼遂以城降憲宗命誅之汪特格諫止乃免命以其兵從招降達廣安諸郡進攻釣魚山拜侍郎都行省悉以平蜀之寄委之世祖中統元年詔遣兵進攻禮義城掠其饋運獲總管黃文才等以歸二年調兵出通川與宋將鮮茶戰獲統制白繼源三年出開遠與宋兵戰于平田復戰于巴渠擒其知軍范燮統制魏興等先是大淵建言謂吳必先取蜀取蜀必先據夔乃遣兄子文安攻宋巴渠至萬安寨守將盧植降復使文安相慶遠要衝城蟠龍山四面巖阻可以進攻退守城未畢宋夔路提刑鄧子發率兵來爭文安悉力備禦大淵遣文仲往援宋兵宵遁詔以大淵麾下將士有功賜給海青符二俾事亟則馳以聞大淵請於利州大安軍以鹽易軍糧從之入覲拜東川都元帥俾與征南都元帥奇徹同署事大淵還復於渠江滬築虎嘯城以逼宋大良城不踰時而就四年宋賈似道遣楊珣空名告身及蠟書金幣誘大淵南歸文安擒之以聞詔誅珣至元年大淵謀知宋總統祁昌由閬運糧入得漢城并欲遷其郡守向良及官吏親屬於內地乃自率軍掩襲遇之于椒坪連戰三日擒祁昌俘獲無算宋都統張思廣引兵來援復大破之二年大淵遣文安以向良等家人往招得漢城未下而卒八年追封閬中郡公諡肅翼子文察魁兄子文安

欽定續通志

卷四百七十六

列傳

文安字泰叔父大全任宋守敘州以戰死官其長子文仲文安依大淵于蘭州戊午大淵降授侍郎都行省文仲亦授安撫使中統元年授文安監軍三年以功遷開遠忠萬梁山等處招討使佐文淵城蟠龍山築虎嘯城至元年宋兵攻蟠龍大戰敗之文安擒總將陳茂復築方斗城為蟠龍聲援宋兵攻潼川文安赴援敗宋師于射洪之納廟宋總統祁昌以重兵運糧師得漢城且遷其官屬於內地大淵命文安邀擊之獲祁昌俘得漢守臣向良家屬以招良良以城降攻宋甯遠等州擒其統制張顯總管伏林宋兵由開州運糧餉遠文安率奇兵間道邀擊之獲總管方富攻奪宋金州斷虎隘殺其將梁富擒路鈞趙貴等三年與千戶李吉等略開州之大通獲統制陳德等總帥汪惟正遣其將李木波等由間道襲開州文安遣千戶王福引兵助之福先登破其城宋將龐彥海投崖死擒將劉安仁留兵戍其地宋諸路兵來救四年文安率兵斷其糧道宋兵戰甚力飛矢中文安面拔矢力戰大破之殺其將張德等五年文仲卒詔文安充蘭州夔東路安撫使軍民元帥閬州累遣兵變戶口凋耗文安教以耕桑蠲寡不能自存願相配偶者併為一戶充役民始復業遣千戶馬才張琪略達州擒宋將范仲王德解明等六年遣蔡邦光李吉稽承興略達州之朱師鄧市擒總管周德新裨將王遷又遣把總王顯略達州之泥瀾總管張威遣兵掠大寧之曲水擒副將王仁七年從嚴密省攻重慶大戰于龍坎敗宋兵攻錫鐵寨擒其將袁宜何世賢等攻達州之聖耳城擒宋將楊普時安其禾而還又遣元帥蔡邦光略開州擒宋將陳俊八年春遣蔡邦光攻達州戰于聖耳城下擒其將蒲桂又戰開州之沙平擒其將王順宋朱禛孫帥蜀數遣間諜動搖人心文安屢獲其諜蘭州竟無虞遣千戶稽承興攻開州戰于平燭曲水擒總管王道等軍還擢東川路征南招討使九年領軍出小寧措置屯田遣韓福攻達州九軍山擒宋將張俊遣元帥蔡邦光會達州兵邀宋師于永睦戰勝

之復遣稽承 楊彬破聖耳外城獲寨主楊桂築金邊城以積屯田之糧且以邇宋龍爪城唐宋兵來爭遣韓福
出兵通川奉制之與宋兵遇于鏈耳山敗之俘總管蔡雲龍等出達州牛門斷宋兵回路擒總管李俊李德宋兵
輸糧達州遣兵于盧灘峽邀擊之擒統制孫聰張順等遣元帥李吉略開州戰于瀉油坡擒其提舉李貴及石筭
寨主雍德宋兵復由羅頂山輸糧開達遣蔡邦光李吉伏兵邀之擒裨將吳金等覆其糧船達州兵攻拔龍爪城
東川統軍司文安兼領之時達州兵已去宋都統趙章復據之且出兵迎敵文安與戰破之擒總管王元而還
宋都統國寶監軍張應庚運糧于達州文安邀之于瀉油坡奪其糧并擒二將宋開州守將解汝忠邀遮歸路
與戰敗之獲總轄秦興祖譚友孫十一年文安率軍屯屯小寧得俘者言解汝忠等將取蟠龍之麥卽遣千戶王新
德楊彬等散掠宋境文安自戍蟠龍以備之李吉略由山擒其將葉勝遣蔡邦光楊彬掠竹山寨擒其將鄭桂莊
俊攻宋夔東拔高陽慶巫等寨擒守將嚴實世忠趙興因跨江爲橋還宋兵往來之路還攻牛頭城以火箭焚
其官舍民居遣蔡邦光略九君山擒其將孫德柳榮趙威時宋以解汝忠趙章易鎮開達二州汝忠家屬尚留開
文安曰達未易攻若先拔開州俘其家屬以招汝忠則達可不煩兵而下矣乃遣蔡邦光率千戶呼延順等往攻
開州而盛兵駐蟠龍以爲援十二年諸軍夜衝汝城遣死士先奪斬關以入宋軍潰散擒趙章及守將韓明
父子文安遷汝忠家屬于蟠龍遣元帥王師能持檄往達州招之汝忠率所部詣文安軍門降悉還其妻孥財物
趙章子桂楫守師姑城遣兵招之亦降洋州龍爪城守將謝益固守併力攻之擒統制王慶益棄城走復遣元帥
李吉稽承興千戶王新德等將兵以解汝忠往招由山等處八城尋遣兒子應之往招都勝茂竹廣福三城皆降
之進攻梁山宋將袁世安堅守文安焚其外城拔忠勝軍殺守將王智擒都轄景福移兵攻牛頭城殺守將何威

欽定續通志 卷四百二十六 列傳

遷其民進圍萬州守將上官夔戰守甚力文安解圍去攻石城堡諭降守將譚汝和又招降雞冠石馬三聖由木
牟家下隘等城進圍白帝城夔帥張起巖堅守不出文安以師老乃還宋都統尤德復據開州文安築城神山山
以邇之十三年朝廷遣安西王相李德輝經書東川宋梁山守將袁世安遣使約降文安以白德輝德輝卽遣文
安將兵招之世安遂降復進軍攻萬州遣徐政諭守臣上官夔降夔不從夔帥張起巖來救遣鎮撫彭福壽擊破
之盡殺其舟師俘其將宋明萬州奪氣文安悉力攻城夔巷戰死遣使招鐵鑿三寶兩城守將楊宜黎拱辰除分
兵略施州擒統制薛忠殺守帥何良奪其城十四年進攻咸清府擒其守馬堃十五年攻紹慶守將鮮龍迎敵兵
敗擒蜀境已定獨夔堅守不下朝廷命荆湖都元帥達海由巫峽進兵西川僉院狹夔守將親屬往招之文安
遣元帥王師能將舟師與俱張起巖遂以城降入覲文安以所得城邑繪圖獻之帝勞之曰汝攻城略地之功何
若是多也擢四川南道宣慰使十七年諭降散毛諸洞蠻授文安參知政事行四川南道宣慰使十九年進中
書丞行江西省事到官踰月卒子良之襲

李呼喇濟一名庭玉隴西人父節仕金歲乙未自鞏昌石門山從汪世顯以城降呼喇濟隸皇子奎騰爲質子從

征西川累功爲管軍千戶都總領佐汪德臣按元史作汪惟正誤今據汪德臣傳改正立利州乙卯將兵三萬取合江大獲山宋劉都

統率衆謀焚利州沙市次青山呼喇濟設伏取之俘獲甚衆戊午以兵趨劍門胡伺宋兵運糧於長寧追至運曲

壩奪之憲宗南征呼喇濟掌橋道饋餉事從攻苦竹隘山寨先登斬守將楊立獲都統張寶招降長寧青居大獲

山運山龍州等寨大獲山守臣楊大淵納款已而逃歸憲宗怒將屠其城德臣謂呼喇濟曰大淵之去事頗難測

亟追之適驛騎至城下大呼入城曰皇帝使我來撫汝軍民一本引入甲士環立呼喇濟下馬執大淵手謂之曰

上方宣諭賜賞不待而回何也大淵曰誠不知國朝禮法且久出恐城寨有他變是以亟請遂與偕來一軍皆
呼喇濟入奏憲宗曰楊安探及乎對曰無也憲宗曰汝何以知之對曰軍馬整肅防內亂也城門不閉無他心也
一聞臣言卽撫綏軍民從臣以出以是知之憲宗曰汝不懼乎對曰臣恐上勞聖慮下苦諸軍又爲一郡生靈命
脈所寄故不知其懼憲宗悅後大淵故官已未總帥江德臣沒于軍命呼喇濟以其軍廢後宋兵水陸晝夜接戰
皆敗之部軍皆青居人賞賚獨厚遂與富察都元帥守青居治城壁備芻糧招納降附宗王穆格承制命呼喇濟
爲章昌元帥中統元年瑯塔哈據大盤山以叛世祖遣呼喇濟從汪良臣進討力戰殺瑯塔哈等於陣二年授章
昌後元帥輝圖叛遁入西蕃從宗王追襲擒之四年詔賜虎符呼喇濟不受對曰臣聞國制將萬軍佩虎符若汪
氏將萬軍已佩之臣何可復佩帝命於總帥汪惟正下充章昌路元帥所屬官悉聽節制達吉叛於西蕃呼喇濟
以千騎往執之至元元年入覲命與汪良臣還蜀守青居六年授夔夔路招討使立章廣平山寨置屯田出兵以
絕大梁平山兩道十年成都失利帝遣人問所以失之之故及今措置之方呼喇濟附奏曰初立成都惟建子城
軍民止於外城別無城壁宋軍乘虛來攻失於不備軍官皆年少不經事之人以此失利四川地廣人稀宜修置
城寨以備不虞選任材智廣畜軍儲最爲急務今蒙古漢軍多非正身半以驅奴代宜嚴禁之所謂修築城寨練
習軍馬措置屯田規運糧餉創造舟楫完繕軍器六者不可闕一又當任賢達讓信賞必罰修內治外戰勝攻取
選用良將隨機應變則邊疆無虞矣尋將兵赴成都與察克布哈同權省事已復還守章廣平山寨前後七年每
戰輒勝十四年授延安路管軍招討使十五年圖爾叛于大盤山呼喇濟以本路軍會巴爾斯台趙炳及總帥府
兵于大盤山敗之于武川俘其孳還授四川北道宣慰使二十年改四川南道宣慰使時思播以南施黔鼎豐辰

欽定續通志 卷四百七十六 列傳

沅之界蠻獠叛服不常二十二年詔四川行省討之參政奇爾濟蘇左丞汪惟正一軍出黔中僉省巴拜一軍出
思播都元帥托察一軍出澧州呼喇濟一軍自夔門會合諸將鑿山開道綿互千里諸蠻迎敵者盡殺之遺諭其
酋長率眾來降獨散毛洞覃順走避富谷力屈始降二十三年以老病乞歸帝憫之得還章昌元貞一年入覲授
陝西行省右丞議本省公事卒諡襄敏

李庭小字勞山本金人富察氏家於濟陰後徙壽光至元六年以材武選隸軍籍權管軍千戶從伐宋襄陽守將
呂文煥以萬五千人來攻萬山堡萬戶張弘範方與接戰庭軍騎橫槍入陣殺二人槍折倒持回擊一人墜馬庭
亦被二槍復奪後軍槍力戰敗之九年進攻襄陽東堡焚其樓破一宇城十年大軍攻樊城庭運薪芻土牛填城
壕立雲梯層中礮墜城下裏創再登殺獲甚多樊城破襄陽降以功授管軍總管十一年從巴延發襄陽次鄂州
鄂在漢水東宋人復於漢水西築新鄂按巴延發水南鄂州二百里鄂在襄水以遏我軍庭與劉國傑
攻黃家灣堡拔之盪舟由藤湖入漢攻沙洋新城礮傷左脅破其外堡復中礮墜城下矢貫胸氣垂絕巴延命剖
水牛腹納其中良久乃甦授益都新軍萬戶師次漢口宋將夏竦戰艦橫截江面軍不得進乃用庭及馬福計
由沙蕪口入江武磯堡四面皆水庭決其水攻之大軍渡江武磯堡亦破遂從阿珠轉戰至鄂州順流而東十二
年與宋將孫虎臣戰于家洲奪船二十餘宋軍潰宋兵斷貞州江路庭焚其船繫斬其護岸軍聞夏貴欲由太湖
接臨安亟出兵戰戰裕溪口敗之諸軍攻常州庭鏖戰奪北門入十三年至臨安宋主降巴延命庭等護其內城
收集符印珍寶仍令庭與唐古特等防護宋主赴燕世祖嘉其勞有旨汝在江南多出死力男兒立功要在西北
上也今有違我太祖成憲者汝其往征之加漢軍都元帥庭至哈喇和琳鴻和爾之地越嶺北與色塔默諸軍大

戰敗之移軍河西擊走叛臣和和迫至大嶺而還諸王錫里濟托克托穆爾反庭襲獲之啟皇子特伯特穆爾賜之死復引兵會諸王納爾珠塔密爾河擊走其餘黨河西悉平十四年入朝賜益都居第軍河官莊拜福建行省參知政事十九年授中書左丞東征日本十八年軍次竹島遇風船盡壞庭抱壞船板漂流抵岸下收餘眾由高麗還京師士卒存者十一二繼以父歿歸益都二十四年宗王納顏拔驛召至上都統諸衛漢軍從帝親征塔布岱金嘉努來拒戰眾號十萬帝親臨諸軍圍之庭謂阿蘇軍繼進流矢中胸貫脅裏創復戰帝遣止之乃已令軍中衛百騎候敵列陣百騎齊發乃不復出庭策納顏必遁乃引壯士十人持火礮夜入其陣敵發驚潰帝問何以知之庭曰其兵雖多無紀律見車駕駐此而不戰必疑有大軍在後是以知其將遁帝大喜命庭將漢軍與阿爾賽將蒙古軍並進遂擒納顏帝南還庭又親獲塔布岱金嘉努以功遙授中書省左丞二十五年納顏餘黨哈坦多羅干復叛於遼東詔庭討之大小數十戰弗克整軍再戰流矢中左脅及右股追至一大河選銳卒潛潛火礮夜汴上流發之馬皆驚走大軍潛於下流畢渡天明進戰其眾無馬遂敗走坦多羅干走高麗死進尚書左丞商議樞密院事庭因奏今漢軍之力困於北征若依江南軍每歲二八放散以次番上甚便帝可其奏著為令宗王海都犯邊帝命阿爾賽與庭議所以為備庭請下括馬之令凡得馬十一萬匹軍中賴其用拜平章政事商議樞密院事成宗即位眷遇尤至武宗出鎮北邊庭請從行成宗憫其老不許繼奉旨北征輝圖至野馬川而還俄有中使傳旨拘漢軍馬以濟北軍且令焚其鞍轡行糧諸物庭從至上都大德八年卒至大二年追封益國公諡武毅子大用以哀毀卒大椿益都新軍萬戶大誠後衛親軍都指揮使

史弼字君佐益州博野人曾祖彬有膽勇稱呼兵南下蠡守閉城自守彬謂諸子曰吾所恃者郡守也今葉民欽定續通志 卷四百七十六 列傳

自保吾與其束手以死曷若死中求生乃率鄉人數百家請降穆呼哩書帛為符遣還既而州破獨彬與同降者得免躬長通國語膂力絕人能挽強弓里門鑿石為獅重四百斤弼舉之置數步外潼關守將王彥弼奇其材妻以女又薦其材勇於左丞相耶律鐸鐸從鐸往北京近侍和爾合見弼所挽弓以名問世祖召之試以遠操連發中的令給事左右授管軍總管命從劉整伐宋攻襄樊至元十年諸將分十三道圍樊城弼攻東北隅凡四晝夜破之殺其將牛都統襄陽降上其功升副萬戶從丞相巴延南征攻破沙洋堡至陽羅堡巴延誓眾曰先登南岸者為上功弼率健卒直前宋兵逆戰奮呼擊走之巴延登南岸論弼功第一鄂州平進軍駐瓜洲巴延授弼三千人使立木堡據揚子橋宋將姜才以萬眾乘夜來攻人挾東薪填壘弼戒軍中無譁俟其至下礮木發礮石擊之殺千餘人才敗走十二年才復以兵夜至弼三戰三勝天明才見弼兵少進復圍之騎士挾火槍刺弼揮刀禦之左右皆仆手刃數百人及出國追者尚數百騎弼殿後敵不敢近

此後宋史姜才與才出瓜洲高郵始與才戰弼兵擊才才敗

此五會援兵至大破之才奔泰州守將朱煥以揚州降制授揚州路總管府邊囑囑齊萬戶俄漂黃州等路宣慰使十五年升江淮行中書省參知政事行黃州等路宣慰使盜起淮西司空弼平之十七年平南康都昌盜十九年改浙西宣慰使二十一年黃華反建寧春復霖雨米價湧貴弼即發米十萬石平價糶之而後聞于省省臣欲增其價弼曰吾不可失信靈輟吾俸以足之省不能奪益出十萬石民得不饑改淮東宣慰使二十六年平台州盜楊鎮龍拜尚書左丞入朝時世祖欲征瓜哇謂弼曰諸臣為吾腹心者少欲以瓜哇事付汝對曰陛下命臣臣何敢自愛二十九年拜福建行省平章政事往征瓜哇以伊克默色高興副之弼以五千人合諸軍

大德元年

高麗遣江西兩廣三行省兵二發泉州風急濟浦舟掀簸士卒皆數日不能食過七洲洋萬里石塘蹙交趾占城

界明年至東重董山牛崎喚入混沌大洋橄欖喚假里馬筍句關等山駐兵伐木造小舟以入時瓜哇與佛國
萬耶搆怨瓜哇王哈只葛達那加刺已爲葛耶主哈只葛當所殺其婿土罕必關耶攻哈只葛當不勝退保麻喏
入歇爾那等至遣使以其國山川戶口及葛耶國地圖迎降求救爾與諸將進破葛耶兵哈只葛當走歸國高興
言瓜哇雖降倘中變與葛耶合則孤軍懸絕事不可測爾遂分兵三道攻葛耶至答哈城葛耶兵十餘萬迎敵自
且至午葛耶兵敗入城自守遂圍之哈只葛當出降併取其妻子官屬以歸土罕必關耶乞歸易降表及所藏珍
寶入朝爾與伊克默色許之遺萬戶敦珠下丹甘珠爾布哈以兵二百人護之還國土罕必關耶於道殺二人以
叛乘軍還夾路擄奪爾自斷後且戰且行行三百里得登舟行六十八日夜達泉州士卒死者三千餘人有司數
其俘獲金寶香布等直五十餘萬又以沒理國所上金字表及金銀犀象等物進於是朝廷以其亡失多杖十七
沒家貲三之一元貞年起同知樞密院事阿爾妻孀等以五千人渡海二十五萬里入近代未嘗至之國俘
其王及諭降旁近小國宜加粉憐遂詔以所籍還之拜江西行省右丞三年平章政事加封鄂國公卒於家
高興字功起蔡州人力挽二石弓嘗步嶺南陽山中遇虎跳跟大吼衆皆驚走興神色自若發一矢斃之至元十
一年挾八騎詣黃州謁宋制置陳奕奕使隸麾下且奇其貌以甥女妻之十二年丞相巴延伐宋至黃州興從奕
出降授千戶從破瑞昌之烏石堡張家寨進拔南陵行省上其功世祖命興專將一軍常爲先鋒宋張濡殺使者
嚴忠範等於獨松關巴延使興討之由閩道奪獨松關進至武康擒張濡十三年宋降巴延北還留興以兵取郡
縣之未下者降建德守方回婺州守劉怡衛婺二州已降復叛章靖自爲婺守興以五千人復婺州擒章靖斬之
進薄衢州連破赤山陳家山圍江山縣斬首三千級俘五百人獻魏福興等七人于行省餘盡戮之衢州平追宋

欽定續通志 卷四百七十六 列傳

嗣秀王與釋入閩與釋擄橋隄水南與率奇兵奪橋進戰殺觀察使李世達擒與釋父子及其小王二下興化降
宋參知政事陳文龍龍即不食陳文龍傳知興化軍陳文龍死是未嘗降也本朝設制置印德魯等還管軍萬戶十四年還鎮婺
州充衛戍招討使復從都元帥蒙古台平福建漳州破敵陽寨屠福成寨十五年詔興立行都元帥府於建寧
以鎮之討降叛人黃華高日新高從周等十六年入朝悉獻江南所得珍寶世祖曰卿何不少留對曰臣素貧賤
今幸富貴皆陛下所賜何敢隱俘獲之物帝悅曰直臣也興因奏所部士卒戰功頒賞賞有差遷浙東道宣慰使
討處州福建及溫台海洋羣盜平之十七年漳州盜數萬據高安寨官軍討之久不能下詔以興爲福建征蠻右
副都元帥與都元帥鄂勒哲圖討之直抵其壁賊乘高瞰下擊之興命人挾束薪蔽身進至半山棄薪而退如是
六日誘其矢石殆盡乃燃薪焚其柵遂平之十八年盜陳弔眼聚衆十萬連五十餘寨扼險自固興攻破其十五
寨甲眼走保子壁嶺興上至半山誘與語接其手擊下擒斬之漳州悉平十九年改瀾西道宣慰使降人黃華復
叛急攻建寧興疾趨與福建軍合獲華將二人追至赤巖華赴火死二十三年累拜江淮浙東行省參知政事平
婺州處州温州徽州漳州諸盜二十九年復立福建行省建省自宣統至元十二年併江西行省併入建西十七年三
併改事並併入江浙而不設復立拜右丞瓜哇歸使者孟珙詔興爲平章政事與史彌伊克默色帥師征之明年浮海
抵瓜哇伊克默色將水軍興將步軍會入節湖瓜哇王塔土罕必關耶降進攻葛耶國降其主哈只葛當又諭降
諸小國哈只葛當子昔刺入的昔刺丹不合逃入山谷與獨帥人深入俘獲之還至答哈城史彌伊克默色已
遣使護土罕必關耶歸國具入貢禮與深言其失計土罕必關耶果殺使者以叛合衆來攻興等力戰却之遂誅
哈只葛當父子以誦詔治縱瓜哇者爾與伊克默色皆獲罪與獨以不預議得免成宗即位復拜福建行省平章

政事大德三年汀州總督府同知阿里挾怨告興不法召入對盡得其誣狀阿里伏誅改江浙行省平章政事十年改河南至大初召見拜左丞相商議河南省事皇慶二年卒追封梁國公諡武宣元統三年加封南陽王子致

劉國傑字國寶本女真烏庫庫氏少從軍漣海以材武爲隊長至元六年選漣海兵取襄陽授益都新軍千戶從張弘範戍萬山堡宋兵窺伺衆取出取斬大出兵來攻國傑等以數百人敗之斬首四千級由是有名從略荆南抵歸峽轉戰數千里遣破宋兵於襄陽下再攻樊城被傷血戰世祖聞其勇召見選管軍總管從巴延南征十一年次鄂州宋兵扼漢水不得下巴延謀取黃家灣堡以入漢國傑先登拔之從破沙洋新城十二年敗孫虎臣於丁家洲進萬戶復從阿珠取淮南別軍揚子橋扼宋兵道宋以萬衆夜奪堡擊走之擒其都統張林宋將張世傑盛兵出焦山來禦師施鐵繩聯戰船旋江中以示必死阿珠率諸軍進戰萬戶劉琛由江南繞其後國傑與董文炳左右夾擊之焚其戰船世傑軍大潰追奔圖山奪黃鶴船數百艘帝壯之因呼曰劉二巴圖以漢軍都元帥將衛兵定北方十六年諸王托克托孫反寇和琳國傑度其衆悉至營中必虛張驍騎襲之獲其衆萬計托克托珠屢戰不利又殘暴失衆心衆殺之來降十九年召爲征東行省左丞征日本按百官志及日本國傳立征東行會黃華反建寧乃命國傑以征東兵會江淮參政等討之破赤巖寨黃華自殺二十二年罷征東省除書沿江行樞密院二十三年朝廷以湖廣多盜拜本省左丞國傑至寧盜以次降諸將校請曰此輩久亂急則降降而有聲復反不如盡阮之國傑曰多殺不可況殺降乎吾有以處之矣乃相要地爲三屯在衡曰清化在永曰烏符在武岡曰白倉遷其衆守之每屯五百人以備賊且墾廢田榛棘使賊不得爲巢穴降者有故田宅盡還之無者使雜

欽定續通志 卷四百七十六 列傳

耕屯中後皆爲良民會討廣西諸盜詔國傑趨赴之斬數百人進平懷集諸寨賊二十六年肇慶清遠懷集金林諸賊保險自固國傑鑿山而入擒殺殆盡由賀州移軍道州攻拔赤水賊寨二十七年江西盜起龍泉下令往擊之諸將曰此他省盜也國傑曰縱恣生患將難圖豈可以彼此言耶乃選輕兵棄旗鼓去纓飾一日夜趨賊境賊衆數千逆戰望見軍容不整曰此剿丁也易之國傑以數十騎陷陳衆從之賊大敗奪所掠男女日暮忽收兵去堡中民望見怪之莫知其誰明日又忽至召堡民歸其男女曰吾劉二巴圖也民驚以爲神因告別盜所在國傑乘霧突入其巢賊衆驚亂官軍搏之擒殺甚衆二十八年置湖廣等處行樞密院按百官志至元十九年置於岳州始置也傳恐誤遷副使還軍武昌時知上思州黃聖許恃其險遠與交趾爲表裏寇邊二十九年詔國傑討

之賊衆勁悍出入巖洞篁竹中如飛鳥發毒矢中人無愈者國傑身率士奮戰賊不能敵走象山山近交趾皆深林不可入乃度其出入列柵圍之徐伐山通道拔其寨聖許走交趾擒其妻子斬之按許姓大興元至元二十九年六年使女告陳且乞還其妾朝延竊盜之紀年紀事並見本傳國傑三以書責交趾寨聖許交趾竟匿不與師還悉取賊地爲屯田募度遠諸蠻人耕之爲兩江蔽障蠻人莫敢犯三十年入朝帝謂朝臣曰湖廣重地惟劉二巴圖足以鎮此他人不能也命無遷他官初黔中諸蠻既內附復叛巴洞何世雄犯澧州泊崖洞田萬頃楠木洞孟再師犯辰州朝廷嘗討降之升泊崖爲施溶州以萬頃知州事三十一年萬頃復叛成宗即位赦萬頃等亦不降帝以命國傑僕馳至辰敗賊酋萬丑於桑木溪破其巢焚之進攻施溶部將田榮祖請曰施溶萬頃之腹心石農坎三羊峯其左右臂也宜先斷其臂國傑從之磨諸軍攻石農坎賊不能支棄寨遁遂拔施溶擒萬頃斬之復窮捕其黨黎崖緣木進至千餘里元貞元年師軍中湖廣行省平章政事辰澧地接溪洞宋時嘗選民立屯

究其徭役使饗之在澤者曰隘丁在辰者曰寨兵宋亡皆廢國傑悉復其制繼又經畫茶陵衡郴道桂陽凡廣東江西盜所出入之地南北三千里置戍三十有八分屯將士守之由是東盡交廣西互黔中諸蠻不能復窺盜賊遂息大德五年羅鬼女子蛇節反烏撒烏蒙東川芒部諸蠻從之陷貴州詔國傑將諸翼兵合四川雲南思播兵討之賊兵勁利且多健馬官軍戰失利國傑令人持一盾布釘其上俟陣合卽棄盾僞遁賊乘之馬奮不能止遇盾皆仆國傑鼓之賊大敗追戰數千里七年擒斬蛇節宋隆濟等西南夷悉平詔領其將士入見張宴享之賞賜加厚八年還鎮國傑久行邊患瘴至是病篤僚屬入問疾國傑曰交賊不臣若病幸小愈得滅此酋則死無憾矣問以家事不言遂卒國傑性雄猛視死如歸嘗語人曰吾爲國宣力雖身膏草野不恨何必馬革裹屍還葬哉且善推誠得士心故能立功如此追封齊國公諡武宣子托歡尙憲宗孫女

欽定續通志

卷四百七十六

列傳

七

李德輝 張雄飛 張德輝 馬亨 程思廉 烏爾古澤 趙炳

李德輝字仲實通州潞縣人幼嗜讀書束於貧無以自資乃輟業年十六監酒豐州祿食稍足市筆札錄書夜誦不休時世祖在潛藩用劉秉忠薦使侍裕宗講讀癸丑憲宗封宗親割京兆地隸世祖擇廷臣能理財賦者傳調軍食立從宜府以德輝與博多納為使時汪德臣原文作汪世顯願說世宗卒於英明廟德輝宗 屯重兵於利州扼四川咽喉以觀進取每苦乏食德輝乃募民入粟綿竹散錢幣給勞券為直陸挽興元水漕嘉陵未期年而軍儲充羨中統元年授燕京宣撫使燕多劇賊造偽鈔結死黨殺人德輝悉捕誅之令行禁止然事多不白中書由是忤平章王文統意去位三年文統以反誅遂起為山西宣慰使權勢之家籍民為奴者咸按而免之復業近千人至元年授太原路總管五年徵為右三部尚書七年命德輝錄囚山西河東民有魏氏發得木偶持告其妻挾左道為厭勝謀不利於己移數獄詞皆具德輝察其冤委所為鞫之立服遂杖其夫而論妾以死皇子安西王鎮關中奏以德輝為輔改安西王相至則視灑涇營牧故地可得數千頃起廬舍疏溝洫假牛種田具與貧民二千家屯田其中歲得粟麥芻藁萬計十二年詔以王相撫蜀時重慶獨城守不下朝廷分行樞密院於東西川合兵萬人圍之德輝至成都兩府爭遣使咨受兵食方略德輝戒之曰宋已亡矣重慶以彈丸地不降何歸政以公輩剽掠民不得有其子女懼而不來耳嚮者中使奏璽書來赦公輩不能正言明告反示以詐使懼欽定續通志 卷四百七十七 列傳

而叛去堅其必死之心使不諭詐計竟以不奉明詔復命非玩寇而何況復軍政不一行且敗矣未幾瀘州叛重慶國亦潛十四年詔以德輝為西州行院副使復瀘州十五年再圍重慶拔之紹慶原作理興今南平夔施思播諸山壁水寨皆下而東川樞府猶故將也惡相願願獨軍圍合州德輝乃出合俘繫順慶獄者縱之使歸語州將張珏又為書以禮譴禍福反覆解之珏未及報而德輝遣王邸既而合州遣李興張伯偵事成都皆獲之釋不殺復為書縱歸使諭其將王立詞益割切立亦計夙與東府有深怨懼誅即使興等導師幹楊懌蠟書開至成都德輝從兵纒數百人赴之東府害其來皆言立狙詐不信特以計致公延命暑刻耳德輝曰昔合以重慶存故力能同惡今已孤絕窮而來歸亦其勢然吾非壞人之功者誠懼公等憤其後服快心屠戮吾來為國活此民耳聊單柳濟江薄城下呼立出降川蜀平復以王相還邸十七年置行中書省以德輝為安西行省左丞是年西南夷羅施鬼國既降復叛詔雲南湖廣四川合兵三萬人討之將壓境德輝適被命在播遣安珪馳驛止三道兵勿進復遣張孝思諭鬼國越降其酋阿察熱德輝名曰是活合州李公取其言明信可恃即身至播州泣具告曰吾屬百萬人微公來死且不降今得所歸賤有二矣德輝以其言上聞詔許其降乃改鬼國為順元路其後有以愛鬼國馬千數詣德輝於朝者帝曰是人朕所素知雖一羊不妄受寧有是耶及卒蠻夷聞訃哭之哀如私親為位而祭王立衰絰率吏民拜哭播州安撫使何彥清亦率其民立廟祀之張雄飛字鳳舉瑯琊臨沂人父玟仕金守盱眙金人疑之罷其兵柄徙居許州尋復命守河陰留家人於許雄飛幼失母玟妻李氏養之國兵屠許雄飛方十歲李變服與俱遁寓潞州金亡雄飛不知父所在往來潞潞求之十餘年已而入關陝懷慶孟渾軍終弗得遂入燕居數年盡通國言及諸部語至元二年廉希憲薦於世祖授同知

平陽路轉運司事問處士羅英誰可大用者對曰張雄飛公輔器也帝命驛召至問以方今所急對曰太子天下本願早定以繫人心帝稱善他日與江孝卿同召見帝曰今任職者多非材政事廢弛卿輩能任此乎孝卿謝不敏雄飛對曰古有御史臺爲天子耳目凡事得失民間疾苦皆得言百官姦邪貪穢不職者卽糾劾之如此則紀綱舉天下治矣帝曰善乃立御史臺以前丞相塔濟爾爲御史大夫雄飛爲侍御史且戒之曰卿等旣爲臺官職在直言朕爲汝君苟所行未善亦當極諫況百官乎雄飛益自感勵知無不言會議立尚書省雄飛力爭於帝前忤旨左遷同知京兆總管府事宗室公主有家奴逃渭南民間爲贅婿主適過臨潼識之捕其奴與妻及妻之父母皆械繫之盡沒其家貴雄飛與主爭辨辭色俱厲主不得已惟挾其奴以去入爲兵部尙書平章阿哈瑪特在制國用司時與伊瑪都木達有隙至是羅織其罪同儕爭相附會雄飛曰所犯在制國用時平章獨不預耶衆默然秦長卿劉仲澤亦以忤阿哈瑪特皆下吏欲殺之雄飛持不可阿哈瑪特使人囑之曰誠能殺此三人當以參政相處雄飛曰殺無罪以求大官吾不爲也阿哈瑪特怒奏出雄飛爲澧州安撫使而三人竟死獄中時澧州初下民懷反側雄飛至布宣德教民遂安有巨商二人犯匿稅及毆人事倖佐欲寬其罪雄飛繩之益急或曰此細事何執之堅雄飛曰吾非治匿稅毆人者欲改宋弊政懲不畏法者爾細民以乏食羣聚發富家廩所司欲諭以強盜雄飛曰此盜貪欲致死非強也寬其獄全活者百餘人澧西南接溪洞痞人乘間鈔掠雄飛遣揚應甲等往諭諸窟悉感服遷荆湖北道宣慰使有告常德富民十餘家與德山寺僧將爲亂衆議以兵討之雄飛曰告者必其仇也且新附之民當以靜鎮之兵不可遽加徐察之果如所言先是荆湖行省阿爾哈雅以降民三千八百戶沒入爲家奴自置吏治之歲貢稅賦按阿爾哈雅降後行省荆湖時將士母孕取其下無雄飛請歸其民

欽定續通志 卷四百七十七 列傳

於有司不從雄飛入朝奏其事詔還籍爲民十六年拜御史中丞行御史臺事阿哈瑪特以子呼遜爲中書右丞行省江淮恐不爲所容奏留雄飛不遣阿哈瑪特死拜參知政事阿哈瑪特用事日久賣官鬻獄犯綱大壞雄飛乃先自降一階於是僥倖超躐者皆降呼遜有罪赦中書雜問呼遜恩指宰執曰汝曾受我家錢何得問我雄飛曰我曾受否曰公獨否雄飛曰如是則我當問汝矣遂伏辜二十一年冊上尊號議大赦天下雄飛諫曰古人言無赦之國其刑必平故赦者不平之政也聖明在上豈宜數赦帝嘉納之遂下降輕刑之詔雄飛剛直廉慎始終不易其節嘗召見於便殿諭曰若卿可謂真廉者矣聞卿貧甚今特賜卿銀鈔將出又詔加賜金及金酒器雄飛受賜封藏於家後阿哈瑪特之黨以雄飛罷政矯詔追奪之中書左丞耶律塔克勤雄飛自辨雄飛曰吾不敢輕用而封識以俟者政虞今日耳又可自辨乎二十三年起爲燕南北道宣慰使卒于官子師宿衛東宮時阿爾哈雅入覲請以爲荆南總管雄飛固止之歸謂師野曰今日欲有官汝者汝宿衛日久固應得官然我方爲執政天下必以我私汝我一日不去此位汝輩勿望有官也其介慎如此

張德輝字耀卿冀寧交城人少力學試掾御史臺金亡北渡史天澤開府真定辟爲經歷官歲乙未從南征嘗調發多出德輝丁未世祖在濟邸召見問曰孔子歿已久今其性安在對曰聖人與天地始終無往不在腐下能行聖人之道性卽在是矣又問或云遂以釋廢金以儒亡有諸對曰違事臣未周知金季乃所親睹宰執中雖用一二儒臣餘皆武弁世爵及論軍國大事又不使預聞大抵以儒進者三十一國之存亡自有任其責者儒何咎爲世祖然之因問德輝曰祖宗之法度具在而未盡設施者甚多將如之何德輝指銀鑿喻曰創業之主如制此器精選白金瓦匠規而成之界付後人傳之無窮嘗求諸厚者司掌乃承爲寶用否則不惟跌壞亦恐有竊而

去之者矣世祖曰久曰此正吾心所不忘也又訪中國人材德輝舉魏瓘元裕李治等二十餘人又問農家作勞何衣食之不贖德輝曰農桑天下之本衣食之所從出也男耕女織終歲勤苦擇其精者輸之官餘蠶絲者將以仰事俯育而親民之吏復橫斂以盡之則民鮮有不凍餒者矣戊申春釋奠致於世祖世祖曰孔子廟食之禮何如對曰孔子為萬代王者師有國者尊之則嚴其廟貌修其時祀其崇與否於聖人無所損益但以此見時君崇儒重道之意何如耳世祖曰今而後此禮勿廢世祖又問典兵與宰民者為善孰甚對曰軍無紀律縱使殘暴害國非輕若宰民者頭會箕歛以毒天下使祖宗之民如蹈水火為害尤甚世祖默然曰然則奈何對曰莫若更遣族人之賢如昆布哈者使掌兵權勸奮則如呼圖克者使主民政則天下均受賜矣是年得告將還更薦白文舉顯之趙元德李造之高鳴李濤數人陸辭又陳先務七事曰敦孝友擇人才察下情貴兼聽親君子信賞罰節財用世祖嘉納壬子與元裕北親請世祖為儒教大宗師世祖悅而受德輝因啟奏朝有旨蠲儒戶兵賦乞令有司遵行從之仍命提調真定學校世祖即位授河東南北路宣撫使下車擊豪強黜賊吏均賦役書畫不遠數千里來見曰六十年不復見此太平官府矣戴之若神明中統二年者績為十路最帝勞之命疏所急務條四事一曰嚴保舉以取人材二曰給奉祿以養廉能三曰易世官而遷郡邑四曰正刑罰而勿屢赦遷東平路宣慰使東平賦夥獄繁逼賦盜窮之不少貧臣王敏曲法從故安憲使巴並以盜賊充斥履獲者欲盡之死德輝曰欲盡之則不奏免遠輸豆粟二十萬斛和糶粟十萬斛保蘇鼎議官賦實綜令民稅而後輸德輝曰是誣上以毒下也且後期之責孰任之遂罷其事至元三年召參議中書省事五年有言沿邊將校冒代軍士虛糜庫幣者敕按之奏曰在昔將校備嘗艱阻與士卒同甘苦今年少子弟鴟爵或以微勞進用豈知軍旅之事乎若痛繩以法欽定續通志卷四百七十七 列傳

則人不自安宜易其部署選武毅才略者任之又時委司憲者體究庶革其弊有旨命德輝議御史臺條例德輝奏曰御史執法官今法令未明何據而行之事行之不易陛下宜慎思之有頃復召曰朕慮之熟矣卿當力行之對曰必欲行之乞立宗正府以正皇族外戚得以糾彈女謁毋令奏事諸局承應人皆得究治帝良久曰其徐行按行狀云有旨命德輝日本命申書請款高麗即以進德輝曰德輝請老命舉任風憲者疏烏庫哩頁等二十人以開尋卒德輝天資剛直博學有經濟器毅然不可犯教之知為端人與元裕李治游封龍山時號為龍山三老云

馬亨字大用邢州南和人少孤事母孝金季習為吏庚寅太宗始建十路徵收課稅使河北東西路使王晉辟亨為掾以才幹稱轉運司副使庚戌大保劉秉忠薦亨於世祖召見潛即其器之既而籍諸路戶口以亨副北崇孟克撫諭西京太原平陽及陝西五路俾民弗擾癸丑世祖征雲南留亨為京兆權課所長官亨以寬簡治之不專格克凡五年民安而課裕丁巳憲宗遣阿勒達爾等斂斂亨時輩歲課銀五百錠輸藩府道出平陽適與之過亨策曰見之則銀必拘留不見則必以罪加我與其銀弗達王府當獲罪焉避而過之阿勒達爾怒遣使逮之世祖詢亨曰汝往得毋披汝罪乎對曰無害願一行既至拘係之窮治百端竟無所得己未從攻鄂州北遷還亨馳驛往西京罷所斂軍并撫諭山西河東陝右漢中既還復遣轉餉江上軍實中統元年遷陝西四川規措軍儲轉運使尋建行省命亨兼陝西行省左右司郎中時興元畜糧五萬石欲轉餉太安軍計備直萬緡眾推亨往亨以兵官丁產均其役不闕月而事集四年遷陝西西蜀廉訪都轉運使亨上便宜六事一曰東宮保傅當用正人以固國本二曰中書大政擇任儒臣以立朝綱三曰任相惟賢官不必備今宰相至十七員宜加裁汰四

曰左右郎曹卿贊大政今用豪貴子弟豈能贊五曰六曹之職分理萬幾今止設左右二部事何由辦六曰建元以來便民條書已多有可往視爲文具宜令憲司糾舉務在必行至元三年進戶部尚書有賈胡特制兩用使阿哈瑪特欲買交鈔本私平準之利以增歲課爲辭帝以問亨對曰交鈔可以權萬貨者法使然也法者主上之柄今使一賈擅之廢法從私將何以今天下事遂寢七年立尙書省仍以亨爲尙書領左部亨上言尙書省專領金穀百工之事其銓選宜歸中書以示無濫尋爲平章阿哈瑪特所忌以誣免官會國兵圍襄樊廷議河南行省調發軍餉詔以阿里爲右丞姚樞爲左丞亨爲僉省任其事水陸俱餽未嘗有闕十年還京師帝方欲柄用之遽嬰疾卒子紹廷

程思廉字介甫東勝州人父恆爲沿邊監糧規運使解州蒙使思廉用太保劉秉忠薦給事裕宗濬邸以謹厚聞命爲樞密院監印哈坦行省河南署爲都事時方規取襄樊使任轉輸築城置倉以受粟轉輸者與民爭鬪不時至思廉令行者異路聚至多露積一夕大雨思廉安臥不起省中召諸之思廉曰此去敵近中夜驟動衆必驚疑或致他變縱有漂灑不過軍中一日糧耳聞者避之至元十二年入爲監察御史以劾權臣阿哈瑪特繫獄尋出爲河北河南道監察副使道過彰德聞兩河歲饑徵租益欲止之有司謂法當上請思廉曰若然民已不堪命矣卽移文罷徵後果得請二十年河北復大饑流民渡河求食朝廷遣使者集官屬絕河止之思廉曰民急親食豈得已哉天下一家河北河南皆吾民也悉縱之且曰雖得非死不恨章上不之罪也衛輝懷孟大水思廉臨視賑貸全活甚衆水及城不沒者數版卽修隄防露宿督役水不爲患衛人德之二十六年立雲南行御史臺

思廉爲御史中丞始至蠻夷酋長來質詢若遜而意甚倨思廉宣布威德使毋自外聞者懾服雲南舊有

列傳

欽定續通志卷四百七十七

四

學校而禮教不興思廉力振起之始有從學問禮者成宗卽位除河東西廉訪使平陽諸郡歲輸租稅於北方民甚苦之思廉爲請得輸河東近倉舊法決算咸有議劄權璫曹吏思廉自判贖尼某當某罪吏皆束手思廉累任風憲剛正疾惡言事剴切與人交有終始其於宗族尤盡惡意好薦達人物或者以爲好名思廉曰若避好名之譏人不復敢爲善矣卒諡敬肅

烏爾古澤字潤甫臨潢人其先女真烏爾古都因爲氏父仲僞儻有奇節遭金季世憤無所施用遂縱酒作狂以自晦然敬澤特嚴澤性剛毅讀書舉大略才幹過人世祖將取江南澤以選輸鈔至淮南餉軍丞相阿珠奇之補淮東大都督府掾至元十四年元帥索多下兵閩越辟爲元帥府提控案牘時宋廣王據福州其將張世傑攻泉州興化守臣陳瓊舉郡應之文天祥置都督府于南劍州守臣張清行都督府事謀復建寧閩中郡縣往往復從宋索多時軍浙東信州告急謀於衆曰我軍當何先澤曰彼據閩廣而我往浙右非策之善譬之伐木務除其根當先向南遂度兵閩關八戰而至南劍殺其守臣張清宋師遂退收福州進攻興化拔之索多怒其民反覆下令屠城澤諫曰世傑不虜我軍潰至方急攻泉州且暮且失守若出興化遣民使走泉南煽動之彼將膽落而潰是不戰而宗泉門捷於吾兵之馳救也索多喜開南門縱民去因得脫死者甚衆世傑得逃民知興化已破乃解泉州圍去明年索多自廣州還擊潮州守將馬備備禦甚固澤曰潮人所以城守不下者以外多壁壘爲之援也第翦其外應潮必覆矣乃分兵攻大壘破之餘壘盡散遂拔潮馬發死焉命知興化軍爲路授澤行總管府事民歌舞迎候于道曰是吾民復生父母也郡新殘于兵白骨在野首下令掩埋之又衣食其流離之民有棄子于道者置慈幼曹籍而撫育之郡中惡年少以資求竄名卒任養後得計改版授官吏恐激變不敢詰澤悉退歸所授

陳瓊從瓊者猶蒙有民奈何連坐亟爲令曰民不幸誅誤從陳瓊誅及嗣死無後者其田廬資產並給其族姻有司無所與更不能逆乃止當江南未定民自相什伍保衛鄉里及時平行省議籍爲民澤白行省曰國兵非少今籍民以示少非所以安反側也且當籍者衆民或有他心議遂格澤又興學校召長老及諸生議肄經義行鄉飲酒禮士知嚮慕二十一年調永州路判官湖廣平章政事納蘇穆爾貪縱淫虐誅求無厭有使至永澤戒吏美供帳豐酒食務順適其意使者感愧無所發其毒因問以利害曉之一郡由是獲安二十六年丞相僧格建議考核錢穀天下騷動澤歎曰民不堪命矣卽自上計行省約蘇穆爾怒曰郡國錢糧無不增羨永州何爲獨不然此直

欽定續通志

卷四百七十七 列傳

五

五

五

五

五

五

五

年授廣西兩江道宣慰副使兩江荒遠與百蠻接不知禮法澤作司規三十有二章以漸爲教民至今遵守之歲饑發官粟以賑既發乃上其事憲管徵外蠻數爲寇澤循行得阨塞處布畫遠邇募民伉健者四千六百餘戶置雷留那扶十屯列營堡以守陂水墾田築八場以節濫洩得稻田歲收穀爲軍備邊民賴之詔擢爲海南海南廉訪使故例圭田至秋乃入租後遂計月受之澤視事三月民輪租五百石澤曰事君者先其事後其食吾治政日

淡而受祿四倍非情所安量食而入餘悉委學官給諸生以勸業雷州地近海潮汐蓄其東南陂塘鱉農病焉而西北廣衍平表宜爲陂塘澤行視城隍曰三溪徒走海而不以灌漑此史起所以薄西門釣也乃教民浚故湖築大隄塌三溪灘之爲斗門七隄塌六以制其贏耗鵬爲渠二十有四以達其注輸渠皆支別爲厓設守視者時其

敢閉計得良田數千頃瀕海廣瀉並爲膏土民歌之曰瀉函爲田兮大父之教渠之泱泱兮長我稔稻自今有生

歛定續通志 卷四百七十七 列傳 五

兮無旱無澇至大元年改福建廉訪使澤宿有德於閩閩人安之以母年踰八十求歸養長沙歲餘母喪澤以哀毀卒諡正憲妻杜以夫死飲食不入口者十有三日不死乃復食子良楨自有傳

趙炳字彥明惠州樂陽人父宏國初爲征行兵馬都元帥炳幼失怙恃鞠於從兄歲饑往平州就食遇盜欲殺之兄解衣就縛炳年十二泣請代盜驚異舍之去甫弱冠以勳舊子侍世祖於潛邸世祖次桓撫問以炳爲撫州長

中統元年命判北京宣撫司事北京控制遼東番夷雜處號稱難治時楊果爲宣撫使聞炳至喜曰吾屬無憂矣至元九年授京兆路總管兼府尹皇子安西王開府於秦詔治宮室悉聽炳裁製王府吏卒橫暴擾民卽建白繩以法王命之曰後有犯者勿復敢請若自處之自是豪猾斂戢秦民以安先是以解州鹽賦給王府經費歲久積

遺二十餘萬緡有司追理僅獲三之一民已不堪炳歎曰十年之遺責償一日其孰能堪與其斂病民孰若施澤於民乎王善其言遽命免徵會王北伐詔以京兆一年賦充軍資炳復請曰所徵遺課足佐軍用可貸歲賦以蘇民力令下秦民大悅十四年加安西王相王府冬居京兆夏徙六盤山歲以爲常王既北伐六盤守者搆亂

炳自京兆率兵捕誅之十五年六盤再亂復討平之王薨被召入見詢及民間利病炳悉陳之因言王薨後運使郭琮取中郭叔雲竊弄威柄恣爲不法帝大怒令乘傳偕救使數人往按琮等至則琮假嗣王旨收炳及其妻孥囚之平涼北嶮峒山炳子仁榮訴於上詔近侍馳驛脫炳且械琮黨來琮等留使者先遣人毒炳於獄中帝聞之

撫牌歎曰失我良臣俄械琮等百餘人至帝親鞫問盡得其情既各伏辜命仁榮手刃琮叔雲於東城籍其家以畀之仁榮曰不共戴天之人所蓄物何忍受之帝稱善別賜鈔爲治喪具詔雷炳免棺中書左丞忠恕愍子六人

仁顯仁表仁榮仁旭仁舉仁軌俱登顯仕

卷終

楊恭懿 王恂 郭守敬 楊桓 楊果 王構 魏初 焦養直 孟鑾麟 尙野 李之紹

楊恭懿字元甫奉元人力學強記書無不讀尤深於易禮春秋後得朱熹四書集注歎曰人倫日用之常天道性命之妙皆萃此書矣爰沒水漿不入口者五日居喪盡禮宣撫司行省以掌書記辟不就至元七年與許衡俱被召恭懿不至按世祖紀百九十年與此衡拜中書左丞數於丞相安圖前譽其賢丞相以聞十年詔遣使召之以疾不起十一年太子下教中書俾如漢惠聘四皓故事丞相遣郎中張元智為書致致命乃至京師既入見世祖遣國王和通勞其來又親詢其鄉里氏族傳承子姓無不周悉十二年侍讀學士國克坦公履請設取士科詔與恭懿議之恭懿言宜敕有司舉有行檢通經史之士使無投牒自售試以經義論策庶幾從事實學則士風丕振民俗趨厚國家得才矣帝善之會北征恭懿遂歸田里十六年詔安西王相敦遣赴闕入見詔於太史院改歷十七年進奏曰臣等編考自漢以來歷書四十餘家精思推算舊儀難用而新者未備故日行盈縮月行遲疾五行周天其詳皆未精察今權以新儀木表與舊儀所測相較得今歲冬至晷景及日躔所在與列舍分度之差大都北極之高下晝夜刻長短參以古制創立新法推算成辛巳歷雖或未精然比之前改歷者附會歷元更日立法全隨改習顧亦無愧然必每歲測驗修改積三十年庶盡其法可使如三代日官世專其職測驗良久無改歲之專矣又合朔議曰日行歷四時一周謂之一歲月踰一周復與日合謂之一月言一月之始日月相合故謂合朔

欽定續通志 卷四百七十八 列傳

自秦廢歷紀漢太初止用平朔法大小相間或有二大者故日食多在晦日或一日測驗時刻亦鮮中宋何承天測驗四十餘年進元嘉歷始以月行遲速定小餘以正朔望使食必在朔名定朔法有二大二小時以異舊法罷之唐傅仁均造戊寅歷定朔始得行貞觀十九年四月頻大人皆異之竟改從平朔李淳風造麟德歷雖不用平朔遇四大則避人言以平朔間之又希合當世為進朔法使無元日之食至一行造大衍歷謂天誠密四大二小何傷誠為確論然亦循常不改臣等更造新歷一依前賢定論推算皆改從實今十九年歷自八月後四月併大舊日月合朔之數也是日方列跪天譎奏帝命許衡及恭懿起曰卿二老毋自勞也授集賢學士兼太史院事十八年辭歸後屢徵詔皆不行二十一年卒

王恂字敬甫中山唐縣人世居唐縣父夏潛心伊洛之學天文律歷靡不精究恂穎悟三歲家人示以書帙輒識風丁二字十三學九數輒造其極歲已酉太保劉秉忠北上途經中山見而奇之及南還恂從學於磁之紫金山癸丑薦之世祖召見於六盤山命輔道裕宗為太子伴讀中統二年擢太子贊善三年裕宗封燕王中書令

兼判樞密院事數兩府大臣凡有咨稟必令恂與聞初中書左丞許衡集唐虞以來嘉言善政為書以進世祖令恂講解且命太子受業焉又詔恂於太子起居飲食慎為調護非所宜接之人勿令侍左右恂言太子天下本付託至重當延名德與之居處況兼領中書樞密之政詔條所當循覽庶務亦當屢省又言官吏以罪免者毋使更進宦官害人政用之際尤不可非其人至愚而神變亂之餘吾不之疑則反覆化為忠厚帝深然之恂早以算術名裕宗嘗問焉恂曰算數六藝之一定國家安人民乃大事也每侍左右必發明三綱五常為學之道及歷代

治亂興亡之所以然又以選金之事近接耳目者區別善惡論著得失上之裕宗問以心之所守恂曰人心如印

板板本不差則雖摹千萬紙皆不差板既差則摹之於紙無不差者詔擇勳戚子弟使學於恂恂卓然以師道自任及從裕宗撫軍青海乃以諸生屬許衡衡告老去復命恂恂國子祭酒國學之制實始於此帝以國朝承用金大明歷歲久浸疏欲釐正之知恂精於算術遂以命之恂薦許衡能明歷之理詔赴闕命領改歷事官屬悉聽恂辟置恂與衡及楊恭懿郭守敬等編考歷書四十餘家晝夜測驗創立新法參以古制推算極爲精密至元十六年授太史令十七年歷成賜名授時歷頒行天下尋以居父喪哀毀日飲勺水帝遣內侍慰諭之未幾卒延祐二年追封定國公諡文簡子寬竇並從許衡游得星曆之傳於家學裕宗嘗召見語之曰汝父起於書生貧無貴者今賜汝鈔五千貫用盡可復以闡恩恤之厚如此

郭守敬字若思順德邢臺人祖榮通五經精於算數水利時劉秉忠張易王恂同學聚金山榮使守敬從

秉忠學中統三年文謙薦守敬習水利巧思絕人按齊履謙作行狀云先是順德城北有石橋通達岳泉兵後橋

隳石世祖召見而陳水利六事其一中都舊漕河東至通州引玉泉水以通舟楫可省僱車錢六萬緡通州以南

於蘆榆河口徑直開引由蒙村跳梁務至楊村還河以避浮腫洶濤風浪漚轉之患其二順德遠泉引入城中

分爲三渠灌城東地其三順德漕河東至古任城失其故道沒民田三千餘頃此水開修成河其田卽可耕種

自小王村徑漚淀合入御河通行舟楫其四磁州東北滌漳二水合流處引水由滄陽郡鄆州洛水永年下經雞澤

合入漕河可灌田三千餘頃其五懷孟沁河雖澆灌猶有漏堰餘水東與丹河餘水相合引東流至武陟縣北合

入御河可灌田二千餘頃其六黃河自孟州西開引少分一渠經由新舊孟州中間順河古岸下至溫縣南復入

大河其間亦可灌田二千餘頃每奏一事世祖歎曰任事者如此人不爲素餐矣授提舉諸路河渠尋加副河渠

欽定續通志 卷四百七十八 列傳 二

使至元元年從張文謙行省西夏先是古渠在中興者一名唐來其長四百里一名漢延長一百五十里他州正

渠十皆長二百里支渠大小六十八灌田九萬餘頃兵亂以來廢壞淺淺守敬更立牴堰皆復其舊二年遷都水

少監守敬言向自中興沿河四晝夜至東勝可通漕運及見查泊烏梁海古渠甚多宜加修理又言金時自燕京

之西麻峪村分引盧溝一支東流穿西山而出是謂金口水自金口以東燕京以北灌田若干頃利不可勝計

兵興以來典守者懼有失因以大石塞之今若按視故蹟使水得通流上可致西山之利下可廣京畿之漕又言

當於金口西預開減金口西南遵大河令其深廣以防漲水突入之患帝善之十二年丞相巴延南征議立水站

命守敬行視河北山東可通舟者爲圖奏之初秉忠以大明歷自遼金承用二百餘年寢以後天議欲修正未果

十三年江左既平帝思用其言遂以守敬與王恂率南北日官分掌測驗以文謙與張易領之左丞許衡參預其

事守敬首言歷之本在於測驗而測驗之器莫先儀表今司天津儀宋皇祐中汴京所造不與此處天度相符比

量南北二極約差四度表石年深亦復欹側守敬乃盡考其失而移置之既又別圖高爽地以木爲重棚創作簡

儀高表用相比覆又以爲天象附極而動昔人嘗展臂望之未得其的作極儀極辰既位天體斯正作渾天象

象雖形似莫適所用作玲瓏儀以表之矩方測天之正圖莫若以圖求圖作仰儀古有經緯結而不動守敬易之

法立運儀日有中道月有九行守敬一之作證理儀表高景虛罔象非眞作景符月雖有明察景則難作闕凡歷

法之驗在於交會作日月食儀天有赤道輪以當之兩極低長標以指之作星晷定時儀又作正方案九表懸正

儀座正儀爲四方行測者所用又作仰規規矩圖異方渾蓋圖日出入永短圖與上諸儀互相參考十六年改局

爲太史院以恂爲太史令守敬爲同知太史院事給印章立官府及奏進儀表式守敬當帝前指陳理致至於日

晏帝不爲倦守敬因奏唐一行開元間令南宮說天下測景書中見者凡十三處今疆宇比唐大宜遣使遠方
測驗日月交會分數時刻不同晝夜長短不同日月星辰去天高下不同卽目測驗人少可先南北立表取直測
景帝可其奏遂設監候官一十四員分道測驗東至高麗西極滇池南踰朱崖北盡鐵勒凡二十七所十七年新
歷告成守敬與諸臣同奏曰臣等竊聞帝王之事莫重於歷自黃帝迎日推策帝堯以閏月定四時成歲舜在
璇璣玉衡以齊七政爰及三代歷無定法周秦之間間餘乘次西漢以後歷經七十改創法者十三家迨至聖朝
專命臣等改治新歷臣等用創造簡儀高表觀其測實數所者正者凡七事一曰冬至二曰歲餘三曰日躔四曰
月離五曰入交六曰二十八宿距度七曰日出晝夜刻所創法凡五事一曰太陽盈縮二曰月行遲疾三曰黃
赤道差四曰黃赤道內外度五曰白道交周其法視古皆密可以施之永久十九年卽卒時歷雖彌然其推步之
式與夫立成之數尚皆未有定稿守敬於是比次編類整齊分秒裁爲推步七卷立成二卷應議擬藁三卷轉神
選擇二卷上中下三歷注式十二卷二十三年繼爲太史令送上表奏進又有時候箋注二卷修改源流一卷其
測驗書有儀象法式二卷二至晷景考二十卷五星細行者五十卷古今交食考一卷新測二十八舍雜坐諸星
八宿去極一卷新測無名諸星一卷月離考一卷並藏諸官二十八行有言瀛海自永平挽舟踰嶺而行可至開
平有言盧溝自麻峪可至尋麻林朝廷遣守敬相視瀛河既不可行盧溝舟亦不通守敬因陳水利十有一事其
一大都運糧河不用一畝泉舊原引北山白浮泉水西折而南經雲山泊自西水門入城環匯於積水潭復東
折而南出南水門合入舊運糧河每十里置一牀至通州凡爲牀七距牀里許上重置斗門互爲隄關以過舟止
水河十張並作開通漕運共覽奏喜曰當速行之於是復置水監俾守敬領之帝命丞相以下皆親操舂楫

欽定續通志 卷四百七十八 列傳

倡工待守敬指授而後行事按王所撰文辭考云昔事於二十九年之春告成於三十一年先是通州至大都陸運

官糧歲數十萬石方秋霖雨驛畜死者不可勝計至是皆罷之三十年帝還自上都過積水潭見舳舻蔽水大悅

名曰通惠河賜守敬鈔萬二千五百貫仍以舊職兼提調通惠河漕運驛守敬又言於澄清橋稍東引水與北壩

河接且立龍麗正門西令舟楫得環城往來志不就而罷三十一年拜昭文館大學士知太史院事大德二年召

至上都議開鐵轡竿渠守敬奏山水頓乍暴下非大爲渠堰廣五七十步不可執政吝於工費以其言爲過縮其

廣三之一明年大雨山水注下渠不能容漂沒人畜廬帳幾犯行殿成宗謂宰臣曰郭太史神人也惜其言不用

耳七年詔內外官年及七十並聽致仕獨守敬不許其請自是翰林太史司天官不致仕著爲令延祐三年卒

楊桓字武子兗州人幼警悟讀論語至宰字晝寢慨然有立志由是終身非疾病未嘗晝寢中統四年補濟州

教授後召爲太史院校書郎奉教撰儀表銘歷日序文辭典雅禮懋書監丞至元三十一年拜監察御史有得玉

璽於穆呼哩曾孫頤迪家者桓辨識其文曰受天之命既壽永昌昌或作壽永昌命乃頓首言曰此歷代傳國璽也

久矣今皇太孫龍飛而麗復出天其彰瑞應於今日乎卽爲文述璽始末上之成宗卽位桓上時務二十一事

一郊祀天地二親享太廟備四時之祭三先定首相四朝見羣臣訪問時政得失五詔羣臣以時待講六設太學

及府州儒學教養生徒七行誥命以褒善敘勞八異章服以別貴賤九正禮儀以肅宮庭十定官制以省內外冗

員十一講究錢穀以裕國用十二訪求曉習音樂者以協太常雅樂十三國子監不可隸集賢院宜正其名十四

試補六部寺監及府州司縣吏十五增內外官吏俸祿十六禁父子骨肉奴婢相告許者十七定婚姻聘財十八

罷行用官錢營什一之利十九復笞杖以別輕重之罪二十郡縣吏自中統前仕官者宜加優異二十一爲治之

法

道官各從本俗疏奏帝嘉納之未幾陞秘書少監預修大一統志秩滿歸京州大德三年以國子司業召未赴卒
桓博覽羣籍尤精篆籀之學著大書統大書派源書學正韻行於世

楊果字正卿其先蒲陰人徙居許昌以章句授徒爲業登金正大元年進士第爲偃師令以廉幹稱金亡楊與辟
爲河南課稅司經歷史天澤經略河南復用爲參議時兵革之餘法度草創果隨宜費書民賴以安世祖中統元
年命爲北京宣撫使明年拜參知政事至元六年出爲懷孟路總管大修學廟俄以老致政卒於家諡文獻果性
明敏美風姿工文章尤長於樂府徵時避亂河南娶驪中女後登科歷職仕竟與偕老不易其初心人以是稱
之有西菴集

王構字肯堂東平人父公淵遺金末之亂其兄三人挈家南奔公淵獨誓死守墳墓伏草莽中諸兄呼之不出號
慟而去卒得存其家而三兄不知所終構少穎悟弱冠以詞賦中選爲東平行臺學書記至元十一年授翰林國
史院編修官時遣丞相巴延伐宋先下詔讓之命構屬草以進世祖大悅宋亡構與李槃同被旨至杭取三節圖
籍太常天章禮器儀仗歸於京師十二年遷應奉翰林文字陞修撰歷吏部禮部郎中慮因河南多所平反改太
常少卿定親享太廟儀注擬治書侍御史屬僧格爲相傳與平章林承旨博果密檢覈燕南錢穀兼督進貢以
十一月晦行期歲終復命明年春遭僧屠溝驛度逾期禍且不測謂博果密曰設有罪構當身任不以累公也會
僧格誅乃免成宗立由侍講爲學士纂修實錄書成參議中書省事有上書陳利便請搜括田賦者執政欲從之
構與平章何榮祖力言其不可得不行以疾歸東平久之起爲濟南路總管諸王從者怙勢行州縣民莫敢忤視
構固諸朝徙之北境學田爲牧地所侵者理而歸之官貧民粟歲饑而責償不已構請輸以明年武宗卽位以纂
欽定續通志 卷四百七十八 列傳 四

修國史召拜翰林學士承旨未幾卒性其物歸王儲文顯大構歷任三朝練習臺閣典故祖宗證册冊文皆所撰
定朝廷每有大議必咨訪焉高薦引寒士前後省臺翰苑所辟無慮數十人後居清要皆有名於時子熙南臺
御史中丞子點淮西廉訪司叅事皆以文學世其家

魏初字太初弘州順聖人從祖璠金貞祐三年進士補尚書省令史宣宗求直言璠首論將相非人及不當立德
陵事疏奏不報金將武仙軍次五塚山在武山不進使璠往諭之聞仙率餘眾保留山璠直趣仙所仙引一
吏與璠辨璠大言曰王人雖微序於諸侯之上將軍奈何不加禮欲以小吏置對耶且將軍跳山谷而左右無異
心者以天子大臣故也苟不知尊天子安知麾下無如將軍者仙不能屈璠復激使進兵不應比還金主已遷歸
德復遷蔡州按金史武仙傳初保保山及敗於博州乃走聖京金亡璠乃北還世祖居滎邸聞璠名徵至和琳訪
以當世之務璠條陳三十餘事卒於和琳賜諡靖肅無子以初爲後初好讀書尤長於春秋中統元年辟爲中書
省掾史兼掌書記未幾以祖母老辭歸隱居教授會詔左丞許衡學士竇默及京師諸儒各陳歷史所載前代帝
王嘉言善政選進讀之士有司以初應詔帝雅重璠名誦知初爲璠後歎獎久之按國史院編修官尋拜監察御
史首言法者持天下之具御史臺則守法之司也方今法有未定百司無所持循宜參酌考定頒行天下帝宴羣
臣於上都有不能醞大卮者免其冠服初上疏曰臣聞君猶天也臣猶地也尊卑之禮不可不肅方今內有太常
有史官有起居法以議典禮記言動外有高麗安南使者入貢以觀中國之儀昨聞錫宴大臣威儀弗謹非所以
尊朝廷正上下也疏入帝欣納之仍諭侍臣自今毋復爲此舉時襄樊未下將括民爲兵或請自大興始初言京
師天下根本要在股肱建邦之初詎宜驅動遂免又言舊制常參官諸州刺史上任三日舉一人自代況風紀之

職與常員異請自今監察御史按察司官在任一歲各舉一人自代所舉不當有罰不惟砥礪風節亦可爲國得人遂舉勸農副使劉官自代出僉陝西四川按察使事歷爲中丞卒子必復集賢院侍講學士

焦養直字無咎東昌堂邑人夙以才器稱至元十八年以真定路儒學教授超拜典瑞少監二十八年賜宅一區入侍帷幄陳說古先帝王政治帝聽之每忘倦嘗語及漢高帝起自側微誦所蓄聞養直從容論辨帝卽開納由是薄高帝大德元年成宗幸柳林命養直進講資治通鑑因陳規諫之言賜酒及鈔萬貫三年遷集賢侍講學士七年詔傅太子於宮中啟沃誠至至大元年授集賢大學士謀議大政悉與焉告老歸而卒諡文靖子德方興國路總管府判官

孟鑾鑾字駕之雲內人曾祖彥甫以明法爲西北路招討司知事有疑獄當死者百餘人彥甫執不從後三日得寶晉碑之鑿劬日誦萬言能綴文時號奇童金正大七年擢進士第仕至招討使歲壬辰汴京下北歸居平陽陝西帥府辟爲詳議官遂家長安世祖中統三年授翰林待制同修國史至元初召見條陳數十事大抵勸上以郊天地祀太廟制禮樂建學校行科舉擇守令以守民儲米粟以贍軍省無名之賦罷不急之役百司庶府統於六部紀綱制度悉由中書是爲長久之計世祖悉嘉納之一日與論王鶚許衡優劣對曰王鶚文華之士可置翰苑許衡明經傳道可爲後學矜式帝深然之又嘗召問宗廟郊祀儀制悉據經典以對時帝將親祀命同太常議定禮儀鑾飾夜晝郊祀及宗廟圖以進帝皆親覽之俄以病西歸帝令就議陝西四川行中書省事四年卒延祐三年贈平原郡公諡文定

尙野字文蔚其先保定人徙滿城至元十八年徵爲國史院編修官二十年出爲汝州判官廉介有爲二十八年

欽定續通志 卷四百七十八 列傳

五

遷南陽縣尹初至官獄訟充斥野裁決無留滯涉旬遂無事改懷孟河渠副使會遣使問民疾苦野建言水利有成法宜隸有司不宜復置河渠官事聞河渠官遂罷大德六年遷國子助教諸生入宿衛者歲從幸上都丞相哈喇哈斯始命野分學於上都以教諸生上都分學自野始俄陞國子博士每謂諸生曰學未有得徒事華藻若持錢買水所取有限能自擊井及泉而汲之不可勝用矣仁宗在東宮野爲太子文學多所裨益時從賓客姚燧論德肅刺入見帝爲加禮至大元年除司業近臣奏分國學西序爲大都路學帝已可其奏野謂國學郡學混淆不合禮制事遂寢四年拜翰林直學士知制誥同修國史詔野赴吏部試用廢補官野多所優假或病其太寬野曰今初設此法冀將來者習詩書知禮義耳非必責效目前也衆乃服延祐元年陞集賢侍講學士兼國子祭酒未幾移疾歸四方來學者益衆六年卒追封上黨郡公諡文懿野性開敏志趣正大事繼母以孝聞文辭典雅一本於理子師易新州路總管府判官師簡章閣侍書學士

李之紹字伯宗平平陰人幼從李謙學家貧教授鄉里學者咸集至元三十一年纂修世祖實錄薦授翰林國史院編修官直學士姚燧欲試其才凡翰林應酬之文積十餘事併付之之紹援筆立成燧驚喜曰可謂名下無虛士矣大德二年聞祖母疾辭歸復除編修官延祐二年累擢國子祭酒夙夜孳孳惟以教育人材爲事至治二年拜翰林侍講學士知制誥同修國史踰年告老而歸泰定二年八月卒之紹平日自以其性優游少斷故號果齋以自勵

欽定續通志卷四百七十八終

張禧弘綱 賈文備 解誠 管如德 周全 孔元 朱國寶 張立 齊秉節 郭昂 葛公直 楊
賽音布哈 完顏寶珠

張禧東安州人父仁義金末徙家益都太宗下山東仁義乃走信安時燕薊以下獨信安獨爲金守國兵圍信安
仁義閉門出戰圍解以功署軍馬總管守信安踰十年度不能支乃與主將舉城內附授管軍元帥復攻歸德飛
矢入口鏖出項後卒禧年十六從大將額蘇倫南攻徐州歸德復從元帥察罕攻壽春安豐豐隆黃酒諸州皆有
功禧素峭直爲主將所忌誣以他罪欲寘之法時王鵬侍世祖於濟邸禧密往依之鵬薦禧與其子弘綱俱入見
歲已未從世祖攻鄂州諸軍穴城以入宋柵欄爲夾城於內進輒不利乃命以厚賞募敢死士禧與弘綱俱應募
由城東南入戰將至城下帝憫其父子俱入險地遣諭禧父子止一人進戰禧所執槍中弩矢而折取弘綱槍以
入破城東南角身中十八矢一鏃貫腹悶絕復甦世祖亟命療之創愈復從大將軍喇呼與宋兵戰於金口李家
洲皆捷世祖卽位授新軍千戶中統三年從征李璫時宋棄璫叛還夏貴興取斬縣宿州等城禧移兵攻之貴走
盡復諸城至元年卒升唐鄧鄂州總管四年改水軍總管八年從攻襄樊江水暴溢宋遣范文虎以戰艦千餘艘
來掇元帥阿珠命禧率輕舟夜銜枚入其陣中插葦以識水之深淺及還阿珠卽命禧率四寶水軍進戰宋兵潰
追至淺水奪戰艦七十阿珠傳載此作至元六年卒 九年攻樊城焚其車樓敗宋將張貴于鹿門山十年行省集諸將問破襄
欽定續通志 卷四百七十九 列傳

陽策謫言襄樊夾漢江而城敵入橫鐵鎖置木橛于水中今斷鎖毀橛以絕其掇則樊城必下樊城下則襄陽可
圖矣行省用其計破樊城而襄陽繼降丞相巴延命爲水軍先鋒十二年敗宋將孫虎臣于丁家洲移屯黃池
以斷宋救兵十三年從下溫台福建十四年授江陰路達魯噶齊水軍萬戶十七年進都元帥朝廷議征日本禧
請行拜行中書省平章政事與右丞范文虎左丞李庭日本國傳作右丞同率舟師泛海東征至平湖島禧卽
捨舟築壘約束戰艦各相去五十步止泊以避風濤觸擊俄颶風大作他戰艦悉壞禧所部獨完文虎等議還禧
曰士卒溺死者半其脫死者皆壯士也曷若乘其無回顧心因糧於敵以進戰文虎等不從曰還朝問罪我輩當
之公不與也禧乃分船與之時平湖島屯兵數千舟禧曰我安忍棄之遂悉乘舟中所載馬以濟其遺至京師
文虎等皆獲罪禧獨免子弘綱

弘綱字憲臣年十八父禧爲主將所誣繫獄弘綱自入獄中併受繫弘綱伴狂諷笑守者易之既寤遂與其父逸
去後從父攻城徇地屢有功爲招討使襲鎮江陰盜起安吉弘綱率兵往捕未踰旬擒之從參政高興破建德溪
寨諸賊授河南諸襄征行萬戶從右丞劉深征八百媳婦國師次八番與叛蠻宋隆濟等力戰而殲追封齊郡公
諡武宣

賈文備字仲武祁州蒲陰人父輔仕金爲祁州刺史武仙懼輔膽略密令所親圖之輔以竊歸太祖詔隸張柔
開帥府於滿城命輔行元帥府事於祁州從定山東累功改行軍千戶文備襲父職張柔命屯三汉口宋兵來攻
戰却之中統四年授萬戶領張柔所部屯亳州宋兵時鈔掠淮甸文備屢戰却之至元八年改河南等路統軍
圍襄樊九年移蔡州兼督水陸漕運十一年復授萬戶漢軍都元帥領劉整軍駐亳州宋將夏貴知毫無備感引

兵來襲文備出奇邀擊大破之從丞相巴延伐宋抵鄂州宋築二城夾江布戰艦數千艘軍不得進文備泛舟由
淪河徑出大江攻武磯堡從阿珠先渡江大軍繼之遂取鄂漢命守鄂州十二年從平章政事阿爾哈雅趣湖南
至潭州城下文備冒鋒鏑傷右手流矢中左臂攻急宋臣李甫死之轉運判官鍾瑋英等以城降波阿爾哈雅傳至元十三年春正月力周及楊運使瑋英等就 十三年移守潭州十四年衡永郴等郡寇發文備悉討平之十五
年進湖南消宣慰使尙瑋崖等州及廣東瀕海諸城累遷荆湖占城行省參知政事二十四年致仕後十七年以
疾卒延祐四年追封武威郡公諡莊武

解誠易州定興人善水戰從伐宋設方略奪敵船千計以功授金符水軍萬戶兼都水監使焦湖之戰獲戰艦三
百艘宋以舟師來援誠據舟厲聲呵之援兵不敢動急移舟抵岸乘勢追殺之既又從攻安豐壽復泗毫諸州俱
有功又從下雲南大理國及從攻鄂州殺瀾敵軍甚眾世祖嘉其功賞降制獎之至元三十年卒追封易國公諡
武定子汝楨初從討李壇及平宋累獲功後襲父職卒追封易國公諡忠毅子特爾格襲從征廣西下靜江府改
授水軍招討使尋復爲萬戶從征交趾有功卒贈平陽郡公諡武宣

管如德黃州黃陂縣人父景模爲宋將以蘄州降拜淮西宣撫使如德爲江州都統制亦以城降先是如德嘗被
俘思其父與同輩七人間道南馳爲邏者所獲械送于郡如德何邏者怠破械脫走間關萬里達父所至是入覲
世祖笑曰是孝於父者必忠于朕矣授以強弓二如德以左手兼握右手悉引滿之帝曰得無傷汝臂乎後毋復
然嘗從獵過大溝馬不可越如德卽解衣浮渡帝壯之稱爲巴圖魯問朕何以得天下宋何以亡如德對曰陛下
以福德勝之嬰樊宋咽喉也咽喉被要亡亡何待帝稱善帝嘗語如德曰朕治天下重惜人命凡有罪者必令面
歛定續通志 卷四百七十九 列傳

對再四果實也而後罪之非如宋權姦擅權書片紙數字卽殺人也汝但一心奉職毋懼忌嫉之口授湖北招討
使總管本部軍馬丞相阿珠南伐如德以軍爲前鋒攻揚州渡江招安浙西東諸郡初世祖以寶刀賜如德及與
敵戰刀刃盡缺宋平入覲如德以刀上呈曰陛下所賜刀從軍以來刃缺如是矣帝嘉其朴至元十二年遷浙
西宣慰使上時政五條一曰立額薄征二曰息兵懷遠三曰立法用人四曰省役恤民五曰設官制祿時法制未
備仕多冗員又方用兵日本而軍民之官廩祿未有定制故如德言及之二十四年遷江西行省參知政事竄汀
二州盜起如德討平之舊從者多所全有二十六年遷江西行尙書省左丞時鍾明亮以循州叛殺掠州縣帝命
如德統四省兵討之先遣使諭以禍福賊感如德誠信卽擁十餘騎詣贛州乞降平章政事鄂羅齊怒其跋扈不
臣欲以事殺明亮如德曰皇仁厚未嘗殺降明亮叛人何足惜所重者信不可失耳至世祖如德等留不遣明亮
亮傳事宋贛州四行樞密院以如德等送鄂羅統 尋卒于軍贈平昌郡公諡武襄

周全汝盜光州人仕宋爲廣南西路馬步軍副總管至元十二年巴延下江南全率眾來歸授管軍千戶從元帥
宋都木達下江西諸城邑明年進兵福建未制置使黃萬石降從征廣東至韶州嚴攻具率勇士先登殺其安撫
使熊飛以遊騎巡廣中過靈石門敵勢甚張全奮戈殺敵乘勝奪其旗鼓火其船及諸軍下廣州全功居多
十四年從攻廣西靜江府宋安撫李夢龍率眾來降兩廣平第功授管軍總管十五年盜據贛州崖石山寨全率
兵討平之進管軍副萬戶鎮守龍興二十年以疾去官大德九年卒追封汝南郡侯子祖瑞襲

孔元字彥亨真人驍勇有智略歲丁酉棄家從軍隸丞相史天澤麾下戊戌從取焦湖圍壽春先登拔其西堡
己亥從征安肅己酉從圍泗洲俱有功戊午從攻樊城親王塔齊爾命取樊西堡元率死士挺槍大呼擊殺數百

人中統元年屬滿北征二年宣授管軍總把至元十一年從伐宋爲前鋒所向克捷十五年進待衛親軍千戶明年國民討叛王寶勤們等從行院拜奇買勒密寶追其家至烏蘇洋而還分軍之半扼其要害餘衆遂潰加右衛親軍總管十九年以疾卒子鷹揚襲

宋國寶其先徐州人後徙寶坻父存器歷官修內司使憲宗將伐宋募兵習水戰國寶以職官子從軍隸水軍萬戶解誠麾下從攻鄂州擄千戶率銳卒於中流遇宋師凡十七戰諸軍畢濟中統三年從征襄陽督造戰艦築萬山堡至元十一年拔沙洋鹽礮新城皆有功初師次江上國寶願當前鋒奪船二十艘以獻巴延壯之宋據上流方舟數百結爲堡柵指示曰復能奪取是乎國寶即奮往破其柵既渡江下鄂漢十二年進兵臨岳州與宋兵戰於桃花灘獲其將高世傑進管軍總管命統蒙古諸軍鎮常德府知安撫司事時湖南既降惟辰沅靖鎮遠未下宋將李信李發結武岡洞蠻分據扼塞國寶擊敗之其眾退保飛山新城思播蠻來援國寶復與戰破之擒張星沈聖等三百餘人進攻新城獲信發等獻俘江陵十四年會諸道兵攻廣西靜江拔之進管軍萬戶鎮守梧州領安撫司事初宋臨安之破也張世傑挾二王由閩蹈海衆復滋蔓時南恩新州何華張翼舉兵與復軍勢甚盛國寶選精銳破之悉擒其黨降其民三萬餘戶十六年遷海北海南道宣慰使蜚賊連結鬱林廉州諸洞恣行剽掠復討平之任龍光等率所部五千戶降尋移瓊州立官程更弊政訓兵息民具有條制南寧謝有奎負固不服國寶開示信義有奎感悟以其屬來歸於是黎峒民降者三千戶蠻洞降者三十所十八年破高繼寇五百人招降居番香毫鼓鼓等十九洞遣部將韓莊率兵略大黎密塘橫山誅首惡李實火其巢生致大鍾小鍾諸部長十有八人二十五年進都元帥參知政事行尚書省事以軍事至贛州卒子傳舍子斌襲

欽定續通志 卷四百七十九 列傳

張立泰安長清人初歷嚴實麾下略江淮有功署爲百戶歲戊午憲宗征蜀徵諸道兵立從行次大獲山宋人阻山爲城帶江爲池以自固立統銳卒攻陷外堡奪戰船百餘艘中統初從世祖北征遷左衛親軍副指揮使至元十四年今據世祖紀第二轉粟赴和琳道出應昌會帥帕克謀不軌以射士三千踵其後欲乘間奪其資糧立覺其有異急命環車爲柵以備之賊衆已合矢如雨下初立之發上都也每車載二板以備不虞至是建板于車矢不能入騎卒稍前即以戈撞之強弩繼發賊不得近相持連日乃解去是歲增置前後衛兵進後衛親軍都指揮使以老致仕子珪襲

齊秉節字子度濱州蒲臺人父珪攝征行千戶兼總管鎮襄陽中統三年李璫叛徵諸道兵進討襄陽精銳盡行留羸卒千餘與宋襄鄂對壘敵來覘虛實珪城守周密以東門外壕狹小可越命浚之爲備宋將攝都統陳總管果率兵萬餘抵城東門以板渡壕壕廣板不能及珪力戰却之城賴以完至元三年告老粟秉節自代秉節魁偉沈毅涉獵書史稍知兵法襲父職乃鎮襄陽五年從伐宋築新城白河口堡鹿門山略地鄂州大洪山黃仙洞數著戰功升上千戶十一年從丞相巴延至鄂盪舟由陸入江攻武磯堡擒宋將闕都統十二年國民敗宋賈似道舟師于丁家洲命秉節屯建康與宋將趙淮戰于西離山追至溧陽從定太平安慶諸郡與宋將張咨議戰于崑山殺之十四年授管軍總管時黃州復叛令秉節往討斬余繼轄子陣二十三年移鎮饒州擒安仁劇賊蔡福一餘黨悉平升襄陽萬戶府副萬戶二十八年卒子英襲

郭昂字彥高彰德林州人習馬槊能挽強稍通經史至元初上書言事授山東統軍司知事遷沅州安撫司同知招降溪洞八十餘柵播州張華黎容峯山昂率兵屠之山稽大猫土獫諸洞濶降十六年徇沅州西南界復新化

安仁二縣擒劇賊張虎縱之曰汝非吾敵願降即來不然吾復擒汝不難也明日虎降并其眾三千餘人悉使歸民籍軍還衆斂白金以獻一無所受家從至江陵致金而去昂悉上之行省二十六年江西盜起昂討之進逼南安明揚上龍巖湖綠村石門屬湖赤水黑風啊諸蠻立太平寨而還會大饑以賊酋家資分賑之授萬戶鎮撫州未幾行省檄赴廣東監造戰船行至廣東界遇賊移檄諭以禍福昂威信素著賊見其檄卽降授廣東宣慰使卒墓公直益都樂安人世業農至元九年爲沂莒隱密寧海五州都城池所千戶十年督造征日本戰船於高麗時宋未下世祖知其勇遣使召見俾領兵同行荆南等處招討司事抵峽州青灘霖雨不進屯玉泉山率兵三千攻安進下寨破之襄陽旣下命領鄧州光化唐州漢軍及郢復熟勞軍從諸軍南伐十二年至隆興宋軍突出城門逆戰公直敗之追抵城下遂踰壕拔柵焚其樓櫓隆興降南安吉贛皆望風款附公直令第三子蒙古岱攻梅關破准德山寨入廣東至南海皆下之詔授公直管軍萬戶時巴延巴爾達噶圖古勒叛于西夏公直率軍討平之十八年移鎮巴實伯里二十三年按世祖至元二十六年海都叛巴延討之木傳作二十三年諸王海都叛分直從丞相巴延進戰于洪水山敗之追擊漸遠援兵不至第五子璦力戰死公直與妻及蒙古岱俱陷焉明年蒙古岱奔還汶中衛軍副都指揮使討衢州山賊有功

楊賽音布哈初名漢英字熙載其先太原人唐季南詔播州有楊端者以應募起復播州遂使領焉世爲播州安撫使至元十三年宋亡漢英父邦憲奉版籍內附授爲約慶州南平等處沿邊宣慰使卒諡惠敏漢英生五歲而孤二十二年母田氏攜至上京見世祖於大安殿帝呼至御榻前熟視其眸子撫其頂者久之諭宰臣曰楊氏母子孤寡萬里來庭朕甚憫之遂命襲父職世祖至元二十三年封楊氏爲永安郡夫人賜名賽音布哈二十五年再入覲

欽定續通志 卷四百七十九 列傳

四

時年十二帝見其應對明敏授宣撫使世祖紀作至元二十九年事尋升侍衛親軍都指揮使大德五年宋隆濟叛詔湖廣行省平章劉國傑指揮使顏森呼圖克偕賽音布哈討之六年師出播境連與賊遇破之前駐蹕泥賊騎猝至賽音布哈奮擊先進大軍繼之賊潰乘勝逐北遂降阿直下管籠望塵送款者相繼七年進屯暮窩賊衆復合又與戰于黑特川大破之擒斬隆濟等西南夷悉平至大四年播南唐崩蠻內僭率兵討之卒于軍追封播國公諡忠宣子嘉貞嗣

完顏寶珠祖德珠仕金爲管軍千戶父紇珠歸太祖從征西域河西又從太宗攻下鳳翔同州有功授同州管民達噶噶齊兼征行千戶以年老命寶珠襲已未寶珠從世祖征哈喇章還都元帥壽塔攻馬湖江寶珠奪浮橋與宋兵戰有功軍龍化縣與宋兵戰大敗之中統二年授行萬戶從都元帥特爾格攻嘉定有功至元四年敗宋兵于九頂山五年攻瀘州拔五獲寨渡馬湖江迎擊宋兵敗之從行省伊蘇岱爾攻建都暨建都降從攻嘉定復瀘州取重慶寶珠之功居多二十年拜四川行省參知政事卒

欽定續通志卷四百八十
列傳

元三十四

王綽 隨世昌 羅肇 劉恩 石高山 章彥暉 蔡珍 張泰亨 賀祉 孟德 張榮寶 舒穆 噶格 張均 信直日 王寶喇 趙宏偉

王綽高麗王暉之猶子也美容儀慷慨有志略以質子入朝歲癸丑高麗權臣高令公叛憲宗命雅勒呼大王東征綽素為旨使講和仍鎮守其地時高麗人戶新附者就命綽總之中統元年授總管兼領軍民至元七年高麗巨林衍叛世祖遣特納克國王討之綽簽領部兵一千三百戶同行尋以疾還家居二十年卒子阿拉克特穆爾襲至元八年將兵討叛賊金通精賊敗走就羅十一年從都元帥呼圖克征日本國預有戰功十五年加安撫使高麗軍民總管陸東征左副都元帥十八年復征日本遇風溺于軍弟威襲二十四年納顏叛力戰屢捷復從伊勒勒諾延討塔布魯特歡大王與巴勒噶齊托歡相拒絕流戰黑龍江箭中右臂忍傷復戰敵大敗二十五年征哈坦多羅千隸平章庫哩特穆爾歷下論功居多二十七年哈坦等入寇高麗境遣威鎮守修城壁嚴卒伍軍威大振賊遂潛遁九月哈坦多羅千復寇察楚克威引兵擊却之二十九年陞總管高麗女真漢軍萬戶府

隨世昌萊陽人父寶金末為管軍都總領鎮行村海口太宗下山東寶遂來歸授萊陽令世昌其第四子也善騎射鐵渾鐵為槍重四十餘斤能左右擊刺歲癸丑選充隊長宋兵來攻海州世昌戰却之己未攻漣水城世昌樹雲梯攀緣而上身被數槍眾從之克其城擢萬軍千戶中統初漣水復叛歸宋世昌軍于東馬寨擊敗宋兵至元欽定續通志 卷四百八十 列傳

七年遷淄萊萬戶府副都鎮撫守萬山堡九年敗宋兵于鹿門山元帥劉整築新門使世昌總其後樊城出兵來爭且拒且築不終夜而就復令立鐵籠于樊城欄馬牆外夜大雪城中矢石如雨軍校多死傷達旦而鐵籠立宋人列艦江上世昌乘風縱火燒其船百餘艘樊城出兵鏖戰欄馬牆下世昌流血滿甲勇氣愈倍樊城竟破十一年引兵由黃海堡入漢江破沙洋攻新城世昌坎其城而先登中數矢傷臂兜鑿皆裂昏眩墜地少蘇復進遂下新城明日丞相巴延視所坎城高一丈五尺餘論功為上十二年從戰于丁家洲以功陞管軍千戶十三年圍揚州世昌絕其糧道兼搜湖泊宋兵聞鐵槍名不敢近揚州平從平章阿珠入見授管軍總管十四年戍揚州擊野人原司空山等七寨皆下之進安撫使鎮漵浦二十三年改沂鄆上副萬戶世昌前後數百戰體骨金瘡竟以是疾卒封定海郡侯諡忠勇

羅肇字仲玉鎮江人父大義為宋將肇年十三而孤長從朱禪孫入蜀累官利州西路步軍副總管禪孫移荆湖肇從之至江陵右丞阿爾哈雅領軍江陵肇從禪孫降授管軍千戶討欽寇有功領本州安撫事至元五年從元帥張弘範定廣南擢管軍總管鎮金山居四年海盜并絕徙鎮上海督造海舟十九年用丞相巴延言初運海道漕運抵直沽以達京城立運糧萬戶三以肇與朱清張瑄為之按食貨志云立萬戶府二以朱清為中萬戶張瑄為千戶梁古台為萬戶府達哈喇齊與德五異

乃首部漕舟由海洋抵楊村不數十日入京師進管軍萬戶兼管海道運糧二十四年納顏叛肇復以漕舟自遼陽浮海抵錦州小凌河至廣靈十寨諸軍賴以濟二十五年督漕至直沽倉潞河決水溢幾及倉壘樹柵率所部畚土築隄捍之隙同知淮西道宣慰使事請兩淮荒閒之地給貧民耕墾三年而後量收其入從之歲得粟十萬斛大德三年廣東道宣慰使都元帥山海獠貢固反乃誘致諸洞蠻夷酋長假以官位由是咸率眾以歸除

都水監通州故多水患鑿二渠以分水勢又浚阜通河而廣之按阜通河在大德六年歲增濬六十餘萬石奉命括兩淮屯田得疾歸鎮江卒

劉恩字仁甫威州人勇而有謀以材武隸軍籍累功爲管軍總管從入蜀數有戰功至元二年宋將以戰船五百艘載甲士三萬人夾江上游先以一萬人據雲頂山欲取漢州恩率千人渡江與戰殺其將二人士卒三千餘人授成都路管軍副萬戶六年從平章賽音謬德齊嘉定過九頂山與宋軍遇生擒其部將十八人械送京師九年從皇子西平王行省伊蘇魯兩征建都恩將游兵爲先鋒師次其地一日三戰皆捷時師久駐食且盡恩書策招諭沿江諸蠻得糧三萬石牛羊二萬頭士氣益振建都因山爲城山有七巖恩奪其五斷其汲道建都窮蹙乃降入朝升管軍萬戶戊眉州十二年移戍嘉定安西王遣使召恩至六盤山問曰江南已平四川未下奈何恩曰若以重臣之不徇私者奉詔督責之則半年可下矣王卽遣恩乘傳以聞帝以爲然命丞相布哈等行樞密院於四川授恩同僉院事十五年重慶降守將張萬走夔府以兵固守布哈遣恩招之萬以城降旬月間得其大小州邑六十四十六年擢四川西道宣慰使率軍萬人征鄂端進都元帥師次甘州奉詔留屯田得粟二萬餘石十八年進兵鄂端恩設伏以待大敗之海都又遣巴拜率衆三萬來使恩以衆寡不敵成師而還二十二年僉行樞密院事卒子德祿襲

石高山德興府人父呼嚕古以待衛軍從太祖定中原太宗賜以京邑廣平四十餘戶遂徙居廣平之落水中統三年高山因平章塔齊爾入見世祖因奏曰在昔太祖所集安扎爾博囉哩台博囉罕巴圖庫庫布哈五部特默齊軍金亡之後散居牧地多有入民籍者國家土宇未一宜加招集以備驅策帝大悅卽命與諸路同籍其數欽定續通志卷四百八十一列傳

仍命高山領之四年授管軍總管鎮惠州軍令嚴肅居四年邊境晏然至元八年從取光州克襄陽進攻襄樊皆有功十年從阿珠略地淮上十一年從下江南十二年丞相巴延命以所部兵取密國下令無抄掠既至城下諭以禍福守者出降後從至焦山與宋兵轉戰百餘里殺獲甚多宋平巴延朝京師帝問有瘦而善戰者朕忘其名巴延以高山對且盛稱其功帝卽召見命自擇一大郡以佚老而以所部軍俾其子領之高山辭曰臣筋力尙壯猶能爲國驅馳豈敢爲自安計帝從之命領兵北征屯伊圖山十六年命同和塔拉領三衛軍戍和琳因屯田以給軍儲歲不乏用納顏叛督戰有功授蒙古侍衛親軍都指揮使守衛東宮成宗憫其老以其子庫庫布哈襲職大德七年卒于家

韋彥輝易州人與兄彥榮俱以武勇稱初彥榮以百夫長隸千戶何伯祥麾下累有戰功後諸老以彥輝代之諸軍伐宋彥輝從破襄陽斬首甚衆萬戶張柔之駐曹武也彥輝與伯祥別將一軍破大洪諸寨宋人出荆鄂選兵二萬救之彥輝與伯祥進戰生擒曹路分等一十六人是夜宋兵來攻彥輝率甲士三十人追擊于曹武鎮激潰走擒其主將以歸戰光州柔于東北命彥輝率勁卒伏西南夜五鼓東北聲振天地彥輝植梯先登衆繼之破其外城遂急攻并其子城破之戰滁州彥輝率浮潭脫者十人夜渡池水入柵馬牆殺守軍三鋪焚其東南角排寨木籠大軍繼之比明拔其城會大軍攻黃州諸將壁壘未定有舟來覘柔遣彥輝伏甲二百于赤壁下敵軍夜半果水陸并至彥輝俟其過半而擊之敵大捷死者無算師還又破張家寨以守將獻從攻壽州奪其門生擒三人以出泗州之城諸將自四鼓集城下爲壘水所阻黎明無敢渡者兩軍交射如雨彥輝被重甲徑渡敵將來禦彥輝刺其臂搏殺之衆軍渡至捕得其外城尋登其月城彥輝將下顧伯祥失所在乃反求之敵追襲彥輝力戰

翼伯祥以出事聞兼鎮撫事歲己未兵渡江次武昌宋援兵四集有舟數十來挑戰彥暉逐之入湖中伏被圍數匝左右莫能近彥暉矢盡短兵接身受重傷度不可免遂投水中敵撿之出載詣江州見宋官不屈問以事不對竟死子信襲授管軍總把至元四年從元帥阿珠南征九年從攻樊城先登奪其土城焚西南角樓宋將矮張以舟兵來援自高頭堡戰鬪八十餘里拔襄陽城下奪戰艦二獲其裨將二人十一年從丞相巴延攻沙陽堡率勇士五十人火焚其寨敵軍大亂遂破之十二年從戰丁家洲江南平以功陞管軍千戶鎮太平州

蔡珍彰德安陽人父興從宗王昆布哈出征權管軍百戶興請老以珍代之珍素驍勇歲戊午從憲宗攻宋合州釣魚山中統元年從世祖征額呼布格三年從征李璫後從鎮襄陽尙安慶攻五河所至有功南方平遂入備宿衛嘗扈駕駐黑城遣兵士儲芻藁築土室軍府賴其用道遇凍者必扶入密室溫煦之軍糧必爲撙節不使頓絕以致饑困至元十七年擢中衛親軍總把時白海初建行營命珍督役率軍民不知擾雖草木無纖介指帝臨幸問其故近臣以蔡珍號令嚴肅對帝嘉之二十七年進後衛親軍千戶貞元元年告老歸子恕襲

張泰亨堂邑人父山爲管軍百戶泰亨襲職從攻宋釣魚山及樊城征努爾阿勒坦有功中統二年授侍衛親軍總把至元四年從征西川有功七年從攻襄陽矢中右臂十年從攻樊城十二年授管軍總管從攻潭州矢中鼻拔矢奮戰却敵兵十三年從征廣西破靜江府軍還至潭州金瘡發卒子繼祖襲移鎮鄂州舟過洞庭溺死以二兄顯祖代之二十四年從征交趾陷落焉

賀社益都人父進嘗平澗水有功授千戶守膠州社初以質子入宿衛至元六年襲父職七年宋兵攻膠州社固守戰退之十年領舟師爲先鋒攻五河口城軍還磨後時宋兵以巨索橫截淮水號混江龍社用大刀斷之却其欽定續通志 卷四百八十一 列傳 三

救兵清河城遂降攻泗州獲戰船五百艘鎮新城絕淮安寶應糧道陸之得戰船及器械上於行院遂命領寶應軍民事二十年建寧路黃華反以所領軍捕之有功二十四年以征交趾請行湖廣行省檄令守轡重屯思明州軍還至建康卒

孟德濟南人國初由鄒平縣令累官至同知濟南路事歲丙申諸王庫騰命德爲元帥領濟南軍攻宋徐州光州下之甲辰定宗母大皇后稱制大王阿齊台以德爲萬戶攻濠泗蕪黃等州積有戰功癸丑憲宗命守睢州乙卯移守海州宋安撫呂文德以兵擾邊德敗之俘其太尉劉海丁巳從巴延攻襄樊己未與子義從世祖攻鄂州先登中統三年從征李璫璫平德以老告歸義襲爲萬戶領兵守沂郯至元六年從山東統軍塔齊如五河宋軍拒南岸義率兵渡河擊之數戰有功九年遷宿州萬戶十一年宋制置夏竦攻正陽義擊敗之十二年掠地至安慶等處攻揚子橋獲功十三年從下福建温台等處十六年累功授招討使二十二年復爲沂郯萬戶元貞初以老

辭職子智襲

張榮實霸州保定人父進金季封北平公守信安城歲壬辰率所部兵降太宗命爲征行萬戶甲午征河南與金將國用安戰徐州死爲榮實始以質子入宿衛尙充征行水軍千戶甲辰從大將察罕軍至淮上遇宋將呂文德與戰敗之從攻江陵略襄陽宋以舟師橫截漢水兵不得渡榮實戰却之又破宋軍于太湖己未從世祖南征駐陽羅渡宋兵十萬舟二千迎戰橫截江水帝以榮實習於水命居前列遂取輕舟率麾下鏖戰北岸斬宋將呂文信中統元年授水軍萬戶至元五年從丞相阿珠攻襄陽敗夏竦張順又攻樊城俘其二將十一年從丞相巴延渡江以所部軍先進諸將繼渡鄂漢皆降從阿爾哈雅攻岳州降宋將高世傑征江西隆興擒宋將密佑撫州

隆十三年進兵廣東破降韶州十五年累功授湖北道宣慰使諸路水軍萬戶是年卒遺使安南傳大德五年三月
置移取高戶頭獎賞等二人與去使備子五
置此當成宗朝獎賞尙在與本傳異

五年師還南安以兵迎戰水涸舟不能行玉死焉子輔襲
舒穆魯格根契丹人曾祖高努歲辛未太祖至威靈高努與劉伯林瓜爾佳常格等以城降會置三萬戶三十六
千戶以總天下兵遂以高努爲千戶遙授青州防禦使己丑從太宗伐金爲征行千戶卒于軍祖常山總管萬戶
父奇爾襲至元二年從都元帥阿敦鎮滇川四年從攻蓬溪若死焉格根少從征伐以壯勇稱八年從尙省嚴忠
範以兵圍重慶攻朝陽若先登九年宋將皆萬壽率衆聚成都格根以蒙古軍二千擊敗之十六年授管軍總管
成遂寧十七年進管軍副萬戶亦奚不薛蠻叛從招討使雅爾哈討平之行省伊蘇魯爾討都掌烏蒙蠻子諸蠻
戰于鴨樓關格根最有功二十一年以蒙古軍八百從征散貓蠻戰于菜園坪濬水溪皆敗之諸蠻降二十四年

遷夔路萬戶移戍重慶二十六年卒子安圖襲

楚鼎安豐蒙城人父珙仕金爲壽春防禦使金亡歸宋命守宿州歲己亥以州降宋兵來攻城破珙死之宋人囚
鼎於鎮江府凡十有四年會赦免至元十二年師渡江鼎從知太平州孟之縉降行省遣鼎諭靈州守將孫世賢
下之授鼎管軍總管鎮靈州平建平廣德諸盜鼎與權萬戶博囉台護招撫使李銓男漢英歸徽州諭銓下其城

十三年漢英叛旌德太平兩縣民附之鼎與烏爾古納進兵用徵人鄧安策兵不血刃而亂定十八年東征日本

欽定續通志卷四百八十一列傳四

鼎率千餘人從左丞范文虎渡海大風忽至舟壞鼎挾破舟板漂流三晝夜至一山會文虎船因得達高麗之金
州合浦海屯駐散兵亦漂泛來集遂領之以歸

張均濟南人父山從軍伐宋以功爲百戶俄阻總把戰死均襲百戶從親王塔齊爾攻鄂州面中流矢中統三年
從征李璫有功陞千戶領兵守淄州至元六年從左丞董文炳攻宋五河口轉戰濠州遇伏兵均力戰敗之十年
攻漣州奪孫村堡十一軍從攻蕪湖奪宋戰船又從丞相塔察哈戰有功二十四年從鎮南王征交趾鐵安南傳

以精銳三千人服力戰出關不傳從略二十六年從北征累遷前衛親軍副指揮使成宗卽位命屯田和琳規
畫有法諸王永和爾北征給餉賴之未嘗乏絕大德元年改和琳等處副元帥陞都元帥延祐元年卒子世忠襲
信苴日按志信官名契人也姓段氏其先世爲大理國王後累爲樞臣高氏所廢歲癸丑世祖奉命南征誅

其臣高祥以段興智主國事乙卯興智與其季父信福入覲詔使歸國丙辰獻地圖請悉平諸部并條奏治民
立賦之法憲宗大高賜與智名瑪哈囉囉命悉主諸蠻白蠻等部以信苴福領其軍興智遂委國任其弟信苴日
自與信苴福率輿輿軍二萬爲前鋒導大將烏爾哈達討平諸郡之未附者攻降交趾入朝興智卒于道中統一
年詔信苴日領大理善闡威楚統失會川建昌騰越等城自各萬戶以下皆聽節制至元元年烏蠻長舍利畏結

威楚統失善闡及三十七部諸蠻各殺守將以叛善闡屯守官不能禦遣使告急信苴日率衆進討大敗之於威
楚寶滿伊復遣博囉攻賊於統失城又大破之遂定統失舍利畏又以衆十萬謀攻大理詔都元帥頗森與信苴
日討之師至安寧擊走之遂復善闡降威楚定新興進攻石城肥膩皆下之蠻部平十一年以信苴日爲大理總

管未幾舍利畏復叛信苴日遣寶駝等詭爲商旅執贖往見挺子擅殺之及其黨梟首于市於是置郡縣署守令

行賦後施政化與中州等十三年十四年緬甸擁象騎數萬掠金齒南甸欲襲大理信直日與萬戶呼圖克領騎兵千人禦之緬眾敗走十八年與其子阿履入覲帝嘉其忠勤進雲南諸路行中書省參知政事十九年詔右丞拜達勒率兵征緬行至金齒卒子阿履襲

王實喇保定人初事世祖以其有勇略賜名實喇巴圖從攻釣魚山及額呼布格累功授武衛親軍千戶中統三年從征李璫四年元帥阿珠駐兵河南遣實喇將蒙古漢軍復立宿州至元六年陞海州萬戶引兵攻鹽林山寨多所俘獲十年授東川行樞密院同僉十五年征夔府有功尋徙鎮萬州卒於軍子二日宏日寧樞密院擬盜襲職蓋讓其兄宏於是授宏中衛都指揮使而以寧代宏爲千戶寧從阿爾台哈噶遜北征追擊杓克托穆爾之軍子阿納爾圖之地師還復從和爾果斯北征有功累陞前衛都指揮使司僉事

趙宏偉字子英甘陵人後徙潁川至元十三年國兵攻宋宏偉以書謁元帥宋都木達於軍中奇之俾以兵略地臨江至吉州宋主將管忠節路分鄒超悉衆出戰宏偉敗之追北二十餘里薄其城示以禍福知州周天驥舉城降以功署吉州參佐官宋總管王昌張雲誘新附五營軍爲亂事覺昌就擒宏偉夜襲雲斬首以獻俘其黨五百人宋都木達欲盡誅之宏偉曰此屬誑誤非得已也今悉就誅何安反側衆得免死授泰和縣尹宋相文天祥嘗其將羅開禮葉良臣集衆謀復吉贛臨江宏偉斬良臣俘開禮釋其餘衆十七年遷衡州路總管府治中時羣盜出沒其境宏偉與屯田民旣足食盜亦爲農遂寧謐大德五年愈浙西道肅政廉訪司事鎮江旱蠲民租九萬餘石吏畏飛語復徵于民民無所出行臺令宏偉核實卒蠲之大風海溢潤常江陰等州廬舍多蕩沒民乏食宏偉發倉廩以賑有司以未得報爲辭宏偉曰民且暮饑欲死擅發有罪我當坐遂發之全活者十餘萬十一年江

欽定續通志

卷四百八十 列傳

五

南饒宏偉復請以贓罰錢賑之民賴以生至大二年召爲內臺都事尋出爲浙東廉訪副使宏偉至浙東聞郡人許謙得朱熹道學之傳延致爲師於是人知向慕未幾擢江南行臺治書侍御史皇慶二年致仕泰定三年卒追封天水郡侯諡貞獻子思恭思敬孫理自有傳

張立道 張庭珍庭瑞 張惠 劉好禮 王國昌通 姜或 張礎 呂墜 王憚

張立道字顯卿大名入父善登金進士歲壬辰國兵下河南晉以策干太弟圖頰命為筆且齊立道年十七備宿衛至元四年奉使西夏以幹敏稱皇子和克齊封雲南王往鎮其地命立道為王府文學立道勸王務農以厚民即署立道大理等處勸農官兼領屯田事尋使安南定歲貢之禮時雲南都元帥保赫鼎專制日久而有竊據之志昂王來設宴置毒酒中且賂王相府官無泄其事立道聞之趨入見門者拒之立道怒與爭王聞其聲使召之乃得入為王言之王引其手使探口中肉已腐矣是夕王薨保赫鼎遂據王座使人諷王妃索王印立道潛結義士得十三人約共討賊刺臂血和金屑飲之惟一人走京師告變並赴京師告變者諷即其人事聞顯露保赫鼎囚立道將殺之大匠擢舉張忠者燕人也於立道為族兄結壯士夜劫諸獄共亡至土番界遇帝所遣御史大夫博爾歡王傅必圖傳前歌傳非吏部與告變人俱來遂與立道俱還授保赫鼎及王府官嘗受賂者皆伏誅立道等入朝問王薨狀帝欲久之曰汝等為我家事甚勞苦今欲事朕乎事太子乎事安西王乎惟汝意所向立道等奏願留事陛下於是賜立道金以旌其忠張忠等皆授官有差以社也世祖事八年復使安南宣建國號詔立道並黑水跨雲南以至其國歲貢之禮遂定十年中書以立道熟於雲南奏授大理等處巡行勸農使其地有昆明池介碧雞金馬間環五百餘里夏潦暴至必冒城郭立道求泉源所自出役丁夫二千人治之洩其水得壤地萬畝定續通志

欽定續通志 卷四百八十一 列傳

餘頃皆為良田爨粳人雖知蠶桑而未得其法立道始教之飼養收利十倍於舊由是羅羅諸蠻慕之相率來降收其地悉為郡縣十五年除忠虜路總管先是雲南未知尊孔子祀王逸少為先師立道首建廟學擇蜀士之賢者迎為弟子師歲時率諸生行釋菜禮人習禮讓風俗稍變十七年入朝力請於帝以雲南王子頗亦特穆爾襲王爵帝從之尋命立道為臨安廣西道宣撫使會泥路首領必思反屬諸蠻發兵討之拔其城邑鼓行而前徇金齒甸七十城越麻甸抵可蒲皆下之以馴象金鳳獻諸朝二十二年又籍兩江僮土貴卒從殺從世大典作

三年與李維屏所部戶二十五萬有奇歸有司復創廟學於建水路書清白之訓於公廡以警貪墨風化大行維屏與李維屏所部戶二十五萬有奇歸有司復創廟學於建水路書清白之訓於公廡以警貪墨風化大行

二十七年安南世子陳日燾遣陪臣詣京師告製爵先是其國主陳日烜累召不至僅遣其族父遺愛入貢朝廷因封為安南王遺愛還日烜陰害之遣使問罪不受命遂遣將討之失利而還帝怒欲再發兵丞相諫勸哲平章博果密言蠻夷小邦不足以勞中國張立道嘗再使安南有功今復使往宜無不奉命帝召至諭之立道對曰臣愚恐不足專任乞重臣一人與俱臣為之副帝曰卿朕腹心臣使一人居卿上必敗卿謀遂授禮部尚書以行至安南界謂刻勞者曰語爾世子當出郭迎詔日燾率屬焚香伏謁道左既抵府拜跪聽詔如禮立道傳上命數其罪為書曉之日燾曰比三世辱公使公大國之卿小國之師也何以教我立道曰昔鎮南王奉詔致討汝非能勝之也由其不用嚮導率眾深入不見一人遲疑而還曾未出險風雨驟至弓矢盡壞壞不戰而自潰天子亦既知之汝所恃者山海之險瘴癘之惡耳且雲南與嶺南之人習俗同而技力等今發而用之繼以北方勁旅汝復能抗哉汝戰不利不過遁入海中島夷乘霧必來寇抄汝汝食少不能支必為彼屈汝為其臣孰若為天子臣乎今

汝言東越而拒汝者亦畏我大國之爾與也聖天子有德於汝甚厚前年之師殊非上意邊將饒汝汝曾不

情輒稱兵抗逐我使人以爲我大國之師今禍且至矣惟世子計之日燭拜且泣曰公言良是天子使公來必能活我北面再拜誓死不致忘天子德遂迎立道入出奇寶爲賄拒不要日燭入朝日燭曰貪生畏人之常情誠有詔貸以不死臣將何辭乃先遣其臣阮代之何惟嚴等隨立道上表謝罪修歲貢之禮如初且言所以願朝之意廷臣有害其功者以爲必先朝而後赦日燭懼卒不至謂按通鑑輯覽御批安南真國不臣屬于王謂按通鑑輯覽天討若其爲窮荒弁服不足以煩勅師徒則當早持以靖定之世南文終於極化皆由措置乖方不能使之嚮懷極耳入朝款涉勢仍然抗命不至豈不自損威重遠元元之世南文終於極化皆由措置乖方不能使之嚮懷極耳入

二十八年度陝西漢中道肅政廉訪使三十年皇曾孫孫克緞封梁王出鎮雲南大德二年廷議求舊臣可爲王輔者復以立道爲雲南行省參政視事期月卒立道凡三使安南官雲南最久土人德之立祠廟善國按原今據傳改正城西所著詩文有效古集平蜀總論安南錄雲南風土記六語通說若干卷子元雲南行省左右司郎中

張庭珍字國寶臨潢全州人父楨金商州南倉使歲壬辰籍其民數千來降太宗命爲北京都督運使因家焉憲宗卽位以庭珍爲筆目齊高麗不請命徙居江華島遣庭珍詰問之其王言大軍歲入侵掠避而走險非得已也且賂庭珍庭珍卻之歸以狀聞帝爲禁兵無擅入其地高麗以安世祖卽位自將北伐以庭珍熟知西京入漢南路遣立沙井諸驛兼給糧運至元六年安南入貢不時以庭珍爲安南國達嚙嚙齊按安南國傳以呼魯哈雅年並至元五年由吐蕃大理諸蠻至其地世子光炳立受詔庭珍責之曰皇帝不欲以汝土地爲郡縣而聽汝稱藩

遣使諭脅德至厚也王猶與宋爲唇齒爰自尊大今百萬之師圍襄陽拔在旦夕席卷漢江則宋亡矣王將何恃且雲南兵不兩月可至汝黨覆汝宗祀有不難者其審謀之光炳惶恐下拜受詔既而語庭珍曰聖天子憐我而使者來多無禮汝官朝列我王也相與抗禮古有之乎庭珍曰有之王人雖微序於諸侯之上光炳曰汝過益州

欽定續通志 卷四百八十一 列傳



見雲南王拜否庭珍曰雲南王天子之子汝蠻夷小邦特假以王號豈得與親王比況天子命我爲安南長位居汝上耶光炳曰既稱大國何索吾犀象庭珍曰貢獻方物薄臣職也光炳無以對使衛兵露刃環立以恐庭珍庭珍解所佩弓刀坦臥室中曰聽汝何爲光炳及羣下皆服按安南國傳七年中書省移使黃力光十受復不移其實之十二年光炳又請庭珍入國謂按通鑑輯覽明年遣使隨入貢庭珍見帝具以聞帝大悅命付翰林紀之授襄陽行省郎中會宋將呂文煥遣黑楊都統來議納款將遣之還報庭珍曰彼來或以計胡我未能必其果降此人呂氏腹心不如留之以伐其謀元帥阿珠然之乃留不遣明日文煥舉城降累遷開封府尹開封有控鶴軍士十餘人實大宅聚居縱橫街陌庭珍始至察其必爲盜急捕之得寶玩器服子女滿室窮索其黨俱殺之民以爲神河決太原漂溺千里庭珍括商人漁子船及縲木爲筏載糧糧四出救之全活甚衆水入善利門庭珍親督夫運薪上捍之不能止乃頽城爲堰水既退卽募民增外防百三十里人免水憂俄卒於官庭珍性清慎丞相巴延嘗語人曰諸將渡江無不荒貪唯我與國寶始終自守聞者以爲知言弟庭瑞

庭瑞字天表以宿衛從憲宗伐蜀爲先鋒中統二年授元帥府參議留戍青居諸軍攻開州達州庭瑞將兵城虎

嘯山扼二州路宋將復取以師數萬圍之城當礮皆穿窬柵以守柵壞更依大樹張牛馬皮以拒礮實知城中人飲於湖外絕其水庭瑞取人畜沒沸煮之濕土中以洩臭人日飲數合唇皆瘡裂堅守踰月援兵不敢進庭瑞度宋兵稍懈夜劫營營宋兵驚潰殺都統樂俊等五人庭瑞亦被傷數處以功授知高唐州徙四川屯田經略副使東西川行樞密院發兵圍重慶朝廷知庭瑞練習軍事換成都總管毋楫兵仗糧儲皆倚以辦蜀平陸諸蠻東部宣慰使礮門羌與婦人老幼入市爭價殺人礮門魚通司繫其人羌爲怒斷繩縲謀入劫之左丞汪惟正問計庭

瑄曰羌俗暴悍以鬪殺爲勇今如蜂毒一人而卽以門牆之寇待之不可宜遣使往諭彼悟當自回矣惟正曰使者無過於君遂從數騎抵羌界羌陳兵以待庭瑞進前讓之其酋長棄槍弩羅拜乃論殺人者餘盡遣之遂與約自今交市者以彌門爲界無相出入官買蜀茶增價鬻於羌人以爲患庭瑞定每引納二緡而付文券與民聽其自市羌蜀便之都掌蠻叛善飛槍聯松枝爲牌自蔽命庭瑞討之所射矢出其牌半箭斃驚卽請服授敘州等處轉東部宣撫使改潭州路總管時湖廣省臣方剝民爲功庭瑞知不可奪乃辭歸卒于家

張惠字廷傑成都新繁人宋尚書右僕射商英之裔孫也年十四國兵入蜀被俘至杭海居數年盡通諸國語丞相茂蘇薦之入侍世祖藩邸以謹敏稱賜名烏爾古蘇爾圖世祖卽位授燕京宣慰副使爲政寬簡奏免分數錢壙銷磁局至元年遷參知政事行省山東贖俘囚三百餘家爲民其不能歸者使爲僧建寺居之李璫之亂山東民被掠者衆惠至大括軍中悉縱之又奏選良吏去冗官以蘇民困累遷中書右丞十二年巴延伐宋詔惠主饋餉凡江淮錢穀皆領之十三年宋降巴延命惠等入城按閱府庫版籍收太廟及景靈宮禮樂器物册寶郊天儀仗籍江南民爲工匠凡三十萬戶惠選有藝業者十餘萬戶餘悉遷爲民巴延以宋主北去俾惠居守惠不待命輒啟府庫貯鑰事聞詔詰責徵還京師二十年拜參政事行省揚州十二年改杭州至無錫卒惠所至有能聲及老頗以沉浮取譏按世祖紀載同哈刺子呼通子此亦浮沉取譏之一節也子遵誨

劉好禮字敬之保定完州人憲宗時廉訪府辟爲參議至元年以待俄廉希逸薦召見言舉人材數事稱旨五年應詔建言凡有司奏請官啟皇太子俾得閱習庶政以社稷生民之福陝西重地宜封皇子諸王以鎮之創築都城宜給直以市民地選格不宜以中統三年爲限後是者不錄帝然其言敕中書省施行七年遷益蘭州等

欽定續通志 卷四百八十一 列傳

益蘭距京師九千餘里民俗不知陶冶水無舟

航好禮請工匠於朝以教其民便之或言權鹽酒可以佐經費好禮曰朝廷設官要荒務以綏遠豈欲奪其利耶言者慚服十年北方諸王叛執好禮軍中其大將以好禮善應對釋之十六年叛王召好禮至欠穴州曰皇帝疑我至有今日好禮曰不疑果疑王召王至京師首遣之耶明年好禮率衆走別部守陁以待兵至遇叛王軍追之西踰雪峨嶺好禮自度踰是則無望生趨遂以衣服賂其下始獲東出鐵壁山口間道南走數日從者繼至中道糧絕捕獵以爲食至珠爾海始與戍兵接得乘傳至昌州入見帝賜之食與鈔十八年授潭州路總管十九年入爲刑部尚書改吏部二十一年出爲北京路總管再入爲戶部尚書二十五年卒子晏河西隴右道肅政廉訪使

王國昌膠州高密人初爲膠州千戶中統元年入覲世祖察其能遷左武衛親軍千戶召問軍旅事國昌奏對甚悉帝嘉之至元五年有上書言高麗境內黑山海道至宋境爲近帝命國昌往視泛海千餘里風濤洶湧從者恐勸遣國昌神色自若徐曰奉天子威命未畢事而遽返可乎遂至黑山乃遣帝延見慰勞時東夷皆內屬惟日本不受正朔帝知時會與中國通遣使諭以威德令國昌率兵護送道經高麗會高麗有叛臣據珍島因與經略使茂圖史樞等攻拔之八年日本國傳復遣使往日本命國昌屯於高麗之義安郡以爲援卒於軍子通嗣通嗣襲千戶十二年從諸軍伐宋渡江鎮鄂州時潭州不下兵薄其城通以千人破其柵宋兵遁去通縱兵追擊殺獲甚衆從攻靜江下之十五年上書言南方已定而北陲未安請屯田於和林率所部自効帝慰勞遣之從破敵兵於金山俘獲生口及馬羊牛駝不可勝計從討叛王納延又屯田瓜沙諸州武宗卽位遷屯備衛親軍都指

擢使鎮海口以疾卒

姜瓖字文卿萊州萊陽人父椿避亂依濟南張家因家焉或穎悟好學蒙守濟南辟為掾升參議官中統二年或與榮孫宏入朝因言益都李璿反狀已露宜先其未發制之不報明年璿果反與據濟南或棄家從榮招集散亡迎諸王哈必齊進討之捕得生口言城中糧盡勢感或乃請見王曰聞王陛辭面受詔曰發兵誅叛毋及無辜今日夕城且破王官早諭諸將分守城門勿令縱兵不然城中無噍類矣王曰汝言城破解陰陽耶或曰以人事知之若待城破言之晚矣王悟明日賊眾開門出降王下令諸軍敢入城者論以軍法璿就擒城中按堵如故或以功授大都督府參議改知濱州時行營軍士多占民田為牧地縱牛馬壞民禾稼或言於中書遣官分畫疆畔捕其強猾者實之法乃謀民種桑歲除新桑徧野人名為太守桑及遼東平府判官民遮請留馬為之不行至元五年為河北河南道提刑按察使累遷行臺御史中丞以老病歸濟南尋擢燕南北道提刑按察使三十年卒子迪吉

張礎字可用其先渤海人父範為真定勸農官因家焉礎業儒歲丙辰平章廉希憲薦於世祖潛邸時真定為諸王額喀布格分地以礎不附己銜之遣使言於世祖曰張礎我分地中人當以歸我世祖命使者復曰兄弟至親寧有彼此且我方有事於宋如礎者實所倚待天下平定當遣還也己未從伐宋凡徵發軍旅文檄悉出其手中統元年立中書省以礎權左右司事尋出為彰德路拘權官歷知獻州威州有婦人乘驢過市者投下官昂吉之奴引鳴鑼射婦人墜地奴匿昂吉家礎將以其事聞昂吉懼乃出其奴論如法至元十四年擢江南浙西道提刑按察副使宣慰使實哩魯暴掠良民為奴礎劾黜之遂安縣民聚眾負險為亂命礎與同知浙西道宣慰使劉欽定續通志卷四百八十一列傳

官領兵捕之礎曰江南新附守吏或失撫綏宜遣人招諭以全眾命宣不可礎曰諭之不來加誅未晚從之逆黨果自縛請罪礎釋之宣乃歎服遷嶺南廣西道提刑按察使宣慰使伊塔圖強奪民財礎按其罪後改授安豐路總管三十一年卒於官封清河郡公諡文敏子淑衛輝路推官

呂莖字伯充河內人父佑歸附初隸兵籍轉徙北郡復至關中家焉廉希憲撫京兆聘許衡教授生徒或從衡學衡為國子祭酒莖為伴讀至元十三年擢陝西道提察使知事未行會宋降者言襄漢新附民情未安有呂子開者向為襄陽制置司參謀官今退居鄂其人悉知宋事宜徵用之朝廷議遣使而難其人盛聞之慨然請行借子開入覲陳安撫襄漢便宜詔以子開為翰林直學士辭不就十四年授莖四川行樞密院都事時宋制置使張珪守重慶安撫使王立守合州詔樞府分兵取之李德輝行西院事於成都獲立偵卒張邵等數人將殺之莖曰彼不即降者以昔嘗抗命懼誅耳今宜釋邵等俾歸諭立未幾立果遣邵等實蠹書至成都德輝請與東院同受降後期不至德輝承制授立仍為安撫使知合州開倉賑民禁戕戮掠瀘敘崇慶思播慶萬等郡聞之相繼送款東院恥無功誣德輝越境邀功械立於長安獄將誅之莖適以事至京師言於許衡衡白留守賀仁傑送奏釋立仍舊官莖亦以平定功陞四川行省左右司郎中三十年改華州知州勸農興學具有成效及代民爭留之大德中河東關隴地震月餘不止莖與集賢學士蕭巖設問答數千言以究其理且移書廟堂陳救災弭患之道仁宗即位召拜翰林侍讀學士時方議行科舉莖曰經明行修質而少華非惟士有實行國家亦當得真才以登治平未幾致仕遣使給驛還關中卒追封東平郡公諡文穆子三人果棗楨皆顯仕

王惲字仲謀衛州汲縣人父天鏗金正大初以律學中首選仕至戶部主事惲好學喜屬文與東魯王博文渤海

王旭齊名中統元年左丞姚樞宣撫東平辟爲詳議官時省部初建令諸路合上儒吏之能理財者一人憚以選

至京師上書論時政擢爲中書省詳定官性慷慨自若中堂事記云初高麗國相有書致寄元植於會府欲令憚爲

副通止二年轉翰林修撰同知制誥尋兼中書省左右司都事治錢穀議典禮考制度咸究所長至元五年建御

史臺首拜監察御史論事凡百五十餘章時都水劉鼓交結權勢沒官糧四十餘萬石憚暴其姦利又言最監修

太廟畢功特轉官錫賞今纔數年梁柱摧朽事涉不敬宜論如法鼓竟以憂卒九年出爲平陽路總管府判官十

四年除翰林行制拜燕南河北道按察副使十八年裕宗在東宮憚進承華事略其目曰廣孝立愛端本進學擇

術謹習聽政遠聽撫軍崇儒親賢去邪納諷幾諫從諫推恩尙儉戒逸知賢審官凡二十篇明分一節帝宗紀德平下無

如實一異裕宗覽之喜甚令諸皇孫傳觀稱其書裨益良多十九年改山東東西道提刑按察副使在官一年以

疾還衛二十二年召爲左司郎中時右丞盧世榮以聚斂進用屢趣之不赴或問其故憚曰力小任大劉眾利已

未聞能全者遠之尙恐見挽況可近乎二十六年擢福建閩海道提刑按察使奏言福建所轄郡縣五十餘連山

距海實爲邊徼重地而民情輕詭由平定以來官吏貪殘故山寇往往嚙聚愚民因而蟻附及官兵致討復蹂躪

之甚非朝廷一視同仁之意今行省官僚尙缺宜復選清望素著者使鎮靜之庶幾治安可期矣時行省討劇賊

鍾明亮無功憚復條陳利害曰福建歸附之民戶幾百萬黃華一變十去四五今劇賊猖獗又酷於華況其地有

溪山之險東擊西出沒難測招之不降攻之不免宜選精兵甲明號令專命重臣節制以討討之使彼勢窮力

竭庶可取也二十八年召至京師見帝於柳林行宮上萬言書極諫時授翰林學士成宗卽位獻守成事鑑一

十五篇所論悉本諸經旨元貞元年加知制誥同修國史奉敕纂修世祖實錄因集聖訓六卷上之大德五年乞

欽定續通志卷四百八十一列傳

致仕授其子公孺爲衛州推官以便養八年卒追封太原郡公諡文定其著述有相鑑五十卷汲郡志十五卷承

華事略中堂事記烏臺筆話并雜著詩文合爲一百卷

陳祐天祥 劉宣 何榮祖 陳思濟 秦長卿 趙興霖 姚天福 許國禎原

陳祐一名天祐字慶甫趙州靈晉人少好學家貧母張氏嘗剪髮易書使讀之歲癸丑穆王分土于陝洛表祐為河南府總管甫下車禮金季名士李國維楊某李微薛元咨訪治道奏免征西軍數百家及椒竹諸稅糧料等錢世祖即位分陝洛為河南西路真除祐為總管以清慎稱至元年二調官法行改南京路治中適東方大蝗徐郁尤甚責捕至急祐曰捕蝗慮其傷稼也今蝗雖盛而穀已熟不如令早刈之庶力省而有得三年朝廷授衛輝路總管申明法令創立孔子廟修比干墓且請于朝著于祀典嘗上書言樹太平之本有三一曰太子國本建立宜

早二曰中書政本責成宜專三曰人材治本選舉宜審時論稱之六年留提刑按察司首以祐為山東東西道提刑按察使西道至元六年以提刑按察司兼勸農事與此不合時中書尚書二省並立帝厭其煩欲合為一集大臣雜議祐還朝命預議阿哈瑪特為尚書平章欲奏升中書右丞相安圖為太師因罷中書省懼祐有異議許進祐尚書參知政事以昭之及入議極極言中書政本祖宗所立不可罷三公古官今徒存其虛位未須設事遂寢

阿哈瑪特怒其忤己除中興等路行尚書省專會朝廷大舉伐宋遣祐僉軍山東民多逃匿聞祐來皆曰陳按察來必無私遂皆出應期而辦十二年轉南京總管兼開封府尹吏多震懼失措祐因謂曰何必若是前為盜竊今為類子吾以類子待之前為盜竊吾以盜竊待之由是吏知修飭不敢弄法許蔡間有巨盜祐捕之

欽定續通志 卷四百八十二 列傳

急逃入宋境宋亡隨制置夏貴過汴祐斥下馬搥殺之民間帖然十四年遷浙東道宣慰使時江南初附軍士俘獲溫台民數千口祐悉奪還之未幾行省權民商酒稅祐請曰兵火之餘傷殘之民宜從寬恤不報遣祐檢覆慶元台州民田及還至新昌值玉山鄉盜倉猝不及備遂遇害陳祐諱思濟濟州中時或與新昌玉山山嶺追封河南郡公諡忠定祐能詩文有節齋集子慶芍跋屯田萬戶初在揚州聞父遇盜死泣請于行省願復父讎擒其賊魁戮于紹興市孫思謙自有傳弟天祥

天祥字吉甫因兄祐仕河南徙家洛陽少隸軍籍善騎射李壇據濮南結宋為外援河北河南宣慰司承制授天祥于戶屯田汜口防遏宋兵事平罷歸居偃師南山躬耕讀書從遊者日眾其居近緱氏山因號緱山先生至元十一年為郟復州等處招討司經歷從國兵渡江論軍事深為行省參政賈居貞所器十三年與國軍以籍兵器致亂行省命天祥權知本軍事甫入境父老來謁諭之曰捍衛鄉井誠不可無兵任事者籍之過當故致亂爾

今令汝輩權置兵仗自衛何如衆稱便乃條其事于行省行省許以便宜處置由是流移復業以至隣郡之民來歸者相繼天祥命以士家為甲十甲有長弛兵禁以從民便人心既安軍勢稍振用土兵收李必聰山寨不戮一人他寨聞之各自散去境內悉平時州縣官吏未有俸祿天祥從便規措而月給之以止其貪民用弗擾居歲餘代者至變更舊政治隱匿兵者甚急未幾興國復變鄰郡壽昌府及大江南北諸城邑多棄勢殺守將以應之聲言攻陽羅堡鄂州大震天祥言于居貞曰陽羅堡依山為壘素有嚴備彼若來攻我之利也且南人浮躁輕進易

退官軍憑高據險區區烏合之眾輒來相敵死傷必多遁逃者十八九我出精兵以擊之乘勝取黃州壽昌如摧枯拉朽耳居貞深然之力趣行省進兵次青山明日大敗其眾如天祥所料初行省聞變執鄂州城中南人將

殺之以防內應居貞救之不能得天祥曰是州之人與彼勢本不相接欲殺之者利其財耳力止之至是被執者皆縱去復遣天祥權知壽昌府事爲亂者聞官軍至皆棄城依險自保天祥遺諭各歸田里惟推攬首斬于鄂州市由是無復叛者二十一年拜監察御史會右丞盧世榮以聚斂驟升執政御史中丞崔或言之帝怒欲致之法世榮欲益張左司郎中周賤因議事微有可否世榮誣以沮法奏合杖一百然後斬之于是臣僚震懼無敢言者世榮並在此二十二年天祥上疏極言世榮姦逼其略曰世榮以商販所獲之貲趨附權臣營求入仕擢江西榷茶轉運使屢犯職私動以萬計已經追納今竟不悛在悍愈甚雖居丞轄實專大政恣行苛刻大肆誅求欲以一歲之期將致十年之積考其行事不副所言始言能令鈔法如舊鈔今愈虛始言能令百物自賤物今愈貴始言課程增添三三萬錠不取于民而辦今却迫脅諸路官司增數包認凡若所爲動爲民擾脫不早有更張須其自敗正猶蠹雖除去木病亦深矣疏聞帝使召天祥與世榮俱至上都面質之縛世榮于宮門外明日入對天祥于帝前再舉其所言與未及盡言者帝皆稱善世榮遂伏誅朝廷錄天祥平輿國壽昌功擢吏部郎中二十三年除治書侍御史命理算湖北湖南行省錢穀至鄂州卽上疏劾平章約蘇穆爾以暴不法時僧格竊國柄與爲姻黨誣天祥以罪欲致之死繫獄幾四百日二十五年遇赦得釋元貞年授山東西道廉訪使時盜賊羣起山東居多詔求弭盜方略天祥奏曰古者盜賊之起各有所因除歲凶饑饉饑饉之天時宜且勿論他如軍旅不息工役薦興苛斂繁刑皆足致盜中尚保護存養之者赦令是也赦者小人之幸君子之不幸彼強梁之徒執兵殺人有司盡力以擒之朝廷加恩以釋之巨脫縲囚暮卽行劫既不感恩又不畏法兇殘悖逆誠非善化能移惟以嚴刑可制所擬事條皆切于時弊于是嚴督有司捕殺積盜南至漢江二千餘里無得脫者平陰

欽定續通志卷四百八十一列傳

縣女子劉金蓮假妖術以惑衆所至官爲立神堂勢寢大天祥命擊之杖于市自此神淫屏息大德三年遷河北河南廉訪使六年擢河南行臺御史中丞上章論征西南夷事曰八百媳婦國乃荒裔小邦劉深欺上罔下帥兵伐之經過八番縱橫自恣中途變生所在皆叛既不能制亂反爲亂衆所制倉皇退走喪兵十八九棄地千餘里朝廷再發四省軍以圖收復湖北湖南大起丁夫運糧至二十餘萬正當農時興此大役比聞從征敗卒言西南遠夷皆重山複嶺陡澗深窄軍行徑路僅容一人一騎上如登天下如入井又其瘴毒之氣皆能傷人羣蠻知大軍至或乘險邀擊或清野遠遁阻其要害以老我師進不得前旁無所掠將有不戰自困者矣且自征伐倭國占城交趾瓜哇緬國以來近三十年未嘗見有尺土一民內屬之益計其所費錢財死損軍數可勝言哉去歲西征及今此舉亦復何異乞早正深罪下明詔招諭彼必自相歸順未須遠勞王師與區區小醜爭一旦之勝負也若謂欲罷不能亦當詳審成敗算定而行彼諸蠻皆烏合之徒必無久能同心敵我之理急之則相救緩之則相疑以計使之互相讎怨待彼有可乘之隙我有可動之時徐命諸軍數道俱進服從者恩之以仁拒敵者威之以武威威相濟功乃易成若舍恩在威臨深覆轍恐他日之患有甚于今日也不報遂謝病歸七年召拜集賢大學士商議中書省事八月地震河東尤其詔問弭災之道天祥上章極言陰陽不和天地不位皆人事失宜所致執政者抑不以聞天祥自被召至京且一歲未嘗得見帝言事常鬱鬱不自釋久之移疾去至通州中書追留之不返帝聞賜鈔五千貫仍命給傳專官護送至家天祥望闕拜謝辭所賜鈔而行九年拜中書右丞使者五致詔不起仁宗卽位復遣使召之以老疾辭延祐三年卒于家追封趙國公諡文忠

劉宣字伯宣其先潞人也金末避陝徙太原宣沉毅清介自幼喜讀書有經世志宣撫張德輝至河東見而器之

寸進今臺綱不張有一蛇二首之患陛下不急拯之久則紊不可理帝詔伊蘇特穆爾及博囉諭之博囉以年少引退天福時按行畿內有出使者凌民取賄天福乃易服閒行得其狀奏戮之以徇臺右懼服十二年詔罷各道按察司天福白御史大夫曰是司之設所以廣視聽真非常慮至深遠不但繩有司已也大夫駭然曰微公言幾失之夜入帝臥內奏其言帝大悟詔復立之權臣不悅左遷天福衡州路同知阿哈富 殊理 神道 拜云 會 屬 北 宰 國 宰 相 監 獄 及 耶 相 監 獄 無 所 得 斥 還 衡 州 水 傳 未 詳 詳 載 附 錄 于 此 起 為 河 東 道 提 刑 按 察 副 使 時 北 鄙 兵 興 轉 脫 累 數 科 外 得 事 故 盡 羅 織 奇 毒 天 福 抗 言 曰 興 行 皆 謂 書 言 起 為 河 東 道 提 刑 按 察 副 使 時 北 鄙 兵 興 轉 輸 煩 急 河 東 民 苦 徭 役 天 福 以 反 側 為 憂 劾 執政 失 計 奏 罷 其 役 十 六 年 江 南 既 平 授 淮 西 道 按 察 使 二 十 年 遷 山 北 道 按 察 使 其 民 鮮 知 稼 穡 天 福 教 以 樹 藝 皆 致 蕃 富 三 十 一 年 歷 授 陝 西 漢 中 道 肅 政 廉 訪 使 尋 除 眞 定 路 總 管 眞 定 驛 傳 之 需 多 為 民 害 天 福 更 議 措 置 之 方 省 臣 以 其 事 論 詔 從 之 殞 其 制 為 天 下 式 大 德 四 年 拜 參 知 政 事 大 都 路 總 管 兼 大 興 府 尹 六 年 以 疾 卒 初 天 福 拜 御 史 時 其 母 戒 之 曰 古 稱 公 爾 志 私 委 質 為 臣 當 罄 所 衷 以 塞 其 職 勿 以 我 為 蚍 天 福 亦 請 于 憲 府 曰 監 察 責 嘗 言 路 有 犯 無 隱 苟 獲 讞 乞 不 為 親 累 或 以 聞 帝 嘆 曰 巴 爾 斯 母 子 義 烈 之 言 當 于 古 人 中 求 之 子 祖 舜 祕 書 監 著 作 郎 侃 內 藏 庫 副 使

許國禎字進之絳州曲沃人世業醫國禎博通經史尤精醫術世祖在潛邸微至瀚海留學醫藥莊聖太后有疾國禎治之刻期而愈拜姓王王妃病目治者用鍼誤損其明世祖怒欲坐以死國禎從容諫曰罪固當死然原其情乃恐怖失次所致即誅之後誰敢復進者世祖意解且獎之曰國禎之直可作諫官世祖過飲馬渾得足疾國禎進藥味苦却不服國禎曰古人有言良藥苦口利于病忠言逆耳利于行已而足疾再作世祖曰不聽汝言果因斯疾對曰良藥苦口既知之矣忠言逆耳願留意焉世祖大悅癸丑從征雲南機密皆得參與已未圍鄂州獲宋

欽定續通志 卷四百八十一 列傳

人數百族諸將欲盡坑之國禎力請止誅其兇暴餘皆獲免及師還招降民數十萬口疲餓顛仆者盈道國禎請發蔡州軍儲備賑之全活甚眾世祖即位提點太醫院事至元十二年遷禮部尚書國禎嘗上疏言慎財賦禁服色明法律嚴武備設諫官均衛兵建學校立朝儀事多施行凡所薦引皆知名士亦歸重之帝與近臣言及勳舊大臣因謂國禎曰朕昔出征同僚艱難者惟卿數人在爾遂拜集賢大學士卒諡忠憲後追封衛國公子辰辰字君輔一名和爾果斯從父國禎事世祖于潛邸世祖喜之賜今名俾從許衡學入備宿衛每外國使至必命與之語辭理明辨莫不傾服改尚醫太監有竊大安閣禮神之幣者將誅之羣臣莫敢言和爾果斯獨諫曰敬神善事也因置人于死地臣恐神不享所祭帝即命釋之與丞相安圖善國政多所贊益價格忌之數譖于帝不聽價格攬于左掖門帝命和爾果斯往唾其面辭不可帝稱其仁厚成宗朝出為陝西行中書省有丞時關中饑發倉粟賑之同列以未得請于朝不可和爾果斯曰民為邦本今饑饉如此若俟命下無及矣擅發之罪當獨任之不以累公等遂大發粟不數日命亦下明年旱禱于終南山而雨歲以大熟民皆畫像祀之尋召還以足疾不能行特敕乘小輿入禁中訪以舊事特授大司徒食其祿終身追封趙國公諡僖簡

賀仁傑 賈實喇 劉哈喇巴圖爾 舒穆魯明里 謝仲溫 高鶻 張九思 王伯勝

賀仁傑字寬甫京兆鄠人父實有才略善攻戰關中兵後積屍滿野實買地金天門外為大塚收瘞之嘗治室於毀垣中得白金七千五百兩時世祖以太弟受詔征雲南駐大盤山持往獻之世祖曰天以賜汝焉用獻對曰殿下新封秦金出秦地此天以授殿下臣不敢私願以助軍且言其子仁傑可用狀即召入宿衛世祖即位授實總管京兆諸軍鄂囉木追封雍國公諡真憲仁傑從世祖南征雲南北征納顏皆著勞績與董文忠居中事上同志協力多所裨益帝深重之至元十三年宋平川蜀久不下四川制置使張珪守重慶合州安撫使王立守釣魚山相拒二十餘年詔建東西行樞密院分兵進攻哈坦岳爾濟蘇領東院攻釣魚山布哈李德輝領西院攻重慶德輝至釣魚山受王立降東院誣奏德輝越境邀功并下立長安獄仁傑為言於帝帝召樞臣責之曰汝等以人命為戲耶今召王立立生則已死則汝等亦從之立至仍以為合州安撫使帝一日召仁傑至榻前出白金謂之曰此汝父大盤所獻者聞汝母來可持以歸養辭不許乃歸白母盡散之宗族帝欲選民間童女充後宮及有司買物多非其土產山後鹽禁久為民害仁傑皆奏罷之十七年上都留守闕宰相擬廷臣以十數皆不納帝顧仁傑曰無以易卿者特授上都留守兼北路總管開平府尹明年進中書右丞價格用事奏上都錢穀多失實召留守呼魯魯爾及仁傑廷辯仁傑曰臣漢人不能兼吏戡姦致錢穀耗傷臣之罪呼魯魯爾曰臣為長印在臣手事未欽定續通志 卷四百八十三 列傳

有平關白而能行者臣之罪帝曰以爵讓入者有之未有爭咎歸己者置勿問仁傑在官五十餘年為留守者居半車駕春秋行幸出入供億本嘗致責譴其妻劉沒帝欲為娶貴族固辭乃娶民間女已而喪明相敬如初大德九年請老以子勝襲仁宗入清內難世祖舊臣欲有所咨訪召赴闕行至樅橋而卒追封雍國公諡忠貞延祐六年追封奉元王子勝自有傳

賈實喇燕之大興人歲甲申從睿宗於和林典司御膳以其曠黃賜名實喇甚親幸之世祖即位立尚食尚藥二局命提點局事兼領進納膳生料年老謝事卒追封開喜郡侯諡敬懿子酬尼嘗從征雲南躍馬入水斫戰船破其軍帝奇其勇敢已未從伐宋還自鄂州卒追封臨汾郡公諡顯毅子和爾齊智勇絕人頗呼布格之拔出其家名馬以助軍從幸和林中道值大風晝晦敵猝至擊走之嘗入侍帝問治天下何為本曰重農為本何為先曰用賢為先帝深喜之超拜宣徽使辭改院院事仍領尚膳使卒子圖沁布哈貽世職為尚藥尚食局提點世祖以故家子獨奇之謂他日可大用使在左右從征納顏軍次杭愛敵猝至帝令急擊之擒其首將以歸移軍輝罕敵兵千人鼓譟以進圖沁布哈奮擊身被十餘創獨力戰復大破之杭愛叛者請降眾議誅之圖沁布哈獨曰杭愛本吾人或誘之以叛豈其本心哉且兵法殺降不祥宜赦之帝然其言升同僉宣徽院事每論政帝前言直而氣不懣令察宿衛士有才器者以聞論薦數十人用之皆稱職成宗即位請侯王會于上京凡芻蕘宴享之節賜予多寡疏戚之分無不出當帝喜曰宣徽得圖沁布哈足矣進同知宣徽院事大德九年朔方克曠倫都大雪奏買駝馬補其死損出衣幣於內府身往給之全活數萬人至大二年詔出金帛大賚北邊以圖沁布哈明習事宜使朝車中與主帥定議分給之諸部大悅拜宣徽使為同官賈廷瑞所嫉廷瑞請以宣徽院為問下省尚書省奏廷

瑞擅易官制帝大怒欲殺之圖沁布哈力諫不可帝曰賈廷瑞毀卿不直一錢卿何力言邪對曰廷瑞所坐不當死不敢以臣私隙陳陛下失刑遂得免延祐四年朔方復被風雪爲災圖沁布哈請賑之如大德時特克寶王廷顯皆同官也仁宗賜特克寶海船圖沁布哈曰此軍國之所資上不宜賜下不宜受又賜孛顯玉帶廷顯欲取大官羊錢萬緡充其價執不可於是怨之者衆英宗即位特克寶竟譖殺之後特克寶以大逆伏誅事乃白追封冀國公諡忠隱後進封襄安王加封其曾祖實喇祖酬尼貴爲絳國公父和爾齊爲臨汾王

劉哈喇巴圖爾河東人家世業醫至元八年世祖駐蹕白海以近臣言得召見遂留侍左右初賜名哈喇鄂拓克齊十七年擢太醫院管勾鈎里濟波宗王布色特穆爾奉命往征帝諭哈喇巴圖爾曰當行者多避事汝善醫復習騎射能從行乎對曰事君不辭難臣不行將何爲卽請授甲帝曰汝安用甲對曰臣願備一戰士帝曰醫汝事也甲不可得惟賜以環刀弓矢裘馬等物將行問母疾請歸帝命給驛歸既見母不敢以遠役告母微知之謂曰汝第行我疾安矣遂辭去馳至王所及將戰從王請甲王曰帝不與我何故與因留之使領輜重哈喇巴圖爾不肯曰大丈夫當効命行陳乃守營帳如婦人耶見有甲者飲以酒高價取之明日被以往王望見其介而馳使人問之免言曰我也因慨然曰一人與吾萬人可激我爲萬人激耳中道三遇賊賊射之皆不中王喜其解衣衣之曰此所以識也既獲錫里濟命哈喇巴圖爾獻俘行宮帝見其瘡甚輒觸羊臄以賜既拜受先割其美者懷之帝問故對曰臣始與母訣今歸母幸存請以君賜遺之帝嘉其志以功授和林等處宣慰副使二十四年陞宣慰使二十五年海都犯邊尚書省以和林屯糧當得知緩急輕重者掌其出納奏用奇卜帝曰錢穀非奇卜所知哈喇鄂拓克齊可使也遂檄奇卜往二十六年海都兵至皇子北安王使來報與奇卜南行六日止巴爾布拉克欽定續通志卷四百八十三列傳

地距海都軍五六十里奇卜大懼曰事急矣不如順之哈喇巴圖爾見其有二心潛遁去奇卜遣騎追拒却之道遇送軍裝者護之至鹽海及入見帝喜曰人言汝陷賊乃能來耶更其名曰察罕鄂拓克齊二十七年遷河東山西道宣慰使唐二年召還帝諭之曰自此而北純種故地曰阿巴拉呼者產魚吾今立城而以額斯庫哈努森奇爾濟蘇三郡人居之名其城曰肇州汝往爲宣慰使仍別賜汝名曰小龍兒或曰哈喇巴圖爾汝可自擇之對曰龍非臣下所敢承帝曰然則哈喇巴圖爾可也既至定市里安民居一日得魚九尾皆千斤遣使來獻俄召還三十一年授咸平宣慰使元貞元年拜御史中丞行至懿州卒

舒穆魯明里契丹人世與內膳國制內膳爲近臣非篤敬素著者不得掌明里祖赫瞻事太祖睿宗嘗求之於帝帝聽往救之曰皇子方總兵闕地朕輟爾以事之能以事朕之恭事之將用黃金覆汝身矣後從太宗西征在道絕汲赫瞻晨起乘草上霜著糞以進睿宗問曰何從得水因告之故師還錫金帛甚厚中統初明里入見世祖命侍臣送明里於裕宗且曰此親臣之子也今以事汝令典膳事務裕宗嘗入侍從者十人四人列於明里上帝曰第五人非明里耶對曰然帝曰上之明里越一人立帝又曰更上之明里又越一人立帝曰止此出侍臣以明里後來反居上相與耳語帝問之曰明里之祖赫瞻事太祖睿宗以及朕兄弟爾時汝輩安在顧謂後來耶授典膳令食尚書祿以老

謝仲溫字君玉豐州豐縣人父睦歡以貴雄鄉曲間大兵南下轉營烏拉城太祖攻西夏過其城睦歡與其帥迎降從攻西京力戰先登負三矢仆城下太宗命軍校拔其矢剝牛裸而納諸腹中良久乃甦誓以死報每遇敵必身先之官至太原路金銀鐵冶造鹽礦齊仲溫略涉書史初見世祖於野狐嶺備備宿衛已未大軍圍鄂合督諸

將時守江軍士乏倉仲溫教之晉魚以充膳帝喜謂侍臣曰朕思不及此飲以駝乳他日不忘汝也一夕帝聞敵軍諱命警備仲溫奉繩牀帝憑其肩以行至旦不能寐申統元年擢平陽太原兩路宣撫使至元九年遷順德路總管時方用兵江淮有寡婦鬻子以償轉輸之直仲溫出俸金贖還之二十二年改淮東宣慰使歲旱仲溫導白水塘民田公私賴焉三十年入見帝曰汝非謝仲溫乎從容語及攻鄂時事帝喜甚諭曰汝將復官乎對曰臣老矣無能爲也有孫巴鄂特幸陛下憐之卽命備宿衛大德六年卒

高麗字彥解渤海人父守忠國初爲千戶歲甲戌從親王昆布哈攻黃州歿于兵觸事世祖備宿衛至元初立燕王爲皇太子詔選才備士充官屬以觸掌藝文兼領中醜官衛監門事又監作皇太子宮規制有法帝嘉之十八年授工部侍郎行同知王府都總管府事十九年皇太子從帝北幸時丞相阿哈瑪特留守大都專權貪忿益都千戶王善興和高尙等因構變謀殺之三月十七日觸宿衛宮中西舊僱二人至中書言今夕皇太子與國師來建佛寺省中疑之傳嘗出入東宮者雜視觸等皆不識也乃作西蕃語詢二僧曰皇太子及國師今至何處二僧失色又以漢語詰之倉皇莫能對遂執二僧屬吏訊之不伏觸恐有變乃與尙書張九思集衛士持弓矢爲備頃之樞密副使張易亦領兵駐宮外觸問果何爲易曰夜後當自見觸固問乃俯耳語曰皇太子來誅阿哈瑪特也夜二鼓忽聞人馬聲遙見燭籠儀仗將至宮門其一人前呼敵觸觸謂九思曰他時殿下還宮必以鄂勒哲賽音二人先請得見二人然後啟觸呼二人不應朗語之曰皇太子平日未嘗行此門今何來也賊計窮趨南門西走南門伺之但聞呼省官姓名燭影下見阿哈瑪特及左丞郝禎已被殺觸乃與九思大呼曰此賊也叱衛士急捕之著就擒黎明觸驛往上都以其事聞帝以中外未安當益嚴武備遂遣原還高和尙等尋伏誅久欽定續通志卷四百八十三列傳

之遷河南等路宣慰使卒

張九思字子有燕之宛平人父滋節州節度使至元二年九思入備宿衛裕宗居東宮一見奇之以父薩當補外

特留不遣江南平以宋庫藏金帛分授東宮都總管府主之九思以工部尙書兼府事十九年世祖巡幸上都皇太子從丞相阿哈瑪特留守妖僧高和尙千戶王善興謀殺之夜聚數百人爲儀衛稱太子入建德門直趨東宮傳令啟關其遽九思適宿宮中命主者不得擅啟關賊知不可給循垣趨南門外擊殺丞相阿哈瑪特左丞郝禎時變起倉卒衆莫知所爲九思叱宿衛士併力擊賊盡獲之賊之入也矯太子命徵兵樞密副使張易易不加審速以兵與之易既坐誅刑官復論以知情將傳首四方九思敢太子曰張易應變不審而授賊以兵死復何辭若坐以與謀則過矣請免傳首皇太子言於帝乃止九思計賊時右衛指揮使顏進在行中流矢卒怨家誣爲賊黨將籍其學九思力辯之得不坐是年立詹事院以九思爲丞選名儒上黨宋衛保定劉因曹南瓜爾佳之奇衷平李謙分任東宮官屬二十二年皇太子薨朝議欲罷詹事院九思抗言曰皇孫宗社人心所屬詹事所以輔成道德者也奈何罷之衆以爲允三十年進拜中書左丞詹事丞成宗嗣位改詹事院爲樞政以九思爲副使會修世祖裕宗實錄命兼領史事大德二年拜中書平章政事五年加大司徒六年卒

成集類書卷之四

張九思

王伯勝霸州文安人兄伯順給事內廷爲世祖所親幸因以弟入見命備宿衛帝顧謂伯順曰此兒當勝卿可名伯勝帝嘗沃盥水温洽甚稱旨帝曰此兒他日必知爲政達人情矣至元二十五年從征納顏以功授拱衛衛都指揮使初拱衛直隸教坊衛卒多市井無賴名及伯勝爲指揮使盡募良家子易之大德五年扈從上都天久雨夜圍城西北有聲如戰驟然伯勝率衛卒出視之乃大水暴至立具畚鍤築土石甃屬以塞門分決壕隄以泄

其勢至巨始定丞相鄂勒哲以開帝嘉之九年以待成宗疾忤安西王出爲大憲路總管伯順亦出爲梁王傅武宗即位爲大都留守兼少府監初大都土城歲必衣葦以禦雨日久土益堅勞費益甚伯勝奏罷之仁宗立拜遼陽行省平章遼陽省治懿州俗弊陋民不知學伯勝至爲增郡學弟子員擇賢師教之擇隙地爲館廡度閑田百頃募民耕種以給廩餼歲大旱齋戒步禱禱畢卽雨人謂之平章雨延祐二年復召爲大都留守遼陽民狀其行事乞留不報民涕泣而去至治二年奉詔監修文武樓榭咸宣殿建太廟泰定三年卒追封葡國公諡忠敏

欽定續通志

卷四百八十三

列傳

四

欽定續通志卷四百八十三終

省宣使使都顯李兼熙平章蒙古岱不法有詔勿問仍以顯等付蒙古岱鞠之繫獄抵死致達慮囚浙西知其冤將釋之蒙古岱誓以勢致遠不爲動親脫顯等械僧格當國治書侍御史陳天祥奏使湖廣幼平章約蘇穆爾僧格摘其疏中語誣以不道奏遣使逮訊行臺御史憚其威莫敢往致達慨然請行比至累章極論其誣僧格氣沮江西行省平章瑪哈穆特於商稅外橫加徵取呼遜籍鄉民爲匠戶轉運使盧世榮權茶牟利致遠并劫之又言占城日本不可涉海遠征徒費中國錢選限以南北優苦不均宜其最量地遠近立爲定制他如罷香蒞米弛竹課禁設司獄官醫學職員皆自致遠發之大德二年僉准西北道廉訪司事行部至和州得疾卒致遠清修苦節恥事權貴叢書萬卷名曰墨莊所著忍齋行篋四十卷釋奠通禮三卷杜詩纂例十卷集驗方二十卷集古印章三卷子七人

雷膺字彥正渾源人少孤母侯氏繼織爲業課膺讀書膺篤志於學事母以孝聞太宗時詔郡國設科選試凡占儒籍者復其家膺年甫弱冠得與其選遂以文學稱丞相史天澤鎮真定辟膺書記中統二年翰林承旨王鵬王鶯薦膺爲翰林修撰同知制誥兼國史院編修官至元二年拜監察御史首以正君心正朝廷百官爲言又斥聚斂之臣不宜作相十四年出爲山南湖北道提刑按察副使時江南新附諸將市功且利俘獲往往濫及無辜或強籍新民爲奴隸膺出令得還爲民者以數千計二十年遷行臺侍御史分司湖廣江西奏劾按察使二人及行省官吏之不法者二十二年以母憂去官明年起復授江南浙西道提刑按察使蘇湖多雨傷稼百姓艱食膺請於朝發廩米二十萬石振之行省謂其數太多議存三之一膺曰布宣皇澤惠養困窮行省臣職也豈可效有司出納之吝耶旋致仕歸老於山陽成宗即位朝會上都召諸故老諮詢國政膺爲稱首多所建白大德元年卒於欽定續通志卷四百八十四列傳

京追封馮翊郡公諡文穆子暨順德路總管府判官

胡祇遼字紹明磁州武安人少孤既長讀書見知於名流中統初張文謙宣撫大名辟爲員外郎至元年授應奉翰林文字調右司員外郎時阿哈瑪特當國進用羣小官冗事煩祇遼建言省官莫如省吏吏莫如省事以是忤權貴出爲太原路治中兼提舉本路鑛冶將以歲賦不辦責之及莅職乃以最閑累擢荆湖北道宣慰副使有佃民訴其田主謀不軌祇遼察其寃坐告者十九年改濟寧路總管上軍政八事於樞府曰役重曰逃戶曰貧難曰正身入役曰僞署文牒曰官吏保結曰有名無實曰合併偏頗樞府是之以其言著爲定法濟寧移治鉅野縣自經兵戈民居多未集風俗朴野祇遼選郡子弟擇師教之親爲講論期變其俗久之升山東東西道提刑按察使所至抑豪右扶寡弱以敦教化厲士風民有父子兄弟相訟者必懇切諭以天倫之重不獲已則繩以法召拜翰林學士不赴尋告歸二十九年朝廷徵耆德者十人祇遼爲首以疾辭三十年卒延祐五年贈禮部尚書諡文靖子持太常博士

王利用字國賓通州潞縣人幼穎悟弱冠與魏初同學遂齋名事世祖於滹州中統初命監鑄百司印章歷安肅汝靈趙四州知州入拜監察御史衢州有禁地民不得射獵其中遷者涇州民冒禁籍其家利用糾之遷者訴於上利用辨愈力以所沒入悉歸之民擢翰林待制兼與文書奉旨程試上都隆興等路儒士遷直學士與即律鑄同修實錄出爲四川提刑按察使都元帥塔爾海抑巫山縣民數百口爲奴民屢訴不決利用承檄覆問盡出爲民政安西興元兩路總管減職田租額站戶之役於他郡者悉除之有婦毒殺其夫問藥所從來吏教婦指富商所貨獄上利用曰家富而貧者藥豈人情哉訊之寃果白未幾致仕居漢中成宗朝大德二年又復後即成宗朝

起爲太子賓客疏上十七事曰謹畏天戒取法祖宗孝事母后敬奉至尊撫愛百姓敦本抑末清心聽政
真欲養身宜節飲財宜節用有功必賞有罪必罰杜絕諂言求納直諫官職量材而授工役相時而動俾近侍
時赴經筵講讀經史帝及太子嘉納之尋卒利用每言平生讀書於恕字稍有得廉希憲當時名相慎許可嘗語
人曰方今文章政事兼備者王國寶其人也武宗卽位封潞國公諡文貞

暢師文字紳甫南陽人父訥有詩名注地理指掌圖師文幼警悟不忘弱冠謁許衡與衡門人姚燧高凝相友善
至五年陳時政十六策丞相安國奇其才辟爲右三部令史十二年巴延伐宋選爲掾從定江南及歸舟中惟
載書籍十三年編平宋事蹟上之十六年除潼川路治中修府舍發地得銀五十錠同僚分取師文獨不受二十
三年入拜監察御史上所農桑輯要書二十四年遷陝西漢中道巡行勸農副使置義倉教民種藝法三十一
年改僉山南道廉訪司事松滋枝江有水患歲發民防水往返數百里民困於供給師文以江水安流悉罷其役
驅馬伊都呼家人怙勢不法師文治其甚惡者流之大德七年以疾家居十年起太常少卿轉翰林侍讀學士至
大元年預修成宗實錄三年請補外除太平路總管當塗民生殺牛祈雨因繫者六十餘人師文憫而出之公田
米積盈屋師文曰一官數口能盡食此乎悉散之皇慶二年復召入爲翰林侍讀學士奉旨撰王勃成道記序延
祐四年主考河南鄉試歸卒於傳舍追封魏郡公諡文肅子曰篤

張昭字彥明濟南人幼穎悟力學始補吏濟南上計壽陽行省有積年句考未輸銀一十萬五千兩昭條陳利害
切至遂獲免徵中統元年辟中書省掾俄遷右司提控案牘至元八年知齊州事時州境亢旱吏民懇禱不雨昭
始至甘雨霑足屬邑有桀黠吏挾官府肆爲暴橫積繩之以法杖出境外民害遂息十一年改授淮西行省左右

欽定續通志 卷四百八十四 別傳

司郎中丞相安塔哈領軍進攻瓜洲鎮江昭運糧儲給戰具發畫之力居多十三年揚州未下丞相阿珠攻之宋
將李庭芝棄城遁泰州昭領兵招諭置朱煥以城降升揚州路總管府達嚨噶齊商議行省事時行省在揚州
據南北要津昭撫綏勞來上下安之十六年改鎮江路請病歸購書八萬卷以萬卷送濟南府學資教育二十五
年卒追封清河郡侯諡敬惠子用中沂州山場同提舉

袁裕字仲寬洛陽人幼孤從兄避難聊城因家焉稍長嗜學中統初辟中書右司掾始建言給重囚衣糧藥藥賜
人至死者免籍其孥產止令出焚瘞錢後著爲令順天路民王住兒因鬪誤殺人其母年七十言於朝曰妾寡且
老恃此兒以爲生兒死則妾亦死矣裕言於執政乞宥之執政以聞帝從之囚得免死南京總管劉克與掠良民
爲奴隸後以孀制獲罪當籍奴產之半裕言於中書止籍其家奴得復爲良者數百至元六年遷開封府判官滑
州縣達嚨噶齊貪暴盛夏役民捕蝗禁不得飲水民不勝忿擊之而斃有司坐以大逆實極刑者七人連坐者五
十餘人裕曰達嚨噶齊自犯衆怒而死安可悉歸罪於民議誅首惡者一人餘各杖之部使者錄囚至縣疑其太
寬裕陳其狀於刑曹竟從裕議八年授西夏中興等路新民安撫副使時徙鄂民萬餘於西夏流離載道裕請於
朝計丁給地立三屯使耕以自養民德之又言西夏羌渾雜莠良莫辨宜驗已有從良書者則爲良民從之得八
千餘人官給牛具使力田爲農十八年調知南陽府明年召拜刑部侍郎出爲順德路總管郡有鐵冶提舉張鑑
錡子賈妾其妻妬而殺之裕捕其妻訊之服辜裕用法平允而嫉惡不少貸如此二十一年卒於官
張昉字顯卿東平汶上人性縝密確然有守嚴實行臺東平辟爲掾郡人有執左道惑眾者事覺逮捕詰誤其眾
諸僮佐莫敢言昉獨別白出數百人實才之進藏職時兵後吏曹難進不習文法東平民眾事繁簿填委謾無

統紀防坐曹與閩案贖左副右答事無留滯同里張氏以絲五款兩寄訪家他適俄而被火家人惶駭走避特用悉焚防力完府寄絲付張氏乙卯權知東平府事以疾辭家居養母至元年入爲中書省左右司郎中甄別能否人無怨言三年遷制國用使司郎中竭誠贊畫出納惟謹賦不加斂國用以饒七年轉尙書省左右司郎中九年改中書省防有識慮損益古今裁定典憲時皆宜之十一年拜兵刑部尙書卒封東平郡公諡莊憲子克適平陰縣尹

郝彬字景文霸州信安人世祖初年十六充太子宿衛擢揚州路治中郵縣賊顧閩聚眾海島侵揚州境彬計擒之泰輿人有被殺二年而盜不獲者吏誣平人獄已具彬疑其誣獻之果得真盜御史薦彬同知淮西宣慰司事覈戶版理屯田諸廢修舉江淮財賦總管府掌東宮田賦其官屬皆從詹事院奏授不隸中書往往爲盜利誅求無厭彬爲總管入見請授憲司糾察以革其弊罷所隸六提舉司以蘇民瘼從之遂罷其四國家鹽利兩淮獨當天之半法日以壞以彬行戶部尙書經理之彬請度舟楫所通道理均建六倉煮鹽於場運積之倉歲首聽羣商於轉運司探倉籌定其所乃買券又定河商江商市易之法著爲令入爲戶部尙書拜中書參知政事俄免歸尙書省立拜參知政事辭家居七年仁宗朝召爲大司農卿未幾謝病延祐七年卒

高源字仲淵晉州人幼孤事母孝補縣吏中統初授衛輝路知事升齊河縣尹有遺愛累遷浙西道提刑按察司僉事勃常州路達嚨噶齊馬忽奪民田及他不法事恕懼走賂權宦阿哈瑪特以他事誣源既繫獄時源所居鄰里多阿哈瑪特親戚素知源事母孝至是聞源坐非辜悉語阿哈瑪特曰源孝子也天必知之若妄殺源悖天不祥阿哈瑪特感悟得不死尋除河間等路都轉運副使撫治有條竈戶逃者皆復業常賦外羨餘幾十萬繕至元欽定續通志卷四百八十四列傳

二十八年遷都水監開通惠河人蒙其利授同知湖南道宣慰司事卒

楊混字彥清真定藁城人習章程學工書算始以府吏選權法中統元年辟爲中書掾與中山楊珍無極楊下齊名時人以三楊目之中書省初立國用不足混論鈔法宜以權貨制國用朝廷從之命掌其條制四年遷左司提控掾請嚴賊吏法至元三年立制國用司總天下錢穀以混爲員外郎改宣徽院參議提計帑立籍具其出入之算每月終上之遂定爲令加諸路交鈔都提舉上鈔法便宜事請準行用庫白金出入有偷濫之弊請以五十兩鑄爲錠文以元寶用之便七年改制國用司爲尙書省拜戶部侍郎仍兼交鈔提舉時用壬子舊籍定賦役高下混言爲富不常歲久寔易其可以昔時之籍而定今之賦役哉因俾第其輕重人以爲平混心計精析時論經費者咸推其能焉

吳鼎字鼎臣燕京人至元十七年入東宮爲宿衛後積官至禮部尙書宣徽副使大德十一年山東諸部饑詔鼎往振之朝議發米四萬石鈔折米一萬石鼎曰民得鈔將何從易米同使者曰朝議已定恐不可復得鼎曰人命豈不重於米耶言於朝卒易米以行至大元年改保定路總管時皇太后欲幸五臺言者請開保定西五道嶺以取捷徑道窮視地形計工費鼎言荒山斗入人跡久絕非乘輿所宜往太后命寢其役三年召授同知中政院事兩浙財賦試中政者鉅萬計前任者率多取贏鼎治之一無私浙有兩富豪曰朱張清張也朱家多貸與民錢後誅沒而券之已償者亦入官官唯驗券徵理民不能堪鼎力爲辯白始獲免四年改京畿漕運使皇慶二年進崇祥院使延祐三年卒封葡國公諡孝敏

梁德珪字伯溫河間人初給事昭容順聖皇后宮令習國語通奏對年十一見世祖至元十六

年爲中書左侍郎中大遷至參議尙書省事三十一年執政入奏事帝詢其曲折不能對德珪從旁辯析明白通暢帝大悅拜參知政事在省日久凡錢穀出納之制銓選進退之宜諸藩賜予之節命有驟至不暇閱簡牘同列莫知措辭德珪數詔卽定間遇事則曰某事當如某律某年嘗有此旨驗之不爽帝聞州郡報囚之數怪其過多德珪方在右司對曰當國者急於徵索蔓延收繫故致此帝感悟爲大赦中外迪貧民賴以蘇成宗卽位以安靜爲治求進者不得逞其志朋聚興怨擯事中傷德珪會帝有疾言者盛氣致詰德珪慷慨引咎遂安置湖廣帝疾愈問知之召使復位

按續通鑑載大德七年坐受朱清獻瑛賂罷戍邊入既至帝問卿安在德珪涕泣不能

年復爲平章政事蓋卽此時也本傳特隱約其詞耳
語以氣疾乞骸骨歸大德八年卒於家

欽定續通志

卷四百八十四

列傳

五

